

旅京東三省公民  
會遼源交涉記實



應善以署簽



# 東三省公民會遼源交涉紀實

## 圖像

### 序言

第一款 本案肇釁之事實附地點詳圖

第二款 日人嚴苛條件之提出

附條件之白話解釋

附剖判此次交涉之原理

第三款 我國外交當局之畏縮

第四款 東三省旅京同鄉之崛起

第五款 北京東三省公民會之成立

第六款 奉天各團體之抗爭

第七款 東三省代表之北來

第八款 本會奮爭之進行

第九款 各省之函電往來

第十款 外交談判之始末

目錄


第十一欸 我國承認條件之履行及日軍之撤退

第十二欸 交涉之往來文件


第十三欸 會員題名及認捐款項收支數目



中華民國五年三月二十日旅東京三省公民會全體會員合影



旅 京 東 三 省 公 民 會 交 際 股 幹 事  
吉 林 督 軍 廷 九  
鮑 貴 卿 字 九



大 總 統 府 軍 事 顧 問 東 三 省 巡 閱 使 署 高 等 顧 問  
前 奉 天 全 省 幫 辦 軍 務 陸 軍 第 二 十 八 師 師 長  
馮 德 麟 字 閣 臣



京 旅 師 憲 陳  
東 兵 興  
三 司 亞  
省 公 令 亞  
民 官 字  
會 正 陸 介  
會 軍 卿  
長 少  
將



旅 東 京 三 省 公 民 會 文 牘 主 任 幹 事  
陸 軍 步 兵 上 校 大 總 統 府 侍 從 武 官  
北 京 民 國 大 學 校 長 應 善 以



旅東京三省公會民會計股幹事簡任職存記內務部僉事  
楊乃廣字子襄



任主股際交會民公省三東京旅  
表代民公林吉問顧署公省長林吉  
先任字拯宗梁



長會副會民公省三東京旅  
師律  
五星字章魁左



事幹股際交會民公省三東京旅  
表代民公林吉  
唐任字民蔭李



幹事股際交會民公省三東京旅  
員議院議衆  
菴立字禮廣秦



旅東京三省公農會代表  
張天化



旅東京三省公商會代表  
高崑字景韶



旅東京三省公農會副會長  
李有愷字蘭坡



旅東京三省公農會副會長  
李友蘭字香齋



旅東京三省公民政會庶務股幹事  
衆議院議員  
楊榮 字春熙 坪



旅東京三省公民政會交際股幹事  
奉天省會議員  
齊大 字昌俊 三



旅東京三省公民政會交際股幹事  
吉林 代表  
初兆 字鶴星



旅東京三省公民政會文牘股幹事  
講武堂教官  
徐佩 字韻浦



旅東京三省公民會交際股幹事  
奉天教育會代表  
呂瀛寰字維東



旅東京三省公民會交際股幹事  
奉天瀋陽縣公民代表  
孫耀祖字乃武



旅東京三省公民會交際股幹事  
衆議院議員  
富元字惠軒



旅東京三省公民會交際股幹事  
奉天教育會代表  
劉先民字谷泉

## 序言

語曰弱國無外交非無外交也無外交後盾也後盾爲何曰武力是曰民氣是無武力不能戰勝於疆場亦不能戰勝於壇坫無民氣則國民麻木不仁既不知愛國亦不知對外凡國家權利任強鄰之若何侵奪聽官府之隨意斷送而毫不過問則國家未有不危亡者有清之季同光兩朝外事最繁試一翻閱外交史則領土主權之喪失不知凡幾無他君權專制國際交涉人民不但不敢與爭且亦不得與問以政府少數人之才之智之力而與列強角逐鮮有不失敗者非盡武力之不足實由民氣之不振耳迨後民智漸開民權漸伸知政府對外之力薄弱乃由政府外交漸趨向於國民外交矣故二辰丸事件有爭安奉鐵路事件有爭間島及中日交涉事件又有爭雖一時未收大效而民氣已自此勃興矣最近如老西開鄭家屯廈門

等交涉公民開會群起反抗民氣之蓬勃實有勝於十萬甲兵者縱  
強國對弱國無公理公法之可言卽此民氣亦足以懾外人之氣而  
寒強鄰之膽况公理公法之未盡泯滅哉今鄭家屯交涉已經解決  
吾東三省公民所誓死力爭之點外交當局始經拒絕東鄰業已讓  
步以東省三千萬人民之奔走呼號復得二十二省區之援助百五  
十日之光陰而收此差強人意之效果致主權未致喪失滿蒙不卽  
淪亡者皆民氣有以盾其後也安得曰弱國無外交哉亦視民氣何  
如耳使從此培養民氣鼓勵民氣則轉弱爲強且暮事也吾國人其  
審諸是爲序

中華民國六年三月朔日海城陳興亞序於北京西珠市口東三省  
公民會

## 弁詞

外交難而弱國對於強國之外交尤難試披覽數十年中中國交涉失敗之歷史未嘗不使人敼敼而涕隕兢兢而心寒自遼源事起彼東隣之視我者行將比之於三韓危困之狀匪可形之文翰於是我公民知存急之局不可盡付之於行人之官乃九合髦俊召集衣冠號呼奔走力嘶聲乾志士慮竭富人財殫倦旣忘寢飢竟並餐蓬蓬勃勃如岡如巒而政府且藉我爲後盾我將賴政府爲深幹數月之頃成效可觀竟如見影而立之竿遂獲今日之賴安未至摧殘刻以經過事實編輯成冊而付之刊爰樂書數語俾後之君子有所覽觀

海城鮑貴卿

魁章吉之農安淺學士也才識謏陋經驗幼穉丙辰秋以事來京值中日遼源交涉發生我三省有識之士稔內力之不足懼外交之失敗組織公民會爲外交後援公議辦事章程票舉正副會長魁章蒙諸會員謬舉爲副會長當經一再固辭未獲允准嗣因義關桑梓情切杞憂遂忘鴛駘之乘期收涓埃之助成立以來半載於茲幸蒙同人之贊助無大隕越而交涉又復轉圜我民國前途之幸亦同人之幸也然溯自成立以來幾經困苦故同人等欲將經過情形編纂成秩索序於予予苦不文因贅數語以附卷首非敢詡己之功也聊作紀念云爾

左魁章序

西人每謂中國人無三人以上之團體嗚呼斯言其笑我歎其激我也奉省遼源交涉事起奉人驚怖旅京鄉人尤皇皇蓋恐交涉失敗東三省亡且以亡東三省者亡及全國也爰結團體定名爲東三省公民會與會同人無不結以決心持以毅力運以熱誠呼且號於驚濤駭浪風雨飄搖中爲三省代表作政府後援則以迴轉乾坤之力挽此次交涉於不敗始則人猶竊竊然誹議之以西人之笑我者譏我無成繼以本會主張著著進步政府依據之以節節成功於是聲譽隆起一往無前卒能補助政府感格強鄰此次千鈞一髮之交涉遂從容解決於函電口舌之下所謂中日親善主義且因之更進一步焉孰謂吾人無團體哉又孰謂團體堅固者不克成厥功善以不材始終與其事際以會務結果之日擬以本會經過事實彙告於吾鄉父老兄弟諸姑姊妹也冊成爲序蓋以誌不忘非敢隨聲喧彩以

貪天之功重以今之國家又由平和而接近於競爭往者可鑒來日方難祇望本會同人再接再厲宏我保東三省主義進而保我國家善以不敏尤願踴躍於同人之後異日者五色國旗飛揚於歐亞大舞台上受友邦國民無上之歡迎呼中華民國萬歲同胞之光榮本會之願力也我全國同胞乎曷興乎來我三省父老兄弟諸姑姊妹乎曷興乎來是爲序

遼陽應善以謹序

嗟家東省	毗連俄日	俄既鷹瞵	日又虎視	擴張國權
借端生事	解決交涉	固視國力	外交後援	又賴民氣
幸我三省	民氣沉雄	交涉將挫	公等來京	結我團體
振我神經	組織大會	卒成奇功	溯厥成立	幾經挫折
抱定宗旨	不曲不阿	彼日雖狡	莫我如何	大會之功
帶礪山河	國勢微弱	外患頻來	天下興亡	匹夫有責
大會諸公	濟世之才	願茲以往	勿忘此懷	民國前途
應幾有豸	言念及此	於焉快哉		

于捷三恭祝

搏粒沙幼秒之塵可成莽蒼大地積游盪么絲之氣便是藍蔚高天  
蓋分散則力脆團結則體堅凡百皆然况我三省公民東方一氣相  
盤旋於是乎言內政則不落人後言外交則不讓人先更願二十餘  
省同着祖生鞭

奉天康平縣徐芳祝

共和光復丙辰年國民參政始得全權結社集會討論外交輿論澎  
淖擬作後援關外三省地處邊陲日南俄北勢力範圍虎視耽耽垂  
涎已久遇事生風動作自由無故肇釁遼源事起調軍設警要求權  
利驅逐官憲佔據土地咄咄逼人罔知顧忌三省公民志氣激昂組  
織大會與彼對抗函電交馳聯絡全國代表力爭志不少挫交涉結  
束大會功成綴詞紀念莫忘斯痛民國萬歲民氣啓迪恭祝大會萬  
有千禱

秦廣禮祝詞

慨自歐戰發生袁賊謀叛強鄰乘隙一再要挾亡國現象幾乎不遠所幸天心厭亂民國重光五族同心其勢蒸蒸彼見無機可乘遂暗助蒙匪擾亂邊疆欲使螞蚱爭持藉行侵略政策此所以兩軍相衝致有去歲遼源之事也夫兩軍衝突之原因豈曲在我而直在彼乎乃彼凌壓我玩童攻擊我軍營我軍爲防衛計開槍相應因而彼此俱傷是我直而彼曲矣我直而彼曲按諸國際條例彼對於我應負當相之家義務今我不要求於彼彼反提出滅國條件誅求於我公理云乎哉強權而已矣設非值此賊氣滌盡之時共和恢復之日上下一心誓死反抗則警察顧問兩項彼安能遽行退讓乎故此交涉我雖未獲美滿之結果然與前此之交涉相較猶稍占優勝是知所以能至此者無他故焉端賴公民會之發起人民爲之後盾耳不有共和之再造難容民氣之澎漲不有民氣之澎漲安望交涉之制

勝故言念及此惟祝我四萬萬同胞勿尙意見勿爭權利同心協力  
擁護共和萬歲千秋永垂不朽

李潤民祝

遼源案結束三省人民化危爲安雖不無美中不足之感然鮮不欣喜欲狂日誦政府之盛德而不知邊警傳來其亡在卽時游說當道聳動衆心促進外交速於解決者觀日本畏我民氣之論調於總統總長之力外宜歸功於我公民會之發生焉蓋二十世紀之外交一國民之外交也國民具有愛國心則其對外政策自必立於優勝之地位反之未有不敗者也是以自今而後吾對於吾同胞有二種感想焉一則記國恥之難忘一則記痛定之宜思夫遼源交涉日本無故尋隙妄啓兩軍混戰之端乃復不知自責恣情要求迫我承認幸我黎總統伍總長與之嚴重交涉據理抗議加以各省代表極力鼓吹迄今始得平和解決所謂平和解決者非按諸國際公法各負同等之責任各認相當之過失不過彼要求一尺我與之二寸故耳况此案之眞像曲在彼直在我也曲旣在彼彼對於我應有相當之賠

償相當之謝罪而後方稱平允今則非直不能如斯也反使我賠償謝罪言念及此凡有心人莫不痛哭流涕甚恨弱國無外交也此等國恥吾與同胞當共記之世人每以啓齒謂我國人之性質善忘又謂我國人之熱心僅五分鐘耳此言雖屬譏諷然切中吾國人之通病我國人皆有耳目心思聞此言也當奮然興起振刷精神各負責任不爲利動不爲害牽將國家二字印入腦筋民權二字視同生命外侮之來也宜設法以禦之外侮既去也宜思患預防之萬衆一心急圖自強則國家有不振興邊境有不肅清者誠未之前聞也此等痛定思痛之義吾亦與吾同胞當共記之是爲祝

鷄林梁宗拯祝

我邦家頻年多故內憂外患交紛沓至邇者鄭家屯地方以細瑣故  
乃起國際交涉牽及軍警主權謂以茲故藉口實我三省人士慄慄  
危懼用是弗忍爰集公民大會作厥後盾自成立以迄今朝凡八旬  
有奇我同人奔走呼號不遑寧處俾當道悉我衷罔墜厥術維當道  
碩德遠猷和平告結我同人懷懷主權幸無虧將自茲結束念之哉  
無忘初志一德一心振勵警惕厥乃分子良厥拓都固外侮弗克重  
覲我先民氏亦允有依歸


高崑謹序

遼源交涉萬分危急生死存亡端在此舉惟我東人適當其地萬衆  
一心羣起相抵頭顱可斷豈甘奴隸據理力爭主權不失此後同胞  
常矢此志白山黑水庶幾萬禩

張化南序

民國八年五七國恥後數日應君善以以遼源交涉東三省公民會抗爭之紀實屬余纂修而類輯之余欣然受之曰遼源交涉爲中國存亡之關鍵其時余爲法校轉學事僕僕於京奉之間而不得與其事何幸於成功後得覩斯會進行之成績以歌揚而贊嘆之也吾國人士素昧外交自勝清以迄民國其間外交之失敗指不勝書論者每嘖嘖於國勢尪弱而不知民氣消沉有以致之也二十世紀以還外交之趨勢一變我國人亦漸知國民外交之勢力不肯漠然置之而其組織機關從事外交而最有成績者則自吾東三省公民會始日人以侵略東亞之野心伺隙於我側而欲挑釁蹈瑕藉端一逞者非一日也假遼源之細故施吞併之詭謀其咄咄逼人之勢公理奚足以喻之公法奚足以繩之東三省諸大君子知其然也於是呼號奔走叱咤嗚舉國憤激雷動雲合卒致民氣振奮公法效靈衆志

成城強權莫逞山河無恙主權如故誰謂民氣不可恃哉方今暴德  
屈服公理昌明我國數十年國際不平等之待遇似可一掃而除之  
然我苟不自除夫誰爲我除之我苟不自爭夫誰代我爭之外交失  
敗之耗傳來國民之憤激莫遏外交後援會棋布於國中商學聯合  
會星羅於宇內激發民氣誓死力爭得勿我東三省公民會之先聲  
有以嚮導之耶於戲斯會也於舉國懵懵漠視外交之時而能如汝  
南晨雞登台先喚使國民曉然於外交之趨勢民氣之效力以樹吾  
中華國民外交之風聲其功不可沒矣是爲序 興京孫象乾謹序



序  
首

十六

# 旅京東三省公民會遼源交涉紀實

## 第一款 本案肇釁之事實 附地點詳圖

### 肇衅之事實

陽歷八月十三日午後三時鄭家屯魚市街某住戶數齡小孩在街食瓜適日本廣濟藥房日商吉本喜代吉同時在街散步游行小孩無意中誤將瓜子摔於吉本衣上吉本當時大怒急將小孩扭住痛打適來一不知姓名之中國兵士瞥見此狀不忍小孩苦楚向前詢問情由並婉言勸解吉本當將小孩鬆釋推搦路旁向兵士怒目聲言我係日本人你係中國兵休來管我且言且向兵士臉上連擊數掌我兵憤其蠻橫亦還手擊之吉本知不勝瞥見路旁柴擔急將柴擔上之扁擔搶起力向我兵猛擊我兵情急搶步向前將其扁擔奪過還擊之斯時街人羣向前當衝排解始各分頭散去嗣後日商吉本以未佔十分便宜遂赴日警署捏詞訴告日警士河瀨不加察查遽帶同吉本首先闖入聚豐當店院（二十七師駐所）任執中國駐兵一名令吉本指認是否係相毆之兵吉本答以非是河瀨復帶吉本來我二十八師駐所裕勝當店該駐所崗兵見該日警等既不投刺又無話說怒氣沖沖昂然直前遂向前攔阻詰問河瀨憤言曰找汝長官崗兵以長官赴野外查看地形答之該河瀨等遂去往我鎮守使署適鎮使暨署交涉員均不在署當由某副官接待河瀨以使外出又帶同吉本復回裕勝當店仍欲直行闖入復被崗兵以長官公出勸阻之河瀨等遂憤憤去及是日午後四時許日警河瀨同中尉井上松尾率日兵二十餘



名均全付武裝作進攻勢跑步到我騎兵團部裕勝當店門前河瀨與日兵二名首先搶步將崗兵拘執跟踫拖入門其餘日兵隨一闕闖入院內我弁兵見其來勢洶洶極力笑鬻逢迎招待冀弭禍端并請其官士五六人入室坐飲值此時間有我護兵一名由屋內走向院中適身負手槍被日兵瞥見即向前來奪忙遑爭奪間該手鎗機鈕亂被扯拉忽竟響發彈出於是日人衆槍齊發逢人射擊斯時楊團長等在郊外查看地形未回團部僅馬弁護兵崗兵數人倉皇間不及抵禦亦無力抵禦可憐徒手之弁兵數人已無端被日兵擊死僅有馬弁馮相廷與目兵某二人負後院牆隅避匿繼而馮馬弁見日兵逐處搜查知勢不能終匿遂作急遽蛇行突將後角門守門日兵槍枝奪獲旋步拚命還擊當斃倒日兵數名旋以衆寡終恐不敵且身負重傷隨亦伺隙逃去斯時團部無我兵一名在院內者除雙方傷亡士兵外皆日兵也嗣日兵因不見我兵一人旋亦回其駐所及楊團長等由郊外到營時亦僅見中日死傷兵士狼藉團部院內外而已

是日午後五時許張旅長楊團長等回營時值日兵已去查知情節隨訪靖縣知事令其設法調處維持適靖知事亦聞警而出查知情節後即赴日營安慰並要求其訓令兵士勿再相仇日隊長井上松尾當要求令二十八師部時出城不得停留靖知事當即訪晤張旅長會商辦法亦深恐我其他士兵因憤激之極思圖報復張旅長當即下緊急命令所部即時開拔城外駐紮以免再滋事端靖知事俟二十八師退出後隨又到日營告以二十八師業盡退拔出城情形日隊長仍以恐我兵報復爲詞逼令中國駐遼無論何等軍隊均須一律退出城外三十里以外駐紮靖知事以維持邦交消弭禍端起見隨又向後


巡防及二十七師軍隊各長官商說經各長官允許當卽於是晚八時許相繼退出靖知事復赴日營告以中國各軍隊已一律退盡情形并告以將往裕勝當店勘驗鬪鬪情形查點兩方傷亡士兵數目等語井上遽翻變面目蠻不允准竟將靖知事拘留於該隊駐所屋內靖知事無法只得派縣署交涉員審判員承發吏協同前往勘驗始悉二十八師兵死五名傷三名中國行人一名日本兵死六名傷數名其死傷地點另有圖說驗明後當將日兵屍身拾送日營辦理十四日早靖知事以地面秩序急待維持人心驚惶急待安慰向日隊長理論請其允准釋放回署又經鎮署董參謀長竭力婉言苦求井上始允以知事子爲質將靖知事放回時人心惶惶經靖知事曉諭始漸安謐是日晚知事仍回日營住宿十六日張旅長又奉馮幫辦電令將軍隊退紮大廟彰武等處是晚七鐘時日騎兵百二十餘名到遼十七日晚五鐘又到日步兵三百二十餘名遂分佈各兵將我遼源鎮守使署及各營房全行佔據并張貼告示由鄭家屯至四平街三十里內不准華人人境違者殺不赦云云

---

第一款 本案雜費之事實 附地點詳圖




# 中日兵警事及日兵亡位圖



第一款 本案肇發之事實 附地點詳圖

# 裕勝當舖中院中日兵交關後屍身位置圖


第一款 本案筆錄之事實 附地點詳圖



## 圖號

X 中日兵屍  
 O 中日兵屍  
 \* 柴草堆  
 L 花牆


# 圖狀形之擊彈軍日被牆花之外室住長團揚



- ◇ 軍封條
- × 我兵屍位置
- 日兵屍位置
- ↑ 被彈之破裂點

第一款 本案發覺之事實 附地點詳圖

# 遼源日軍守備隊之駐所圖



第一款 本案發覺之事實，附地點詳圖

↑ 日軍赴裕勝當店路線

圖號  
交關地點

---

第一款 本案發覺之事實 附地點詳圖

## 第二款 日人嚴苛條件之提出

駐京日公使林權助氏得其政府訓令於九月二日偕其參贊小幡書記船津到我外交部見陳兼署總長爲第一次之談話并提出條件八則加以說明要求承認同日午後又偕船津至國務院見段總理談話其所談如何姑置不論茲紀其所提條件如下(一)嚴責第二十八師師長 (二)罷與其衝突之軍隊之軍官并懲罰軍士 (三)中政府當道歉并命令東三省各長官嗣後中國軍隊不得與日本衝突 (四)由日本駐紮警察於南滿及內蒙 (五)在南滿及內蒙中國應聘日人爲軍事顧問 (六)聘日本人爲軍事教授者 (七)給日本死者家屬以賠償 (八)奉天督軍向日本謝罪

按此處所列條件與日使面交解決本案之條件書文言稍異蓋當時外交當局未將條件書披露本會僅由各方調查得來故未能悉符原文也 編者識

---

第二款 日人嚴苛條件之提出

## 附條件之白話解釋

遼源交涉之緣起其事由已詳於本紀第一目中茲將日使提出之八樣條件用白話解釋之藉以揭彼陰謀喚醒同胞焉

### 第一條

嚴責二十八師師長

謹按我二十八師師長爲我軍隊最上級軍官係我大總統所任命以一師主權付與之也此次蒙匪與宗社黨誰勾通之誰暗助之同胞當共知共曉也馮師長奉命征勦蒙匪駐節洮南本爲一方之保障除暴之元戎日本爲圖自己利益計藉端尋衅要求我政府施以責罰且欲嚴而責之細味嚴責二字的意義必將該師長免官交付懲戒會重懲方達到嚴責二字圓滿目的同胞細想想若照這樣辦法將來日本再有交涉我國的統兵大員誰還敢與之抵抗豈不是把我的高等軍官全養成媚外的性質嗎這是我們萬萬不能承認的

### 第二條

罷責與其衝突之軍隊之軍官并懲罰軍士

謹按罷字之義卽免官之謂也責卽懲辦之謂也其字指日本而言軍官凡旅長團長均包括在內與其衝突之軍隊卽指日軍人入我營內開槍亂打打死我的軍人若干我的軍人爲救護自己的生命起見不得已還槍相擊打死他幾個日本兵這就算與其衝突照私法鬪殺論命命相抵照公法論遼源爲我

完全領土非租界地日本不得在此設立警察並不得在此駐紮軍隊且爲私人毆鬪尤不得闖入我軍營擅殺我軍士種種恃強凌弱反誣我與其衝突欲將我旅團營各部軍官而罷責之世界有此公理乎並懲罰軍士

軍士者凡上中下士及正副目兵均包括在內懲罰云者或處以死刑或予以監禁或判以有期徒刑同胞細想想軍士者乃我護國之干城保民之甲冑因此小事故竟重懲而嚴罰之致令健兒氣短豪傑心灰從今以後闖外之人誰敢再充軍入伍耶咳日人毒謀辣計直欲殺盡我熱血男兒同胞呀同胞呀這樣羞辱我們我們活活子幹什麼

## 第二條

中國政府當道歉並命令東三省各長官嗣後中國軍隊不得與日本衝突

謹按日本所指東三省各長官凡地方文武各官長均包括在內並教我大總統發命令曉諭各文武長官轉飭各軍隊從今以後永久不許與日本衝突咳同胞細想想我們的民脂民膏養活這些軍隊是作甚用的若使他們永久不許與日人衝突日人罵我我不敢還口打我不敢還手若一還口還手便爲與之衝突以違反條約論興兵問罪行動自由我的人民就得任憑他殺戮而姦淫之我的土地與財產就得任憑他霸佔而強奪之咳這樣條件若允許他簡直的是第二個高麗國民了吾說到此問我我我惟有放聲痛哭而已且願我的最親愛最聖神的三省同胞同放聲痛哭然而楚囚對泣古人所羞與其徒放聲痛哭莫如揩乾眼淚把脚一綫把心一橫把互謀權利心打落把互相殘害心割除把互造謠言

心去掉把互奪金錢心洗淨大家拿出來一個良心一個愛心一個真心一個決心合成一個堅忍不拔救苦救難的活菩薩心死裏求生古語云精誠所至金石爲開我三省人民或不至爲日人釜中之魚否則大難當前後患不堪設想了

#### 第四條

由日本駐紮警察於南滿及內蒙

謹按南滿內蒙除鐵路指定租界綫外完全爲我領土非高麗國之歸併日本可比也乃日本竟要求我政府准其在南滿內蒙徧地設警察查南滿內蒙照去年條約所載範圍最廣北至長春南至旅大東至朝鮮西至山海關皆稱爲南滿內蒙則包括五東四盟之地輻輳尤廣若把警察權讓給於他他徧地設警察同胞細想想我們身體尙得自由乎我們生命尙得自保乎我們財產尙得自有乎這警察權是我們的護身符是我們的活命丹是我們的中國魂是我們的無價寶若教日本奪去我三省的土地人民也就完了也就難以存在了贖下幾個也就都作他的馬牛奴隸了不信看看那高麗人不是個鐵板證據嗎咳不是作者拿大話來恐嚇人想這警察權的關係諸位也都是很明白的所以在下纔敢痛切言之同胞們不是常聽人講說高麗合台灣那些亡國的人什麼一把切菜刀幾家使用也得稟官凡男婚女嫁病人死人以及出入營業客去人來受種種限制種種虐待稍有差錯重則處以死刑輕則處以罰金與我們的這共和國民差的像天地一般何則共和國民如在天堂亡國的人民如下地獄若把這警察權答應日本准其這在南滿內蒙駐紮我們從此這就算下地獄這就算亡國這就算漸漸的要

滅種咳老者死不足惜可惜這些青年又聰明又伶俐一旦被人宰割而屠戮之摧殘而蹂躪之真叫人慟死了同胞細想想這警察權是讓得讓不得難道說日本人有三頭有六臂我們中華民國的人竟是天生的奴隸地養的賤材就甘心教他作踐嚙咳三省素多慷慨悲歌之士勇敢善戰之風其受病只在像一盤散沙各自顧各不結團體不但不結團體若看見人家結團體反千方百計破壞之陷害之這也是諱無可諱的雖然當看看這是什麼時候這是什麼勾當日本人要在我們房前房後安設警察我們再若不快結團體反同室操戈你說我是壞蛋我說你是敗類可真就成壞蛋可真就成敗類這可就應書經上二句話了火炎崑崗玉石俱焚連壞蛋敗類也都完了想再恢復原狀日本警察是萬萬不能容的到這般地位吾誰怨怨天天不應怨地地不語高麗台灣高麗南滿內蒙內蒙南滿也徒作歷史  
上名詞而已

### 第五條

在南滿及內蒙中國應聘日人爲軍事顧問

謹按南滿內蒙誰的土地誰的人民所籌畫南滿內蒙之軍事爲誰預備的防備誰來侵害我而抵抗之者的若聘日人爲軍事顧問我軍事上之計畫必被日人窺知我軍事上之秘密必被日人偵探正此嚴顏所謂獨坐窮山引虎自衛又如引賊入室將我之底裡真情和盤託出全告知欲劫奪我者北京的話不如乾脆把關外軍事撤退省了多少民脂民膏那養兵千日用兵一時的兩句話也就用不着了簡直就叫日本駐兵吧同胞要注意這顧問兩個字政府用本國人當顧問不過是安置閑散藉資竊廢或另

具酬勸的意思其實則不願不問按月支薪而已日人當顧問則不然樣樣的事他要干涉他要查考說一句土話吧簡直的是請一位冤家來替我們管事同他細細想想這害能有好啦

### 第六條

聘日本人爲軍事教授者

謹按教授兩個字的講義就像村塾中請一位老師宿儒來我們的家教授子弟耳提面命口講指畫要虛心下氣聽他的傳授日久天長薰陶漸染就像老母鷄抱窩慢慢的就化了再說一句罵人的話螟蛉有子螟蛉負之咱們若聘日本人爲軍事教授這全國的上級中級下級各軍官及所有軍士目兵也就成了日本的螟蛉了不是在下口過真是切實這樣的意思咳同胞細想想這軍事教授咱們寧死淨了也是不肯承認的咳彼日本真拿咱們不當人待真拿咱們神聖不可侵犯的之軍官軍人不當人待咱們有何臉面活在世界上可惜這四百兆神明華胃數百萬方里錦繡山河落在咱們一羣無廉恥的衆生手裏受這樣的凌辱害自私自利恨不把地皮刮淨一味的往自家囊中弄金錢呢

### 第七條

給日本死者家屬以賠償

謹按此條尙有理由雖然兩造互有死傷我賠償他的死者家屬我兵死的家屬將向誰索賠償耶有理由之中仍是以強壓弱

### 第八條

奉天督軍向日本謝罪

謹按督軍爲奉天最高級軍官國家體統所在若向日本謝罪侮我督軍即侮我三省全體人民且侮我中華民國之尊嚴也照公法應互相道歉互相謝罪方爲持平

以上八條皆足以制我死命但其中有緩有急有寧死不可承認有可以遷移曲就少事變通者謹逐條詳解或白話或文言用作當頭棒喝爾

## 附剖判此次交涉之原理

自遼源交涉之事起未幾日政府即有要求條件之提出內所舉者無非侵凌中國之主權摧殘中國之獨立肆其強暴行爲逞其蠶食野心而置公理公法於不顧政府迭次談判幾將全文承認而我滿蒙之警權國家軍事之高權已將捧手以授外人而我國獨立之運命豈非至此將告終乎然遼源交涉肇事之原因與執曲而執直乎苟其曲在我雖日人提出若何嚴酷之條件亦所自取無足怪者設其曲在彼日人非惟無提出條件之理由我且當以肇事之罪責問之奈之何曲既在彼而又提出嚴酷之條件以相強迫也考遼源交涉之起也其咎實難歸於我國且可云由於日本之故意挑撥有以致之蓋依據條約日人原不能在該處駐軍設警乃者去歲藉操演爲名派兵五十名駐紮該處我國屢請撤退竟未應允並縱容該國浪人欺侮華人諸如此類顯係挑撥藉端生事其用意之惡亦可概見其欲存肇事之心者亦非一日矣即以日本小商人吉本與華軍衝突而論無論原因如何總係兩國人民尋常鬪毆之事件無論孰直孰曲理宜向知事交涉警官河瀨不應自赴兵營爭論且鎮守使既允償給吉本醫藥等費已可和平了結乃河瀨竟懲慝日本隊長率兵闖入我國兵營開槍擊斃我兵我軍權莫此爲甚以私人之鬪毆竟釀成兩國軍隊之混戰按諸情事責應誰歸不待智者而後知也不特此也遼源知事事後竭力調停盡其職守乃日營竟將知事扣留數日夫知事乃我國行政之官扣留知事非僅侵害該知事個人之自由抑且大傷中國之體面且肇事後我兵爲避衝突已離開鄭家屯乃日人小題大做遽調軍隊占領土地驅逐華官張貼告示不許華人入境違則處以死刑按國際公法外國軍隊非得本國之

認許不得自由通過遑論占據今日人如此處置侵害我國領土主權實甚揆諸法理按諸情事豈可謂平故此大之事無論從何方面觀之其曲自不能歸諸我國然曲既在彼我國非惟不能責問其罪彼且有嚴酷條件之提出實可令人切齒痛心者也綜觀要求全文八條無不侵害中國之主權就中關於滿蒙設立警察及延聘日人軍事顧問軍事教練兩條與去歲所要求於我政府而由政府力抗者實屬竟體相同且加甚焉此次要求所謂滿蒙華軍司令部概聘日人軍事顧問者則雖去歲要求全案中所列尙不至如斯之甚蓋原案僅謂中政府如聘軍事顧問應首先商諸日本耳）當時雖有姑從緩議之說然我政府既盡力以拒而各國亦默助我國盡力以拒是緩議其名而撤銷其實也不意乘此交涉復行提出言念及此能不令人痛恨者乎彼日本之軍隊何以而得駐於鄭家屯鄭家屯之日軍何以而敢侵入華軍司令部此皆我國所宜自疚者耳然中日兵燹既啓之後我國兵之行爲縱極不合然日軍何以而在鄭家屯鄭家屯之華軍又何以而被侵於日軍此又日本所竭力聲辯未易爲功者也乃者日使林權助所提出之要求非徒與事實毫不相關且要求警察軍事顧問教授權於公法公理亦多不合按國際公法土地非經征服不能設立警察滿蒙豈被日本征服之地乎即延聘軍事顧問教練亦爲我國之自由何由相強故今日日本之要求在政治上言實欲使我在滿蒙之主權歸於消滅而已如彼在韓國先於一九〇九年七月十二日訂立條約剝奪其司法監獄行政權繼於一九一〇年八月二十三日正式合併韓國而置之於死地今日林公使之堅執在滿蒙設立警察苟我國示弱而承認之或使日人任軍事顧問教練之職得窺軍事之秘密則歐戰未終之前必即正式合併滿蒙矣此婦孺皆能見及者

滿蒙既去本部難保欲不爲朝鮮之續良不可得豈不大可哀乎故吾人當極力破壞日本之陰謀並應以其陰謀之野心公布之使世人共見共聞咸知日本之目的爲世界危險之起點不獨危及中國且危及西方之文化蓋日人之最後目的在宰制中國人力物力施其蠻橫手段先由南滿內蒙着手征服中國然後再乘機乘勢征服世界故此大日本之野心不獨我東省之人民當出死力以拒之我內地十八省之人民當出死力以拒之即歐洲諸國亦當與吾國人民同此心理起而共禦之也此次林公使重被任爲駐華公使也實與此次之交涉有莫大之關係當日本欲併朝鮮據我南滿而與俄人宣戰之時林氏適爲駐韓代表林氏一九〇五年十一月十七日簽訂日韓條約使韓國外交權威歸日本政府之掌握并於一九〇六年間伊藤得任命爲日本第一任駐韓總監當伊藤在韓國施其毒辣手段訂立種種條約拘束韓人且矢言保護韓國之時林氏適爲第一次駐華公使其時時機未熟故未敢遽以施諸韓國者加諸我國今林氏重來謀喪我滿蒙之主權者恰如彼初來華時日本在韓之所爲以對待我國也現日本對於滿蒙之大陸政策無非欲剝奪滿蒙之主權非多疑也今日日本寺內內閣之成立昔時伊藤施於韓國之故智行將施於我滿蒙矣蓋寺內與關東都督爲同謀之人凡日本在滿蒙之所以施恐嚇手段強暴行爲者該都督實負其責鄭家屯郭家店等處日人與蒙匪結合肆擾各地方所發生之事件皆該都督謀吞併滿蒙所得之結果也日人既據韓國更欲謀滿蒙圈入範圍之內此即日本之大陸政策也然其危險不獨滿蒙已也使日本得據滿蒙必進窺本部先佔最重要之行省如直隸山東等然後越長城詣京師循滿清人主中夏之故道直達我國古史上膏腴之地此實日人謀佔滿蒙之用心也彼

日本之有勢力之報紙輿有勢力之政客咸以吞併滿蒙呼號於國中而今之寺內首相尤爲主張合併政策之唯一健者況任本野爲外務大臣本野之對華政策固時時主張與俄國合力進行者也本野爲主張日俄同盟之人並爲締結同盟條約之人然則中國今日既至千鈞一髮之時設一旦滿蒙合併於日人則十八省之豆剖瓜分將不旋踵而至矣固無容疑也日本今茲之行動無論從何方面觀之要之非外交行動也近數日來彼人之言論益復奇橫足令吾儕驚心動魄夫此次之要求經其政府決定斷難輕易撤回然日本果據何種理由且有何種不得已之故而於此時忽提出條件以向我此事本已爲全世界人所難索解我若稍加害於日本則全世界人固宜承認日本人之自衛我若稍加無禮於日本則我亦宜受日本之責言我則如何乎遼瀋交涉本爲吉本小商人與華軍個人之衝突何嘗得罪於被何嘗稍加無禮於彼藉曰兩軍衝突實非兩國之福今後各自約束軍隊無使其衝突亦可了結矣乃者不顧事實忽提出嚴酷之條件勒令承認以天經地義論之我政府接此條件直可婉言謝絕不與談判然我政府顧念邦交忍辱負重日本曰汝其開議我則唯唯日本曰汝其秘密我則唯唯不特此也於其所提出之條件稍可商榷者則固披肝瀝胆以商權之矣稍可允許者則亦忍氣吞聲以允許之矣乃強迫其不可商榷者而必行商榷不可允許者而必行允許嗚呼人道安在公理何在日本之居心蓋逆料中國之現狀必不可戰而屈也夫以我國今日所處之地位欲絲毫不屈誠不可得然天下事有可屈者有不可屈者若欲並其不可屈者而屈之反應之結果實非日人之福也天下之事每出於所料之外遠者勿論近如白耳義之抗德甯非極不自量之事苟非自樂取亡絕不爲此乖謬之舉然而天下有義

可亡不可辱如比利時者豈其夙有計畫哉事勢相激忽呈異狀豈惟旁觀者不能逆料卽自身亦不能自主也果日本舉所要求者強迫承認我則爲自衛計亦惟出於一戰而已與其坐而待亡孰與一戰而或獲全也深恐東省人民昧於此次交涉之曲直暗於要求之條件之何若以致痛癢無關貽誤大局此斯編之所由作也

---

第二款 附○判此次交涉之原理

## 第三款 我國外交當局之畏縮

遼源交涉肇始未事實業涕泣而道告我父子弟矣然我外交當局夏詒靈對於此項交涉審查如何辨晰如何措拖操縱如何尤屬嚼碎牙根吞血言之哽咽不能成聲者也查肇衅事實徵等芝蔴根本大錯日人實鑄其曲在彼其直在我如山鐵案大力不能移易似日昭彰一指豈得盡掩夏詒靈當此交涉發生之始應先查事實事實既得曲直自判可指令駐奉交涉員就地交涉明示此項交涉事體性質起訖甚微絕無提歸京部談判價值由奉發始由奉收終可也部不然亦應高瞻遠矚預測日人刁惡將藉此挑撥奉交涉員拆衝無方已則挺身當之出先發制人手腕首訪日使歷舉其非嚴重詰責如中日新約南滿境內許日民雜居未許日兵雜駐其自由派兵駐紮遼源爲有心破壞條約其罪一也國際公法外國軍隊非得主國允許不得在其境域內自由通過日人派兵往遼不惟通過且自由駐紮我屢屢催其撤退日人置若罔聞是任意弁髦萬國共守之公法其罪二也以芝蔴細故縱兵攻我軍署戕我兵士橫恣暴戾其罪三也事後又驅我國軍據我營署反客爲主其罪四也種種事實種種罪案悉數枚舉用以詰責日人理曲氣自爲靡俯首謝過猶漸不遑安能再任意蠻橫恣情要求乃夏詒靈無一於此一味懵然茫然打定不負責任主意其畏日人如虎自視如鼠一遇交涉案之來即如大難之將屆匿身屏息俯首縮頸及不得已身臨談判陣壘一則曰唯唯再則曰唯唯瞠目結舌形猷神呆其五官百體即爲不靈也者以視其平素奔走鑽營之精神氣魄何其不相侔耶

既歸部議日人自知理曲是以將肇衅起訖均置不論勉勉強強以我兵包圍其營署之誣竊作我罪案

查日兵闖入我團部時我團部僅弁兵數人而已當時除被日兵彈擊傷亡者外僅馮馬弁等一二人負隅還擊作困獸之鬪且不久亦負傷逃去此事實之不可掩者也當時日兵尙存二十名其誣我兵包圍其營署者果不知何所指也若指馮馬弁等一二人所爲馮馬弁只能稱爲防禦還擊不得謂之爲包圍若曰包圍謂日兵包圍馮馬弁等一二人則可謂馮馬弁等一二人包圍日兵二十名則斷斷不可若指謂我其他營兵士所爲我在遼軍士約二千餘名其駐所均毗連裕勝當店若有意仇視日兵當其闖入我團部戕殺我兵士時率起環攻所來日兵當即時殲盡又安任其從容暇整收隊回營且果我其他營兵士包圍其營署以我二千餘百練之兵包圍不滿百數日兵之營署無論日兵如何勇敢一經轟擊其全數官兵盡署屋椽必盡爲我砲火灰燼何爲既經事後其傷亡兵士僅有在我團部者數人其營署屋椽仍輪奐依舊事跡堪按非可言誣在日人亦知誣我之說詞爛熳荒謬當藉季布一言作爲證據是以於事過後拘我遼店商人羅縵滿獄酷刑拷逼日以繼夜舉其誣我包圍之說勒令我商人口供認爲目覩親見我商人間有一二熬刑不過者勉强供認其至死不肯自誣者猶居多數諸商供詞可取按也嗚呼日人將以包圍之說誣我先逼我自誣慘矣矣夏語寔知之乎假曰不知其前之調查者何事若曰知之而不舉以詰責日人是無心肝也是土木偶也我外交重事也外交次長要職也用此無心肝之土木偶如僅能作唯唯聲之機器者何爲乎

日人既以包圍之說誣我遂提出條件八則逼我承認查其所提條件爲何即要我性命身家由其生殺處置之謂何爲要我性命身家以我對日有罪以我性命身家爲謝罪之賠償物品是我本無罪日人誣

我以罪又強我恭送謝罪物品以證明我罪之的眞確實噫在肇事之始日人恣情相逼我已盡情退讓矣事後日人自作主人逐我出境我違命出境又盡情退讓矣我之優容日人降心於日人者亦云至矣蕙以加矣必要我性命身家爲我謝罪禮物以實我罪不太甚矣乎試作一比例言之縱日爲主人我爲奴婢奴婢或一日受主人不情鞭笞哀求寬恕未蒙主允不得已反唇相稽亦事之常未必卽爲滔天大罪主人怒其不馴驅逐出門奴婢違命而行主人之怒當亦稍殺未必務殲其身始爲快舉況日人之於我非主人之視奴婢比也我之於日人實主人之視客也客無端入我室處小有齟齬客卽怒撻主人已屬不情主人哀求客恕未邀客允致反唇相稽亦情理應爾不爲過也而客竟以之爲罪驅逐主人主人唯唯遵命不違在客人爲暴戾逾恒不情過甚在主人寬宏大度禮遇非常而務必盡奪主人之性命身家爲始滿客意古今世界無此不情客人也有之必強盜也以文明國人自甘強盜恐日人不肯居茲惡名也夏詒靈若於日人提出條件之時辯論剖析嚴詞絕拒日人雖驕亦當爲理屈偷日人一味蠻橫不堪理喻我可將其所提條件剝削提出認爲彼無端要求另案辦理決不令其與遼源交涉連帶淆混日人不承認我言我寧死不爲也日人若承認我言是無端侵我主權割我土地也是自甘強盜也是萬國共尊之公理公法日人破壞之也甘犯天下之大不韙者日人也我縱捧主權奉之割地與之萬國當諒我理尚憫我國弱視日人爲毒蜂惡虜人道公敵將與天下共棄之也日人雖橫絕不敢公然犯衆怒以出此也日人既不出此其氣自沮我交涉着手自易前途之樂觀可預期也乃夏詒靈毫無意識一則曰唯唯再則曰唯唯一若以日人誣我之說爲情眞罪當除虔心檢點物品預備謝罪外無再有我一言

之餘地也者。噫！若非我政府其他諸公極力膽擲擊其麻木肘腕，彼於日人條件全體承認久矣。欲求延宕至今亦事之不可得者矣。今幸也天佑我邦，伍公以七旬老翁犧牲其安閒清福，慨然出肩重任。縱此項交涉已經夏詰，靈一誤再誤前途未可預測。吾人要知伍公必極力爲國盡瘁無疑也。吾人對於伍公感激崇拜之忱，正不知若何表示也。

## 第四款 東三省旅京同鄉之崛起

致北京各學校函

逕啓者查鄭家屯中日軍隊衝突案日使提出八項條款迫我政府作速承認其中最嚴酷者莫若警察權及軍事顧問權兩項倘政府不察允其所請我之主權不將隨而滅亡乎我東三省之父老兄弟不將爲其奴隸牛馬乎鄙人有鑒於此就商陳君介卿擬組織東三省旅京公民大會藉羣策羣力設法抵禦以期達到否認之目的想

貴校三省同鄉諸君子痛受切膚情必關心自能熱心贊成鼎力提倡并請

貴校三省同鄉開列名單寄擲敝社以備開會前寄送公啓勿悞是荷此致

- |      |       |        |        |        |      |
|------|-------|--------|--------|--------|------|
| 中國公學 | 國立法政  | 中央法政   | 中華大學   | 私立法政   | 警官補習 |
| 高等師範 | 航空學校  | 工業專門   | 電報學校   | 俄文學校   | 陸軍大學 |
| 陸軍軍需 | 北京醫學  | 清河陸軍學校 | 北京大學分科 | 北京大學預科 | 北京農業 |
| 專門   | 陸軍講武堂 |        |        |        |      |
- 東三省同鄉諸君均鑒

鄙人應善以頓首九月二日

致李筠生胡滌凡李紹白函

敬啓者日久未見想甚遼源中日軍隊衝突案日人提出八項條款迫我政府作速承認等情內有警察及陸軍顧問教授等權伏惟警察顧問均係我國行政上軍事上之主權萬無認與外人之理倘我政府

不察允其所請卽不啻我東省民命付之於日人也鄙有鑒於此擬組織東三省旅京公民大會以羣力羣策作外交後盾俾日人要求之款誓死不能允認我

公在京留學有年聯絡學友想必易易故特煩

閣下將

貴(大學議院)東三省同校諸君開列名單送交敝社以爲開會前發公啓之準備

執事熱心時事諒必允我所請可否之處祈賜教言爲荷此致

三先生均鑒

應善以頓首九月二日

李筠生來函

善以鄉兄先生閣下 翠竹碧梧一見傾心三往拜謁未獲一晤何相知之奇而相竦之巧也所囑之事  
敝校分科及中華大學三省同鄉昨已具表送交

貴社編輯黃又民君今國立高等師範同鄉亦調查齊仍具函寄去務祈查收再敝校預科現正在調查  
之中俟竣定爲奉上開會有日否

閣下關心桑梓諸務多勞弟等感激不勝惟有敬頌

時祺臨風拜手耳

鄉小弟李筠生謹啓九月二十日

李筠生來函

敝校分科及中華大學北京高等師範學校諸同鄉姓名均已造表奉上諒必接見現敝校預科亦調查完應即寄去務祈

查收國立立法政專門農業專門醫學專門稅務學校協和醫學中國公學私立立法政學校諸同鄉有人調查否開會有日否祈便中賜知爲盼肅此順頌

善以先生時祺

致李筠生函

小弟筠生謹啓九月二十三日

昨寄來 貴校分科中華大學北京高師各校同鄉姓名列表均已接到頃又接奉

華園及貴校預科同鄉姓名表亦均領悉足徵

關心時局愛護桑梓奔走呼號不辭勞苦欽佩承詢各校有無調查一節除協和醫學中國公學國

立法政農業專門醫學專門私立立法政各校已另函囑友調查外若稅務學校仍請

執事格外分神代查爲盼訂於本月二十五日下午一時至五時在三里河織雲公所開東三省旅京公

民大會望於開會前兩日將所託調查名單擲下以備寄發公啓勿悞是幸此復

龍蓀鄉兄先生電鑒

應善以頓首九月二十三日

致東三省會館董事函

逕啓者查鄭家屯交涉案日人無理要求迫我政府承認侵害我主權欺凌我政府我東省同鄉關懷桑梓情難漠視刻擬聯絡同鄉開一大會藉羣策羣力設法抵禦以作政府後盾期達否認目的可否之處

請即時

致我以備入手聯合到會人多方壯我開會聲勢以收對付實効此致

吳蓮伯

楊子襄

宋鐵某

諸先生鑒

齊照岩

鄉愚弟

陳興亞  
應善以

全啓九月十五日

致開大會函

逕啓者現因遼瀋交涉日人要求過苛侵我主權我三省實有切膚之痛凡我同鄉關懷桑梓情難漠視茲訂於九月二十五日(卽星期)下午一時在東珠市口三里河織雲公所開同鄉會討論對待方法屆時務請

早臨爲幸

再函達恐有不周務請同鄉互相知會爲懇

東三省會館董事

吳景濂

宋小濂

全啓

楊乃庶

齊耀珊

報告警區函

逕啓者敝會訂於九月二十五日下午一時在東珠市口三里河織雲公所開東三省旅京同鄉公民大

會相繼函報

費署查照施行此致

外右二區警察署

東三省會館啓九月二十日

東三省旅京公民第一次開會

會場記事

中華民國五年九月二十五日假東珠市口三里河織雲公所開東三省旅京公民大會到會者四百三十人公推應善以爲臨時主席報告開會宗旨及將日中軍隊在遼源肇慶之事實日本對華要求之條件略述梗概(條件見前)末謂日本現已設立警察若干處如奉天之瀋陽海城牛莊鐵嶺開原洮鹿鄭家屯錦縣等處吉林之長春農安伊通等處刻交涉尙未結局而日人竟藐視國際公法以強凌弱佔領我土地橫侵我主權我等均爲東省食毛踐土之倫受此切膚劇痛當必設法以抵禦之庶可免致我等之死命云云

陳興亞演說詞

適纔應君報告今日召集同鄉開會宗旨並遼源交涉之梗概本不待再爲述說惟個中詳情恐同鄉中有未盡悉者敢再陳之此次交涉之發生本因極未徵之事陽曆八月十三日下午鄭家屯魚市街某住戶之數歲小孩在街上食瓜未加小心誤將瓜子摔於日商告本衣服上此事在平常論之既俟無知之小孩且非出於故意本可原諒寬容即不然薄責示警亦可洩忿孰知吉本急將小孩扭住痛打不休小

孩不堪其苦號泣之聲慘不忍聞此時來一不知姓名之廿四兵士向前解勸反觸吉本之怒奮擊我兵兩相糾拊常被街人勸解而散此不過尋常鬪毆之事各有勝負亦無須乎復仇乃日本竟欲藉此小題而大作其謀人家國之文章日警署據吉本之報告日警何瀨立率吉本闖入二十七師駐所聚豐店院內徧認各兵無一係相毆之人復欲闖入二十八師駐所裕勝店院內因被門崗所阻乃勾同中尉井上松尾率日兵二十餘名全付武裝闖入裕勝店院內拘執門崗奪我護兵所代之短槍彼此扭扯誤觸機關響發彈出於是日軍拳槍齊鳴斃傷我兵數名院中遂被日軍佔據迨張旅長楊團長公舉回營時日兵已去矣適靖縣知事出而調處赴日營安慰日隊長井上松尾以防備我軍報復爲藉口要求駐在遼源之我軍立時退出城外三十里我軍事長官顧念邦交准如所請并將靖縣知事拘於日軍營以其子爲質始允回署十六十七兩日日騎步兵四百餘名到遼將鎮守使署及各軍營答全行佔據並張貼告示由鄭家屯至四平街二十里內不准華人入境違者處以死刑云云此遼源交涉肇釀之事實也同鄉想想遼源爲我國完全之領域按國際法不得我國許可他國軍隊均不得通過乃日本去歲借演野操之名派兵五十到遼駐守堅不撤退不但蔑視國際公法而其蓄心直以不國視我國矣此番私人鬥毆自有地方官之裁判乃竟逞其野蠻大動干戈攻擊我兵營屠殺我軍士驅逐我軍隊拘留我知事而我皇皇之文武長官俯首下心忍辱退讓何物非上竟敢大肆厥威毫無顧忌噫我中國尙稱爲獨立國乎遼源尙爲我可完全領土乎日本得隴望蜀進逼無已調來大隊占領我遼源張貼布告代行我統治是以戰時之征服地視遼源也敵人聞此皆裂髮指以爲日本如此之舉動直爲亡我滿洲之導線非僅占

據遼源已也果於九月二日日公使有八條件之提出此八項條件有爲柔化我國之武力者有爲直接  
并我滿蒙者有間接亡我中國者如奉督謝罪懲戒師長罷免有責任之將校及使中國軍隊軍人不再  
有挑撥日本軍隊軍人及人民之言動各條件乃具柔我武力之作用何則此次交涉之禍首確爲日人  
是我國已占有埋之地位日本果講公理方有判謝罪之不暇而反有處罰我軍之要求是欲使我軍人  
受罵不敢反聲被打不可還手慚化剛毅勇武之軍人爲畏葸退縮含垢忍辱無血氣無羞恥之懦夫將  
來彼雖佔據我土地擄掠我人民攘奪我主權而我軍隊將畏本國之懲罰急避勇退而不敢與日人較  
武士頓墮民氣消沉試問中國尙何恃以獨立也此亡我中國之紆緩政策也至於南滿內蒙本部地域  
內派駐日警并聘用軍事顧問是直墜并我滿蒙之條件何以言之警察有管理人民之責居內政之重  
大部分若日警設於滿蒙之內則人民之起居出入皆受其監視人民之訴訟交際彼亦將干涉聞金洲  
人言學生出境就學須得日警之許可家宅內時來日警之搜查中國雖有官憲亦等木偶而不敢爲人  
民作主此時滿蒙名爲我有實亦歸於日人矣至於軍事方面若聘用日本顧問則我軍機秘密均爲其  
所洩漏計畫未定而彼已有對待方法尙能與日本言戰乎既據我心肝復束我手足不亡曷待此并我  
滿蒙之明顯政策也再中國士官學校須聘用日人爲教授一條是隱默中亡我中國之條件何以故一  
國之強弱視乎軍人程度之優劣軍人程度之優劣又視乎訓練之如何以懷抱謀我之日本人而欲教  
練我軍人其能熱心教育養成精兵以樹其敵乎抑錮其智識羸其肢體使不敢與日本爲敵以易行其  
吞併政策耶何去從諸同鄉必能知之昔吾國人留學於日本士官學校也每授至我機關秘密處則

令吾國人俱堂噫狼子野心其以此要求者其能爲我改進軍事教育乎是弱我也其謀我也果允其請則士官學校畢業之日即中國拱手讓人之日此爲亡我中國之隱默政策也此種制我死命之條件我外交當局非不知之不過畏媚日人不敢拒絕談判數次大有承認之趨勢嗚呼一經承認則我東三省首當其衝先罹危亡台灣越南之禍迫於眉睫募燕釜魚之災臨於頭上吾言至此胆戰心寒惟有痛哭而已又想賈長沙痛哭流涕不能免漢室之危<sup>也</sup>其徒事痛哭莫如起而圖救惟敝人身無重柄智力單薄犧牲其身無救於國端賴羣策羣力共濟艱難二十世紀以來專講國民外交民氣若盛則外交必獲勝利民氣不振則外交定必失敗我東三省公民若能羣起力爭誓死不讓則外交當軸亦不敢輕於退步日人亦不敢肆其要求諸同鄉皆係熱心愛國之士大難臨身當無不怒髮衝冠揭竿而起是以召集同鄉組織公民大會聯絡三省人民以壯聲勢共謀救亡之策以作政府後援庶幾黃帝子孫不致爲異族之牛馬神州膏腴不隸於大和之版圖是則敝人所盼望於諸同鄉者也

一吳君景濂王張大衆下一決心抵死不承認日人要求我警察權及軍事顧問等云云

一申君鍾嶽王張拍電各省及設立機關以昭鄭重云云

一秦君廣禮王張設立機關積極進行云云

一王君省三王張設立機關選舉職員以專責成云云

一劉君懋元王張整頓預警維持國防以備將來背城一戰云云

一陳君興亞王張一面推舉代表向政府力爭一面發函電於東三省各機關使其一致進行庶收實效

當推舉鮑君貴卿李君有忱吳君景瀟揚君大實金君鼎勳齊君耀珊王君洪身趙君成恩秦君廣禮  
戰君雲霽鄭君林泉等十一人爲代表向府院部各處表明東三省人民誓死不承認日人要求請政  
府嚴行拒絕云云(多數贊成)

陳君興亞又謂秦王二君主張設立機關積極進行則責任既專聲氣自壯諸同鄉如表同情即著手組  
織東三省公民大會專以促進外交爲宗旨云云(衆贊成)

### 時六鐘宣告散會

### 致奉吉林黑龍各機關書

奉天吉林黑龍江督軍省長省議會教育會農工商會奉天軍務幫辦吉林公民大會公鑒自遼源交涉  
發生以來日本提出警察及軍事顧問等條件一再要求我政府承認尋情憤激輿論譁然誠以警察關  
乎內政顧問有碍戊機苟允其一已足召亡而有餘民國國家主權既在吾民則吾民急起直追尤屬責  
無旁貸矧吾東三省連年所受外侮尤爲特甚若長此以往睡獅夢夢恐將有不得我之許可而代我統  
治者嗚呼朝鮮安南股鑿不遠興言及此不寒而慄爰本匹夫有責之義發爲死中求活之舉現已集合  
旅京東三省同鄉特開大會詳加討論衆意堅決激昂欲試僉謂對於日人侵我主權之要求誓死不能  
承認當公推吳景瀟揚大實李有忱鮑貴卿金鼎勳齊耀珊趙成恩王洪身秦廣禮戰雲霽鄭林泉等爲  
代表向政府痛陳此意並隨時力爭期以達到否認之目的今將不能承認之理由略一陳之夫警察軍  
政爲國家統治權作川之一對外則爲主權之一部凡一國統治權行使之界限皆以一國之領域人民

爲客體若行使統治權於他國領域內以制限其人民之自由在國際法上則爲侵害他國主權之行爲夫主權爲國家生存之要素換言之不啻國家之生命欲侵害其生命且迫令被害者之承認試問世界尙有公理乎彼日本士大夫素以文化國自居且常以維持東亞和平爲口頭禪我國人我政府亦素以親睦邦交以誠意優禮相待乃竟欲償其自命東亞主人翁之故智施此武斷的政策蔑視國際公法而出竄食之謀耶現在世界各國勵行均等主義以維世界之和平謀人類之幸福假使承認於此而他國又提出此項要求援最惠國條款要求利益均霑則恐奉之彌殷而侵之愈急止蘇子所謂抱薪救火亡無日矣至於日警以設軍權復操凡吾鄉人之戶口財產城寨行動無日不在其監視之中浸假驅逐我軍警束縛我手足叫囂突竊犬不得安寧內橙人凡身體被其蹂躪禍迫盾庭痛切肌膚此所以椎心泣血誓死不能承認也讀者吾國人民智識幼稚責任觀念既不明瞭法律智識又復薄弱故凡遇對外交涉非視爲與己無關即或出之於商彝奉勳甚非同鄉等所贊同今者民權既伸民氣自

盛爰據法以抗議折強梁之野心樹國民之外交作政府之後援危機之迫一髮千鈞國權所關稍緩即殆除在京代表就近向政府力爭外仰懇

貴處急電中央代表民意堅持否認一面密開公民聯合大會討論對待方法以作外交後盾三省同鄉等當犧牲一切以隨東三省父老兄弟之後抱定一致之決心誓不達否認目的不止瞻望鄉雲痛哭曷已掬誠奉告伏希

亮警

## 致各省公電

各省督軍省長及各團體均鑒遼源事件日本以屑瑣細故兵圍我軍營擊斃我軍士占領我城池拘留我官憲是不以國家視我也不以人類待我也乃私未與問罪之師反來責難之言要求警察軍事顧問及勦授等權夫警權爲內政之要端軍權爲禦外之實力社會之安寧也在此國家之獨立也亦在此此而界人則土地將歸其版圖人民悉爲牛馬我國尙能爲中華之獨立國乎三省密邇蛟蛇痛剝肌膚遊聞此耗羣情憤激刻已在京組織東三省公民會誓死力爭共圖危亡我邦人君子或膺守土之責或抱愛國之誠同仇敵愾義憤尤深當此覆巢之禍宜思完卵之方團結一致羣起協爭共濟同舟合力禦侮民氣激昂可作政府之後盾衆志成城可折強梁之野心嗚呼中國之存亡觀於此次交涉之勝敗交涉之勝敗視乎民氣之如何禍迫眉睫淪胥將屆凡我同胞曷與乎來北京東三省公民會叩誌

---

第四款 東三省旅京同鄉之崛起

## 第五款 旅京東三省公民會之成立

致開大會函

敬啓者遼瀋交涉日人要求過苛侵我主權我三省同鄉實有切膚之痛羣情惶恐衆意激昂前於九月二十五日開同鄉大會議決組織公民大會肆力抗爭訂於本月八日在東三省會館開同鄉大會討論進行方法以便著手組織事關三省存已屆時干乞

駕臨爲荷此頌

台綏

陳興亞 應善以 吳景濂

十月五號

發起人 左魁章 莫德惠 秦廣禮 仝啓

鮑賁卿 戰雲齋

報成立會所函

敬啓者奉吉黑三省旅京同鄉等爲敦陸鄉誼聯絡感情藉謀三省公同幸福起見特於十月八日在貴署管界西珠市口東三省會館內成立東三省公民會相應函報

貴署查照可也此致

外右二區警察署

陳興亞 應善以 吳景濂

發起人 左魁章 莫德惠 秦廣禮 仝啓

## 第二次 開成立大會

### 會場記事

十月八日下午一時在東三省會館內開東三省同鄉公民大會到會者五百餘人公推陳興亞主席報告遼源交涉日人要求條件嚴苛我外交當局惟知退讓恐不免完全承認我三省同鄉休戚相關利害較切不能不謀救濟之策以作政府後援故今日召集同鄉組織東三省旅京公民大會專爲對待遼源事件若能團體堅固氣力雄厚外交當局亦可壯胆力爭不爲日人所動交涉必不致於失敗云云

嗣由應君善以演說謂二十世紀以來專講國民外交各國政府辦理交涉事件均以民氣爲後盾交涉稍形退讓國民卽起而力爭昔日本對於各國交涉領事裁判權事件未滿足國民之希望於是大起公憤與外交當局幾有不能兩立之勢故各國對於日本領事裁判權卒能撤回此次遼源交涉其是非曲直早爲中外人士所共知而我國反不能占優勝之地位者不盡由於外交當局之畏縮亦國民不知力爭有以致之也此番交涉起於東三省而日人之要求亦以東三省爲其目的物則我三省同鄉之利害關係深而奔走呼號當較他省爲尤切當此大難臨身而不大聲疾呼急圖救亡者是無心肝之人當此存亡關鍵而不拚命以爭孤注一擲者真乃奴隸之性何以故三省爲我父老兄弟食息之區廬墓田園之所在一旦而割讓於人則我最親愛之父老兄弟悉爲其奴隸最關切之廬墓田園皆爲所佔有亡國遺民流離瑣尾鬢鬢若喪家之犬飄飄若浮水之萍國破家亡身將安附諸同鄉若不知其禍之至於斯

而沓沓泄泄者吾無責焉矣若知之而坐以待亡是麻木不仁之儔又豈我豪俠義勇之同鄉諸君子所忍出此也敵人深知同鄉諸君子皆爲不顧此身愛國愛家之志士仁人故敢集於一室組織大會望堅結團體合力禦侮勿存餒氣勿萌懼心勿有始無終致貽虎頭蛇尾之誚須堅持到底以雪五分鐘熟血之恥聯絡各省羣起力爭敵愾同深聲勢自壯我外交當局若畏縮退讓是賣國之奸人促亡之賊子人人得而誅之日本若堅肆要求不恤民氣惟有灑一腔熱血以濺日公使衆怒難犯衆志成城孟子云可使制挺以撻秦楚之堅甲利兵敢易之曰可使民氣以撻日本之堅甲利兵敵人惟知有國不知有身苟益於國雖犧牲此身亦所不惜區區此心掬誠奉告願諸同鄉共勉之

楊乃唐主張交涉緊急救亡宜速諸同鄉既贊成組織公民大會應即推舉數人擬具簡章及辦事細則俾有遵循以便著手進行當推舉陳興亞應善以趙中鵠左魁章四人制定章程及辦事細則下次開會時再推舉各部幹事以專責成云云（衆贊成）

吳景濂主張今日開會爲東三省公民會成立之大會應即通告東三省各機關庶聞風興起組織公民分會羣起力爭民氣愈盛云云（衆贊成）

左魁章謂本會成立非同鄉會之變相乃爲新成立一種大會在社會上有種種之關係應否呈報警廳立案（衆贊成呈報立案）

宋小瀛謂立案一事爲當然辦法惟何人出名乃一問題如以東三省會館之董事名義出名則此會非由會館董事所發起以余之見莫如由本會發起人聯名呈請較爲得當云云（衆贊成）

鮑費卿謂凡事非欸不成本會貴重事繁尤非素手所能成功應籌一募集方法庶幾的欸有著辦事不致棘手云云

應善以謂鮑君之言極有道理若無的欸本會雖告成立亦難持久下次開會時可討論此節由各人捐助或由他法募集均可(衆贊成)

陳興亞謂本會既已成立對外往來函札自必紛繁雖未舉定職員亦不能無所責成敝人公務羈身力難兼顧應君善以乃發起本會最爲熱心之人一切文牘事宜在各部幹事未舉定以前統由應君總理壹是庶無貽誤云云(衆贊成)

時至六時宣告散會

呈請警察廳立案文

東三省公民會會長李有忱左魁章呈爲組織公民會懇請准予立案事竊自民國成立以來三省旅京人士散漫無稽視同秦越經同鄉開會議決組織東三省公民會以聯絡感情敦睦鄉誼並謀公共利益爲宗旨現設事務所於西珠市口東三省會館內爲此附抄會章呈請貴廳准予立案實爲公便謹呈

京師警察廳

呈警察廳續行聲明文

呈爲續行聲明事竊本會前請立案時適值正會長辭職之際兼以警署催促甚急是以先由副會長二

十月十日

人出名現經本會議決不准正會辭職職自應續行署名以昭核實理合聲明謹呈  
京師警察廳

正會長 陳興亞

副會長 左魁章

副會長 李有忱

十一月八日

按本會會長副會長於十二月三十一日始行選出十月十日之呈請警察廳立案文何以有會長副會長之名稱查本會成立之初曾用發起人八人名義呈請立案嗣以發起人非本會之責任者被駁迨會長選出後另行補請立案自當溯及本會成立之始因之倒填日期非前後錯置也

編者識

警察廳批文

京師警察廳批第 號

原具呈人李有忱等

呈一件報組織東三省公民會請備案由

據呈東三省旅京同鄉開會議決組織東三省公民會連同會章請核准備案並據陳興亞呈報聲明續行署名各等情到廳查該會以聯絡感情敦睦鄉誼并謀公共利益爲宗旨係關於公共事務之集會核閱所擬會章與治安警察條例集會結社各條尙無不合應准備案除呈報

內務部暨行區查照外合行批示遵照此批

第五款 東三省旅京公民會之成立

中華民國六年一月二十日

通告北京東三省公民會成立函

敬啓者遼源交涉日迫我東三省旅京同鄉等恐蹈五七覆轍遂連次開會一面推舉代表向政府爭執一面函電於三省蠶起協爭以作政府之後盾聞我東省痛心亡國者亦相繼開會將舉代表來京與旅京同鄉等取一致之進行茲於十月八日在京開成立東三省公民大會已擬推派代表六人分赴三省宣示交涉之急迫鼓吹民氣之激昂並希各縣設立公民分會聯絡聲勢萬望尊處佐助進行俾各分會馳電全國及府院部各機關聲明誓死不承認喪土失權等項然各會於開會時期必持以穩健意旨萬不可過事囂張致授人以口實相應函知

督軍 查照施行此致

會

督軍

奉

省長

吉

省議會

均鑒

農工會

商會

黑

教育會

本會啓十月八日

## 第六款 奉天各團體之抗爭

省議會馬議員恒昌提議遼源交涉拒絕要求警察權案

奉天省議會爲咨請事據本會馬議員恒昌提議遼源交涉拒絕要求警察權一案贊同者在五人以上內稱近聞遼源交涉所以迄未解決者因日人有要求滿洲警察權以保僑民之說查警察爲國家內部要政主權攸關此而畀人其何能國痛深剝膚緘默難安惟依省議會暫行法第二十五條提出議案擬即電請國會建議政府及咨請省長公署轉咨國務院嚴重交涉無稍退讓以維警政而鞏國權立候公決等因到會當於本月二十七日會議時經衆議可決除逕電參衆兩院外相應咨請

貴公署查照迅予咨行爲盼此咨  
奉天省長公署

中華民國五年十月二十八日

奉天省議會提議遼源交涉案

奉天省議會爲咨請事本會提出遼源交涉拒絕要求警權及軍事顧問一案於本月二十九日開特別正會詳細討論僉謂遼源中日軍隊衝突一案不過一時之誤會於國際上之睦誼原無甚關係其所以迄未解決者聞日使有要求警權及顧問之說夫中日邦交素稱親睦決不至以小有衝突致起若大之交涉此固吾人所深信但杯蛇市虎訛以傳訛以致各縣人民紛舉代表羣起力爭經同人等曉譬百端終無遏止之力非人民之好爲囂張實以警察爲行使國權之一部顧問有關軍事之密要無警權大失

國權聘顧問有礙國防刺痛深勢難緘默以要求之風說尙惹動羣情之憤激倫成事實人民必誓死力爭全省即難維秩序遼源之案將層見迭出而無已中日人民感情日惡東亞和平更成虛語日本爲文明國家何忍釀此慘劇也本會爲全省民意代表機關燭此禍機萬難隱忍除設法勸諭人民代表靜候解決外應即咨請省長電明中央嚴重交涉以弭隱禍而維主權此本會會議此案之結果也當經全體表決通過相應咨請

費公署查照迅予轉電爲盼此咨

奉天省長公署中華民國五年十月二十九日

奉天省長公署咨文

奉天省長公署爲咨行事案據 貴會提出遼源交涉拒絕要求警權及軍事顧問一案咨請轉電等因當於十月三十日據情電陳大總統國務院暨各部院請嚴重交涉據理力爭在案茲於本月一日奉到大總統覆電華密三十電悉遼源中日軍隊衝突案已由部嚴重交涉奉議會剴切敷陳深中事理希轉告仍設法勸諭人民代表靜候解決特復黎元洪三十一日等因二日奉到國務院覆電開華密三十電悉此案自應由部嚴重交涉據理力爭仍希勸諭人民靜候解決院冬印等因合行抄錄三十電咨請貴會查照此咨 奉天省議會 計抄件 張作霖

十一月四日

抄三十電稿 北京大總統國務院參議院衆議院參謀本部陸軍部外交部內務部鈞鑒華密現准奉天省議會咨稱本會提出遼源交涉拒絕要求警權暨軍事顧問一案於本月二十九日開特別正會詳

細討論僉謂遼源中日軍隊衝突一案不過一時之誤會於國際上之睦誼原無甚關係其所以迄未解決者聞日使有要求警權及顧問之說夫中日邦交素稱親睦決不至以小有衝突致起若大之交涉此固吾人所深信但以杯蛇市虎訛以傳訛以致各縣人民紛舉代表羣起力爭經同人等曉譬百端終無遏止之力非人民之好爲囂張實以警察爲行使國權之一部顧問有關軍事之秘要無警權大失國權聘顧問有礙國防剝膚痛深勢難緘默以要求之風說尙惹動羣情之憤激儼成事實人民必誓死力爭全省即雖維秩序遼源之案將層見迭出而無已中日人民感情日惡東亞和平更成虛語日本爲文明國家何忍釀此慘劇也本會爲全省民意代表機關獨此禍機萬難隱忍除設法勸喻人民代表靜候解決外應即咨請省長電明中央嚴重交涉以弭隱禍而維主權此本會會議此案之結果也當經全體表決通過相應咨請貴公署查照迅予轉電爲盼此咨等因查警察有關一國之主權顧問有關軍事之秘要該議會所陳各節確係實在情形况專欲難成衆怒難犯今風聲所播羣情既已激昂若事實演成地方必生禍變奉省中日人民感情素洽倘激而出此恐亦非日本之所願應請嚴重交涉據理力爭以順輿情而銷隱患大局幸甚臨電惶悚盼切施行張作霖州印

議員王如山等提出質問書

爲質問事查民國四年五月七日中日交涉案內第五號第二項經外交當局迭次力爭舌敝唇焦始得達撤回之目的誠以警察行政有關國權宜出全力保持不容輕於讓步乃近查日人在省城關廟設有警察署一處派出所六處宿舍四處憲兵隊兩處其設置始於何時根據何項條約未設以前交涉署是

否承諾既設以後警察廳有無報告外交有關國際警察確係主權該交涉特派員及警察廳廳長等均應負完全責任事關重要務得其真謹依省議會暫行法第十九條之規定提出質問書並附表一份限五日內填表答復無任企盼

提出者 王如山

連署者 王香山

秦玉璞 楊自寅

李雨春 陳峻德

齊大昌 高步孔

李承德 趙乃普

魏勇 楊紹程

馬延銘 姜慶元

奉天省會警察廳各署查報日本設立警察機關數目地點一覽表			
全	一	署	門牌號數
		別類別	
七百二十八號	七十三號	警	派出所一處
		所數目	
大北門裏	東華門外	設	地點
		置地點	

全	全	全	全	全	六	五	四	三	二	全	全
		五	一百八十八號	三百五十七號	二百四十九號	署 無	署 公字四號	署 無	署 無		
		宿舍一處	宿舍一處	派出所一處	警察署一處		派出所一處			派出所一處	派出所一處
		皇寺東	開埠局北胡同	十間房東頭路北	開埠局南馬路		小西關子孫堂胡同			萬寶蓋胡同	小西門裏

備

計警察署一處派出所六處宿舍四處再城內大東門裏英利號胡同大西門裏本行胡同住有憲兵隊各一處合併註明

攷

咨爲王議員如山提出質問書請查照答覆文

奉天省議會爲咨請事查省議會暫行法第十九條載省議會議員對於本省行政事項有疑意義時得以十人以上之連署提出質問書於行政長官限期答覆又省議會規則第一百二十五條載議員對於本省行政事件欲行質問依省議會暫行法第十九條之規定提出質問書同贊成者署名蓋章送由議長認可咨請行政長官答覆各等語茲據本會王議員如山提出質問書一件連署在十人以上應即咨請貴公署查照答覆此咨

奉天督軍兼省長張

計送質問書一件附表一份

致各團體函

敬啓者聞遼源交涉案日本堅執要求警察權查警權卽係國權之一大部分存亡攸關此而畀人將何以國業經本會全體議員先後提出議案電請國會建議政府并咨請省長電明國務院雙方進行依法

力爭惟茲事體大端賴羣策羣力方能達到目的茲擬於本月二十九日午十二時邀請各界人員齊集  
敝會共籌對待方法以作外交後盾屆時務請

蒞臨爲要除分函外特此奉佈頌頌

公祺此致

奉天教育總會 奉天省議會啓十月二十八日

奉天商務總會

奉天工務總會

奉天農務總會

瀋陽縣地方自治議員辦事處

東三省公報館

醒時報館

致參議院衆議院電

北京參議院衆議院鑒遼源交涉迄未解決聞日人有要求警權之說查警察爲國家內部要政主權攸  
關此而畀人其何能國同人對此異常憤激特電請貴院建議政府嚴重交涉勿稍退讓以維警政而固  
國權無任切盼奉省會勸十月二十八日

致各省長轉各督軍議會電

第六款 奉天各團體之抗爭

各省長轉各督軍議會公鑒遼源交涉案內有日人要求警權及軍事顧問之說查警察爲行使國權之一部顧問有關軍事之秘要此而界人主權何在奉人民對此異常憤激各縣紛舉代表誓死力爭以要求之風說尙動羣情之公憤尙成事實無論各國援最惠國之先例羣起効尤即奉省亦恐難維秩序繼起交涉或甚於此東亞和平幾成虛語本會爲全省代表民意機關剝膚痛深萬難隱忍除分別咨電嚴重交涉外合亟電懇協電力爭無任盼禱奉省會豔十月二十九日

致國務院電

北京國務院鈞鑒遼源交涉案內有日人要求警權及軍事顧問之說聞之無任惶駭查警察爲內部行政顧問涉軍事要傷僑界外人將內政國防動受牽掣國幾不國矣奉省人民羣情憤激誓死力爭並各縣紛舉代表衆志成城大有不達拒絕目的不能終止之勢夫以要求風說已激動公憤尙成事實奉省秩序更難維持繼起交涉伊于胡底况列強眈視均勢已成各國援最惠國之先例提出要求我政府更何以應付禍迫眉睫緘口難安除勸喻人民靜俟解決外謹合詞電請鈞院嚴重交涉勿稍退讓以弭隱禍而鞏國權臨電涕零切盼切禱奉天省議會商會農會工會教育會同叩豔十月二十九日

致國務院電

北京國務院鈞鑒覽電諒邀警鑒遼源交涉案有無結果殊爲懸系列各縣人民紛舉代表廣集省垣羣情憤激較前尤甚雖經百端曲喻然以存亡攸關情勢實難遏止尙稍退讓誠恐激成事變隱患彌深謹再合詞電懇據理否認以保主權并乞電復俾便轉告爲盼奉天省議會商會農會工會教育會同叩真

十一月十一日

致外交部電

北京外交部伍總長鑒台駕抵京雲霓望慰遙企鴻範倍極歡迎惟遼源交涉案懸數月得先生拆衝樽俎定能力保主權謹電馳賀盼禱俱毀奉省會冬

致國務院參議院衆議院電

北京國務院參議院衆議院鑒本會於本月三日聯合農工商學各團體在省城畿輔會館開會追悼黃蔡二公到會約三四千人及振鈴散會陡有多人大聲疾呼遼源交涉真相難得羣請省會議長暨各界首領率赴軍署請示辦法軍勢洶洶不可遏止經在場軍警官員百般勸諭延兩小時之久始以各推代表共謁督軍請爲主持暫行結局此番民氣異常激烈幾釀暴動應請貴院頓念全局勿稍退讓以弭隱禍而鞏國權奉省會支

黑龍江省議會致各省議會電

各省議會鑒遼海光交涉均關主權內部省電有礙立法除均已電爭外請并力主持黑龍江省議會梗

致各縣農工商學各會函

逕啓者遼源交涉案內聞日人有要求警權及軍事顧問之說夫失警權難望內政之推行聘顧問難保軍事之秘密有一於此足以召亡本會爲全省代表民意機關內審國勢外察敵情不能隱忍以待亡亦

不敢激列以償事惟有依法力爭以救危亡於萬一則經全體同人正會議決一面電請國會及各省督軍省長省會一致協爭一面咨達省長轉電中央嚴重交涉以維主權有無效果雖難預知而此救亡苦心想邇邦人父老之原鑒除分函外相應函達

貴會請煩查照爲荷此致

各 縣農工商學各會

奉天省議會謹啓十月三十日

輝南縣商學各會 來函

逕啓者遼源交涉迄未解決頃聞日人有要求警察權及軍事顧問之說果爾是欲朝鮮我也台灣琉球我也太好河山一任人攘奪之宰割之牛馬奴隸萬劫難復所謂亡國之慘吾奉將演成事實矣此而可忍孰不可忍吾奉人士惟有甯爲玉碎毋爲瓦全衆志成城誓死力爭以不失主權爲惟一之目的 貴會爲吾奉代表繞機關萬望根據民意竭力對待勿使政府再演去歲交涉之失敗則吾奉幸甚國家幸甚茲公推孫君香圃爲敝邑代表以便接洽而策進行合併聲明此請

勸學所

奉天省議會公鑒 輝南縣 商務會 啓

教育會

中華民國五年十一月二日

教育會

綏中 來函

勸學所

逕啓者准 貴會函示遼源交涉案內日人要求警察及軍事顧問一事業承

貴會代表依法力爭捧讀之下曷勝欽感查警察權軍事顧問日人要求萬難承認倘一鬆手我三省人民豈不盡歸他人掌握挽此危亡惟 貴會是賴敝會前接 奉天省教育會來函叙及此事聞知既無不痛心刺骨遂於十月三十日全縣人民公推 貴公議員黃信祭君爲我綏中縣代表就近設法合同力爭今已承 貴會代表電請國會並呈請省長一致協爭實屬馨血祝禱之至相應函覆 貴會希祈施行是盼此致 奉天省議會十一月四日

奉天省教育會來函

逕啓者前接吉林省各界聯合會函爲遼源交涉案囑爲聯合力爭正擬核復間又准 旅京同鄉公函囑一致進行各等語想 貴會亦接有此項公函事關我省前途利害自未便緘默擬請由 貴會通告各界定期會議合力進行是爲至祝此致

奉天省議會 中華民國五年十月二十八日

勸學所

鳳城縣 來函

教育會

選啓者頃奉 公函遼源交涉案內日人要求警權及軍事顧問悉 貴會已電請政府國會及各省督軍省長省會一致協爭並咨達省長轉電中央嚴重交涉等情關心國事殊堪欽佩查警權爲內部行政顧問爲軍事要樞承認其一即足制我東三省人之死命值此日人堅持要求之際政府未允之時一髮千鈞稍縱即逝我三省各縣人民正宜繼各機關電爭之後拚死力爭以爲政府後盾前准省教育會來函經公推謝恩科代表本所赴省就近協爭除另函知照前社外相應函達 貴會請煩查照爲禱此致  
十一月六日  
省議會

遼陽縣教育會來函

敬覆者頃奉

貴會公函爲遼源交涉案內聞有日人要求警察權及軍事顧問現已電請轉電中央嚴重交涉有無效果雖難預知而卅救亡苦心想邀原鑒等因覆思日人要求警察權及軍事顧問實屬無理之甚一經許可則我三省之生命悉在其掌握之中我遼人士自難緘默除公推栗君宗周爲遼境之代表隨時就近與各城代表酌擬相當理由以爲繼續力爭之準備外相應函覆特此即頌公祺  
十一月七日

奉天省教育會來函

敬啓者准吉林團體聯合會函開敬啓者敝省各團接旅京東三省會館四百三十人來函爲遼源交涉

事各團閱之無不憤激立即組織團體聯合會首由各團自行拍電中央嚴詞峻拒並要求（省長督軍）代表民意拍電國務院力爭各團復擬推舉代表赴京貴省痛關切膚諒必妥籌對待方法當亦有代表赴京之舉如蒙同意酌定日期以便敝省與江省代表同時到京三省聯為一致似較單獨進行聲援稍厚特此協商切盼切禱衆志成城或可免夫奴隸獸困猶鬪豈甘作彼犧牲除原函無庸抄寄外合請貴會極力主持並盼速復幸甚等因准此查此次交涉為我東省存亡所繫三省聯為一致日屬止當辦法除通告各團體外相應函請 貴會希即招集各團體開二次會議以便一致進行實維公誼此致  
省議會中華民國五年十一月七日

蓋平縣學界來函

敬啓者遼源交涉案內有日人要求警察權及軍事顧問之說查警察權及軍事顧問乃內政軍事之要樞一有所失卽足召亡今值日人要求之際政府拒絕之時正宜羣策羣力誓死以爭勿使主權稍有所失是爲至要除推舉省立第一中學教務候寶三爲敝縣代表外相應將力爭理由函請 貴會查核此致

教育會

奉天省議會

蓋平縣

勸學所

同啓十一月十八日

法庫縣教育會來函

第六款 奉天各團體之抗爭

逕覆者案准 貴會函開遼源交涉案內有日人要求警察權及軍事顧問之說查警察係內政之要端軍事顧問乃軍政之樞機二者皆爲國家命脈攸關奚容外人參與凡有血氣悉宜力爭本會招集全體會員開會表決一致協爭公舉 貴會速記員高紳士元代表進行除分行外相應函覆 貴會諸煩查照施行爲荷此致

奉天省議會

法庫縣教育會啓十一月十二日

覆法庫縣教育會函

敬覆者頃奉 來函誦悉種切所推代表業已到會熱心國事欽佩莫名至此次交涉所關甚重此而忍讓豈止辱國喪權同人等對此深用惕懼前曾兩提議案電請國會暨各省督軍省長議會一致協爭并咨請省長公署轉電中央據理否認又復邀集省城各團體逕電國務院及函告各縣人民喚起注意刻復電請政府速爲電復并聯合吉江兩省推舉代表赴京陳請以期不託空言有補實際但茲事體大衆謀是資更望邦人君子協力匡襄共策萬全則國步雖難或有轉圜之望臨穎悚息無任翹企尚復祇頌公祺此致

法庫縣教育會 奉天省議會啓十一月十五日

洮南縣教育會來函

敬啓者本月六日准省教育會函稱遼源交涉案內有日人要求警察權及軍事顧問之說聞之無任惶駭查警察權爲內部行政顧問關乎軍事要樞倘界外人是內政國防動受牽掣此而可以承認是我東

三省之生命皆歸人掌握之中矣禍延眉睫斷難緘默今當日人堅執要求之際政府未允之時一髮千鈞稍縱即逝我東三省人民正宜誓死力爭以爲政府後盾庶民氣激昂外交自易得手蓋以警察及護軍事各要政應由我國自行籌策該日人何得藉端嘗試以侵我主權且外交慣例成案之効力等於公法之條文若貿焉不察遽允日人之請則最惠國之先例列強將爭於援引而我國外交益將窮於應付矣務希大力堅持不達目的不止雖赴湯蹈火洸人士願隨諸公後也除推舉董君希顏在省代表力爭外相應函復 貴議會查照可也此致

奉天省議會

洮南縣 教育會啓 十一月二十二日

通化縣學界來函

敬啓者案准教育會函開遼源交涉日人有要求警察權及軍事顧問之說現已由各團體電達政府及國會並呈請 省長電達中央嚴重交涉再由各縣推舉在省一人爲代表一致進行以期達到否認目的等因准此捧閱之下無任惶駭查東省居特別地位俄伺於北日窺於南人民已處積薪之上禍延眉睫實有倒懸莫解之虞自去年中日雜居載在約章日人來此實繁有徒權利喪失日甚一日又加無知韓人狐假虎威爲虎作倖欺凌蹂躪層見迭出即此數端已足致東省人民於死地若再承認警察軍事顧問等權不特東省主權喪失殆盡而唇亡齒寒即內地將來亦恐不免言念奴禍涕泗無從亡韓之顧即在旦夕懇 貴會爲全省人民代表造福地方關於此種事件諒必早有碩允宏籌堅持力爭以保主權務達否認目的固無須敝會所曉曉也然事關重大曷敢緘默茲特舉定解起雲甘竹園爲商界代表

王蘭香趙煥超爲學界代表星夜赴省除知會各代表前往外相應函請 貴會查照各代表到時務希指示一切不勝感佩之至此致

奉天省議會 通化縣 教育會  
勸學所

全啓十一月五日

鳳城縣紳商學農各界來電

省議會北京東三省公民會鑒遼源交涉日人要求警察權軍事顧問均足亡我中國萬難承認請貴會爲民代表再電國會國務院據理拒絕以保主權鳳城縣紳商農學團各界同叩

西豐縣各界來電

省議會北京東三省公民會鑒日人要求警察軍事顧問各權萬難承認祈協議力爭西豐農工商學界全電

鳳城 紳商農學

覆 西豐縣 農工商學

西安 公民代表崔廣琳

敬復者項奉來(電書)敬悉種切熱心國事無任欽佩查此項交涉大有稍縱即逝之勢本會對世異常憂懼昨復會同各界及各縣公民代表在本會開公民大會討論終結由各團體推舉代表聯袂赴京并電請中央嚴重交涉刻正竭慮殫精力謀安策誓必達到否認目的而後已但事關重大羣策是資尤

望隨時指示共策萬全實爲感盼此覆

奉天省議會啓十一月二十七日

東豐農商學界各來電

省議會鑒鄭家屯交涉公民大會敝縣舉留奉兩級師範生陳玉琿爲學界代表陳繼虞爲農商界代轉表乞催與會東豐農商學全叩

致奉天會省會警察廳函

敬啓者准北京東三省公民會電開伍外交總長令將租界外所有日本設立警察之地點日期人數名稱等項詳確調查繕冊送部以備交涉之根據等因准此相應函請

貴廳迅爲查明列表送會以便齎京此致

奉天省會警察廳 奉天省議會啓

奉天省會警察廳來函

敬覆者案准 貴會請將本城及各縣日人設立之警察派出所數目地點開單送會等因准此茲將附城各處日人設立警察機關調查明確先行列表附送其各縣之調查尙未報到俟到齊時其行開送可也此致

奉天省議會

計表一紙見前四十一頁四十二頁

第六款 奉天各團體之抗爭

奉天省會警察廳啓十一月二十一日

致各國會議員函

敬啓者近聞遼源交涉案內有要求警權及軍事顧問之說無任惶駭夫警權爲行使國權之一部顧問有關軍事之秘要此而畀人國幾不國同人對此憤慨異常已兩次提出議案詳加討論雖不敢激烈以速亡亦不肯隱忍以默認當經公決電告兩院及咨行省長敦請中央嚴重交涉並會同農工商學各團體電請國務院積極進行勿稍退讓一面復函告各縣農工商學各機關喚起注意爲一致之行動以壯聲勢而撐危局至恢復地方自治一案前由本會議決咨請國會建議政府並咨省長轉請政府早日恢復以符國體同人等學識謏陋越時處當此風雨飄搖救亡圖存更無善策素驗

台端篤念桑梓尊重國權對此存亡問題諒多碩畫用敢縷述本會臨時辦法有無裨益尙祈示知並請

就近協爭督促當局勿致輕棄國權以蹈三韓故轍尤禱臨池悚惕淚與墨俱尚佈敬頌

議祺此致

國會議員先生

奉天省議會同人均敢十月三十日

楊大實來函

敬覆者鄭家屯之交涉令人痛心疾者前者在京同鄉開全體會議舉定代表請求政府嚴重交涉現雖

無甚效力同人等咸憤激慷慨無論如何主權所在尺寸不肯讓人天津老西開案津人呼號奔走熱潮澎湃拆毀交涉員署誓死相爭卒致法人讓步關外猶是人情豈忍讓津人以獨步耶五分鐘熱度願我奉同志以雪此辱嗣後旅京同鄉辦理此件如何程序務必詳函公同報告來書有淚與墨俱之語大實讀此憂從中來淚亦潄潄下矣抑何不幸竟將爲第二朝鮮耶自侮人侮夫復何言安奉路線之自由行動與去年五月七日城下盟之交涉清夜捫心何堪回首前車已覆來軫方道悲懷欲吐莫可言宣竊願貴會諸同人激發民氣衆氣志成城勿令人笑我東三省同胞虎頭蛇尾則幸矣此復

奉天省議會公鑒

楊大實啓十一月三日

蘇毓芳趙連琪來函

敬覆者昨奉 貴會函開恢復地方自治一節琪等數月來殊未敢忘茲承 貴會函囑彌當力請以伸民權而符國體至 來示謂遼源案內有要求警權暨軍事顧問各條件實屬違悖公法蔑我國權凡有血氣普天同憤琪等雖身寄燕雲實心懷桑梓似此大害情益難忘 來示謂 貴會已兩次詳加討論不敢激烈以速亡不肯隱忍以默認當經公決電告兩院咨行省長敦請中央並會同農工商學各團體電請國務院復函告各縣各機關喚起注意爲一致之行動以壯聲勢而撐危局各辦法盡善盡美莊誦之餘彌殷欽感竊以此項交涉純係吾東省人民生死關頭萬望聲勢切毋虛張徒令外人羞而貽吾國恥庶幾危局尙堪支撐於萬一 諸執事識深慮遠如克實力(如兵力財力等)準備不以空言徒託以爲政府後盾琪等雖無他蓄尙有身命甘願犧牲追隨 諸執事之後大義所在萬死不辭惟期衆志成

城以捍國權而保機要至盼至禱至 示就近協爭督促當局勿蹈三韓故轍等語讀之愈覺神悚曩者雖經在京同鄉會屢促於前今奉 來示仍擬力爭於後以維

大命臨穎惶迫血淚齊揮謹佈順頌 公綏此覆

奉大省議會

蘇毓芳  
趙連琪

同啓十一月五日

劉思格來函

敬覆者頃奉 惠書敬悉種切 宏籌碩責欽佩莫名查此案迭經國會提出質問暨請當局出席答復三省同人並於院外兩次公推代表赴國務院一再詢問實情陳述意見冀得圓滿解決現正進行毫無把握恩格忝列議席敢不隨諸公之後竭力維持關係匪輕豈容漠視至恢復地方自治一案業經有人提議列入日程容俟表決再行函陳尙望隨時 賜教俾有遵循匆匆布覆臨穎悲痛順頌 議安此覆 奉天省議會諸先生鑒

劉思格謹啓十一月七日

李紹白等來電

省議會鑒函敬悉所擬辦法均中肯要同人等除敦促前次東三省公民大會公舉代表十一人迅與政府接洽外已定期由吾奉兩院同人開會討論協力進行並業由參議院議員李君紹白衆議院李君有忱分別向政府提出質問謹先電聞李紹白龔玉峴王秉謙陳瀛洲等叩魚

陳瀛洲來函

敬覆者洲近來多病苦於作書音問缺如良深歎仄想

諸公明達必能曲爲鑒原也鄭家屯交涉案波瀾雲詭全國震驚迭經本省兩院同人要求國務總理暨代理外交總長陳錦濤出席兩院質問雙方交涉原

委並日人在遼源地方種種情形據總理及總長面稱政府對於遼源一案特別注意斷不敢稍涉疎虞日政府不願邦交純以強權用事近又提出嚴酷條件限期答覆強迫承諾認此種行爲實屬違背公法現政府抱定宗旨肯無論日人如何強硬舉凡督軍謝罪懲治軍官安設警察其有關於國土主權及一切重要事項決不肯輕易認可等語同人等聆其言論頗近情理遂暫持冷靜態度以觀政府之作用乃遲之又久而此項交涉終未能和平了結且參閱各報傳聞異詞究竟真相如何無從懸揣本月十三號上午九旬鐘鏡洲以私人資格往謁段芝泉總理適值段公赴總統府遂與秘書長徐又錚係前政治會議同事晤談許久詢及鄭家屯交涉案據云彼族無理咄咄逼人近經外交當局嚴重交涉免致再生枝節乃日本某公使堅持原議不肯絲毫讓步夏次長資望甚淺此項交涉恐難得良好之結果亦只好待伍秩庸總長到部視事後再爲辦理云云此中日交涉案近來之大概情形也省制加入憲法問題各政團屢次協商未克就緒明日下午一時夜開憲法審議會對於此項問題更不知若何搗亂矣專肅敬頌公祺

陳瀛洲謹啓十一月九日

黎玉崑等來函

敬覆者接奉大札備悉種切公決辦法深表贊同忱於月前曾隨同吳公蓮伯見總理一次聲明奉民

激昂萬分抵死不能承認云云本日早九鐘又隨同三省同鄉往段總理私第重申前議並言如交涉有失敗消息恐三省人民匪而走險發生意外舉動則枝節橫生牽及全國勿謂東三省一隅關係不切要也段總理亦極爲動容言明後日復開談判俟有結果即到議會報告明早九鐘忱仍追隨同鄉諸君往謁總統再緩幾日必爲奉聞崑謙莊忱等以爲此係目前辦法將來最後之把握按照約法締結條約須求國會同意崑謙莊忱等現已下手聯絡將來如不幸有提交國會之時可稱絕對有把握必不能使之通過也再前函言衆議院推忱提起質問書嗣後思維交涉未解決以前無論政府國會均有守秘密之義務書面質問係屬公開甚爲不合故忱因此作罷特此聲明復頌

公祺

龔玉崑 王秉謙 郇克莊 李有忱啓十一月八日

王蔭棠來函

省議會台鑒 示悉謹當遵辦本月二日星期四代理外交總長外交次長夏詒廷出席先報告天津交涉事謂依仗民氣尙好著手繼報告鄭家屯交涉之經過言日公使要求設置警官最爲堅決外交部力爭無如日人已強行設置現據我國地方官詳報日人已設警官不過九城十城之譜而日公使所持之在我省設置警官表則已有二十處其弊由於地方於設置警官均不詳報致辦理外交至無把握並據該代總長言現在東三省之民氣尙不十分激烈將來在關東設置警官之權不得不量爲承認須請大家喫虧云云弟以該代總長所言極爲謬妄當場質問謂我國係統一國東三省夙服中央命令如地方官對於日人在地方之設置警察官吏隱匿不報則是朦朧誤國政府何以不嚴加懲辦且政府現在對

於日公使所持表內設置警官之處是否已經調查以資印證對於隱匿不報之地方官有無辦法該代  
總長答復謂曰公使雖持有警官表並不與我細視故尙不知其設置地弟以該代總長在議院發言多  
欠切實宣告其答復不得要領已得全院承認弟並問該代總長云連日接到省信東三省人民對於鄭  
家屯交涉日人無理要求激烈異常關於警權誓死不能承認幸經議會同人及本地士紳恐舉動暴烈  
於外交上有棘手之處極力勸阻遂行容忍以待中央辦理若中央辦理不滿意恐其激烈尙不止如  
天津人民之對於老西開者祈政府格外注意關於警權萬不可輕易許諾雖然國家無實力非外交所  
能徒口爭勝負辦外交人未必無失敗之處奈何奈何此語

公安

弟王蔭棠敬啓

覆王澤南函

澤南 先生偉鑒傳誦 惠函羣深欽感查遼源交涉之失敗與否實係我省之存亡外交當局既茫然  
於日警之設置復歸過於民氣之不甚激昂荒謬絕倫宜先生之當場質問也刻我省民氣日益激烈本  
月二十五日各界及各縣代表並各校職教員等數百人羣集本會情詞迫切喻解無方常開公民大會  
決定各舉代表赴京力爭大有頭可斷而警權顧問不能承諾其一之勢本會於二十七日舉定齊君俊  
三李君香齋二人爲赴京代表日內將會同各代表等聯翩西上非得否認結果我省人民誓犧牲一切  
作最後之抵抗雖奴隸牛馬萬劫不復亦不能隱忍而受此酷虐也 先生桑梓關懷素所紐佩應請

大力幹旋設法督促政府嚴重拒絕倘獲萬全邦人士受

賜孔多矣復此奉佈敬頌

---

隨祺

第六款 奉天各團體之抗爭

奉天省議會同人謹啓十二月二十七日

六十

# 第七款 東三省代表之北來

致奉天省議會函

敬啓者敝省各團接旅京東三省會館四百三十人來函爲遼源交涉事各團聞之無不憤激立即組織團體聯合會首由各團自行拍電中央嚴詞峻拒並要求省長督軍代表民意拍電國務院力爭各團復擬推舉代表赴京 貴省痛關切膚諒必妥籌對待方法當亦有代表赴京之舉如蒙同意酌定日期以便敝省與江省代表同時到京三省聯爲一致似覺軍獨進行聲援稍厚特此協商切盼切禱衆志成城或可免夫奴隸獸困猶鬪豈甘作彼犧牲除原函無庸抄寄外合請 貴會極力主持並盼速覆幸甚專此敬頌

公祺

吉林團體聯合拜啓

致農工商學各會函

逕啓者頃准吉林團體聯合會函以遼源交涉日加緊迫擬推舉代表赴京懇請政府拒絕要求希爲一致行動以厚聲援等因本會同人僉以邀請各界妥籌辦法爲宜再黃克強先生手造共和厥功甚偉一旦溘逝舉國同哀本會刻擬會同各界開會追悼以慰英靈各等情如蒙 贊同即希於本月十日上午十一時蒞臨本會以便磋商實爲至禱此敬頌

公祺

奉天省議會謹啟十一月八日

覆吉林團體聯合會函

第七款 東三省代表之北來

六十一

敬覆者准來函敬悉種切遼源交涉協電力爭深用欽感並擬推舉代表同赴京師尤微關懷國事本會刻經邀請各團體磋商對於此舉均極贊成當即組成一團體聯合會附在本會之內共籌辦法但未識江省已否同意 貴會代表舉定何人准於何日起程統希先期示下以便推舉代表聯袂西上實爲至盼尚復祇頌

籌祺

奉天省議會啓十一月十日

致本會函

敬啓者遼源交涉日趨危險非羣起力爭不足以壯聲勢前曾函商奉黑兩省各舉代表數人赴京加入北京東三省公民會協爭堅拒業得該兩省之同意茲舉梁宗拯爲吉林團體聯合會代表相應函請接洽是荷即頌

公綏

吉林團體聯合會啓

致本會函

敬啓者頃准吉林團體聯合會來函囑令推舉代表赴京協爭本會同受切膚之災甚願協謀圖救茲推舉京師商務聯合會評議高景韶爲敝省代表以便就近協爭除知會高君作速赴會外特此奉

問即頌

公綏

黑龍江省議會啓

致奉天省議會函

大會公鑒前接來函得悉 貴省團體聯合會附在大會之內無任欽仰本會前曾函商三省公推代表之議案得江省同意舉定京師商會聯合會評議員高景韶君代表敝省因人位問題不憚詳慎舉定梁宗孫君爲吉林團體聯合會代表已於本月二十四日繕發委任狀寄京特此函請大會速行舉定以便接洽一致進行專此奉懇敬請  
鑒安

吉林團體聯合會啓十二月二十五日

復吉林團體聯合會函

敬復者頃奉來函祇悉親切本會刻已舉定齊君大昌李君友蘭爲赴京代表將會同各界代表尅日啓行卽望轉達貴代表協力肇畫共策萬全尤爲盼感尙復祇請

鑒祺

奉大省議會謹啓十二月二十八日

致本會函

敬啓者本會前推白君尙純爲公民會代表到京力爭遼源交涉現因病辭却開全體幹事會公推呂君榮寰替代相應函請 貴會接洽是荷此致

議祺

奉天省教育會啓十二月二十八日

致本會函

敬啓者敝會今日開會經衆公舉劉愛賢爲赴京代表相應函請 貴會接洽爲荷此頌

公祺

奉天商務總會啓十二月二十九日

致本會函

敬啟者本會前推本會會員魏君福錫到京爲公民會代表力爭遼源交涉魏君現在手上生瘡開會公推李會長樹滋在京就近代理相應函請 貴會接洽是荷此頌

公綏

奉天省教育會十二月二十九日

致大總統國務院  
參議院衆議院電

北京大總統國務院鈞鑒遼源交涉要求日迫全省民情異常憤激本月二十五日有公民數百人環求本

會轉請力爭詞氣嚴厲有頭可斷而警察權及軍事顧問決不承諾其一之勢本會考查輿情萬難維持

倘政府稍事退讓必至挺而走險演成暴烈舉動不惟東省召亡且必禍及全國除議決推舉代表赴京

陳述外謹電懇迅令外交當局嚴重交涉據理否認以保國權而平民氣爲禱奉省會泐

致奉天省省議會電

奉天省議會鑒爭交涉案之吉林代表梁李二君已到京據稱奉天已舉代表望速來京以便一致進行

北京東三省同鄉等漾電

致陸軍講武堂電

北京陸軍講武堂鮑堂長轉同鄉會鑒本會舉定李友蘭齊大昌爲代表不日抵京雖覆奉省會漾

致奉天省議會電

省議會鑒伍外相抵京請本會與督軍來電歡迎請其極力主持遼源交涉事赴京代表齊大昌李友蘭

東

致奉天省議會函

省議會同仁鑒弟等於本日早十點到京寓打磨廠福壽旅館當即致電本會請即與督軍致電伍秩庸  
表示歡迎並請其極力主持遼源交涉事想已收到請速來電爲盼現擬本日本在吳蓮伯處開會請本省  
國會同人研究進行手續後日(即星期日)同鄉會開會歡迎三省代表弟等到時曾子敬即致函陳介  
卿囑其將弟等加入將來研究如何再行報告再遼源交涉生事始末情形關於日本方面之報告缺其  
一其二其五其七其八其九各報告請查明速寄來爲盼

再弟等總祈張督軍派熟悉遼源肇事始末情形之人到京面述以備中央之諮詢強於書面多多也請  
極力懇說督軍派人爲盼爲禱此請

公安

弟 齊大昌 仝啓  
李友蘭

致奉天省議會電

省議會轉公民大會鑒爲遼源交涉業已推定代表龔玉崑李紹白二君回省報告並議進行特先電聞  
王秉謙富元楊渡陳瀛洲孫乃祥等江

覆赴京代表函

敬覆者先後函電均經接到公報時報各訂二份按日寄上所有關於遼源交涉函電業由秘書廳擇要  
印刷分寄各省各報館矣公民會於三號藉追悼黃蔡二公機會又復大事鼓吹號會衆三四千人立迫

本會議長暨各界首領率赴軍署請求辦法情勢洶猛不可遏止當經在場軍警官員百般勸阻披瀝陳說相持至兩小時之久始允公推代表數人協同議長暨各界首領共謁督軍宣達衆意督軍當允急電政府並派員至京陳述利害此番民氣之壯烈較前兩次何啻十倍本會業將此項情形電告中央茲將電稿附抄奉閱刻尙着着進行未敢放鬆一步望在都督促當局勿稍退讓并希將經過真相時時見告無任盼禱肅覆祇頌

旅祺

奉天省議會謹啓十二月五日

## 第八款 本會奮爭之進行

日來交涉日趨危險應向政府痛陳輿情力爲抗爭於十一十二日代表吳君景濂招集代表數人晉謁總統總理代達三省旅京公民四百三十人在京開大會議決鄭家屯交涉日人無理要求誓死不能承認等語總統總理答以政府當本民意向日人拒絕三省公民可安心云云十一月二十日代表鮑君貴卿又招集各代表晉謁總統總理痛陳日人要求侵我主權關係三省存亡全國安危并報告三省公民對於鄭家屯交涉日人無理要求激昂慷慨憤不欲生畿有滅此朝食之勢務請政府對於此等要求嚴詞拒絕決不承認則三省受賜多矣總統總理答謂日人要求與我主權攸關豈肯輕易允認望請代表通告三省公民放心可也云云

十二月二日李君友蘭梁君宗祹鮑君貴卿應君善以趙君嵐亭及三省參眾兩院議員等到外交部迎賓館歡迎伍總長舉吳君蓮伯致歡迎之意旨略謂總長對於衛生犧牲一切出而担任危局之外交鴻猷碩責先聲奪人必能舌戰羣雄拆衝樽俎我國外交將從此放一異彩實爲我全國人士所嚮香謹祝者也至鄭家屯老西開兩項要求之難題略經實總長之交涉當可連刃解決矣總長答曰僕之掌任外交不敢操必勝之權不過竭盡棉力爲之耳過蒙同胞屬望曷勝欣感云云語畢告辭而散

### 致各會員函

啓者茲訂於十二月三日下午三時在西單牌樓京畿道陳介卿處開歡迎奉天軍務幫辦馮閣忱及東三省來京爭遼源交涉代表大會藉以討論進行辦法望

軍元惠臨爲荷此頌

公綏

本會啓十二月一日

第三次 開歡迎及討論大會

會場紀事

十二月三日下午三時假西單牌樓京畿道陳興亞處開歡迎奉天軍務幫辦馮樹忱及東三省來京爭鄭家屯交涉代表大會到者百四十七人推陳君辨卿報告開會宗旨及致歡迎馮幫辦事詞（略謂馮幫辦在奉統帶二十八師介隊及幫辦奉天全省軍務保衛桑梓屏藩東鄙今備歡迎聊表敬忱云云

附答詞

白君贊伊代表馮幫辦登壇答詞（略謂同鄉諸君設席歡迎實不敢擔既承同鄉厚誼又不敢違只得感謝諸同鄉先生之盛意也敝幫辦在奉十數年僅按步就班並未能與桑梓造若許之幸福實深抱愧又遼源交涉經敝軍肇起尤有愧對同鄉者也云云）

應君善以致歡迎東三省代表詞（略謂今日開歡迎馮幫辦及三省代表諸位先生大會幸蒙不棄全體到會不勝欣幸之至歡迎馮幫辦之頌詞已經陳君介卿述過敝僅對三省代表致歡迎之意旨此番三省代表是受我三千萬人民之重託爲保全領土主權而來惟望我代表犧牲一切將遼源交涉案着得圓滿之結果庶不我旅京同鄉歡迎代表諸先生之雅意云）

李君友蘭（略謂蒙同鄉諸先生歡迎不勝感謝之至敝等此次來京受地方之重託敢不犧牲）一切至

鄭家屯案內日人要求條件敝等抱定宗旨誓死不能承認云云）

梁君宗拯（略謂感謝諸先生之歡迎莫可言宣敝等未來京以前敝省已成立公民團體對於鄭家屯之交涉日人無理要求誓死抵抗萬無承認之理幸諸同鄉在京組織公民大會敝等照取一致進行主義向政府力爲爭執以達到不喪主權不失領土之目的云云）

高君崑（略謂同鄉諸先生此番歡迎並非歡迎我代表之人實歡迎我來之目的也云云）

時至五時全體會員攝影以作紀念（影列卷首）六時繼續開遼源交涉討論會推吳君景濂爲臨時主席首先報告開討論會之宗旨次請馮德麟先生出席報告遼源交涉之原委（見第一款）云云

主席諸會館董事出席報告爭交涉之來往函電

楊君乃庶將東三省各縣對於遼源交涉爭執之函電數十起逐件報告

主席爲前被舉向政府接洽代表中之一故將與政府接洽及交涉經過情形一一報告（略謂代表等已見過府院部均主張力爲拒絕喪失主權萬不承認云云至夏詒霆次長對於此次日人要求頗無對待能力所以各條件均無結果云云

主席請三省來京代表對於交涉之情形及來京之意旨略爲報告

李君友蘭謂奉天公民大會刻已成立二十五二十八兩日開會到會者均不下三百餘人農工商學各界要人亦均與會後推敝人等代表來京與在京公民大會取一致之進行向政府竭力爭執非達到

否認目的不止云云

主席對於全體會員報告討論穩健進行方法請各抒意見

秦君華主張根本辦法先從國防著手如改築鐵路整修軍港云云

秦君廣禮主張京立三省公民總會三省各縣成立分會取一致之進行

金君鼎勳贊成秦君華之議略有申說并提議整頓堡防云云

郭君松齡主張勞力保險維持國貨云云

劉君恩格主張

(一) 國會議員對於將來不圓滿之交涉條件主張否決

(二) 設法提倡三省各縣皆設公民分會

(三) 在京在奉吉黑設立機關報紙專事鼓吹

(四) 公民代表及國會議員分頭督促政府竭力辦理

(五) 設三省公民代表事務所以便隨時接洽云云

李君有忱主張由旅京同人組織之三省公民大會內派人到本省公民大會接洽催促各縣迅速組織

公民分會再舉代表到南京上海運動馮副總統督促政府嚴重交涉並懇乞孫中山先生運動日本

國會重要分子使之交涉讓步運動唐少川先生及上海商務會維持國貨云云

陳君興亞提出條件如左請附表決

一 旅京代表及三省代表分頭向政府院部力爭（多數贊成）

一 由三省旅京同鄉舉出代表加入全國公民大會請與老西開案合併力爭（多數贊成）當推舉代表如左

奉天 應蕃以 趙中鶴 吳景濂 李友蘭 王仙舫

吉林 梁宗拯 李任民 初兆聲 李香齋 徐尊霖

黑龍 高 崑 秦廣禮（多數贊成）

一 由本會致電三省各團體各縣使其來電力爭愈多愈妙（多數贊成）

一 由旅京代表及三省代表向國會聯合請願或由議員依法提案（多數贊成由代表等聯合請願）

一 設辦事機關或另設或就會館（多數贊成就會館）

一 辦事人員或由代表董事會辦或另選職員（多數贊成訂期另選）

一 款項一節仍由會館存項開銷抑或另籌（多數贊成另籌即由到會會員捐輸）

時至九鐘閉會十鐘筵宴即在席間寫捐款共捐洋四千餘元其捐輸人名數目列後事畢即陸續

散會

### 致全國公民大會函

敬啓者天津老西開交涉法人侵我主權奉天鄭家屯交涉日人制我死命此誠我國危急存亡之秋如不誓死力爭挽回狂瀾一經失敗則局部有割據之憂全國即召分割之禍言念及此淚無可揮東三省

同鄉痛深切膚憤不欲生組織東三省公民會合全力以抗爭作政府之後盾惟是勢微力單深懼不勝特舉應善以趙嵐亭吳蓮伯李香齋王仙舫梁任先李任唐初鶴臬齊耀珊徐敬一高景韶奏立卷十二人為本會代表加入貴會合力抗爭聲勢尤壯不達到保全國權目的不止敝代表赴會時祈接洽是荷特此奉聞此頌

台綏

東三省旅京公民會啓

全國公民大會來函

敬覆者前以天津老西開交涉奉天鄭家屯交涉組織全國公民會設法維持茲奉

台函復舉

貴省代表同人無任歡迎除已敬請到會外特此敬覆即請

公安

全國公民會事務所謹啓

上政府及兩議院請願書

為請願事竊維國可亡而辱不可受民可死而恥不可忍溯憶我政府自甲午以迄今日對待日本講信修睦事事守退讓之主義舉國上下僉以亞洲大陸我與日本有同文同種之誼為唇齒兄弟之邦若能開誠布公親善雍睦實為亞東之幸世界之福也詎我國愈推誠而日本愈行詐我國愈示弱而日本愈用強往者間島侵奪安奉路綫修築自由山東龍口之役破壞中立去歲五月間要求二十一條件直欲

本其大陸政策以朝鮮我且爲城下之盟以威嚇我政府猶曰忍受之不斷露自我開權爲曲而國人之心已如割去肺肝忍痛不言幸冀日本翻然悔悟之一日我兩國可互相提挈也乃於八月十三號因奉天鄭家屯之薄物細故竟欲奪我軍警大權王其聲竊事實我政府因調查明確知曲在彼而不在我即日政府亦調查明瞭知在彼而不在我矣按國際公法微獨我政府無承認其要求之理由尤宜向日政府嚴重詰責以勸其返省我政府素守敦睦邦交主義不願仗義責言但求和平解決相安於無事勿失夫邦交而日本小題大作反唇相稽既要我警權復干我軍政直將以吞併朝鮮之故智欲吞併我滿蒙不僅吞併我滿蒙且將吞併我中華全部也何則滿蒙爲直隸東藩無滿蒙卽無直隸無直隸卽無本部矣是可忍孰不可忍語云困獸猶鬥矧我關外三省人民祖宗骸骨父母梓桑均寄在此土一旦被人竊佔反甘心委而棄之無一人敢與之抗是忍心害理直困獸之不如矣興言及此而不痛哭悲哀者非喪心病狂之孽子卽冷血無知之動物天下事有可忍有不可忍者不可忍者而獨忍之是不知人間有恥辱事在國爲不國在人爲不人代表等謬承父老昆弟之重託傷懷牛馬奴隸之慘禍匍匐來都心急情迫特懇政府與之嚴重交涉凡日本所欲奪我主權者三省人民抵死不能承認倘被仍用強硬手段自出行動則東三省全體人民甯作沙傷鬼不爲亡國奴三省願爲我政府外交之後盾政府亦當作我三省之前矛盾迫陳辭不勝悚惶待命之至謹呈

政府兩院

上兩院請願書吉林代表

爲請願事竊日本挑釁遼瀋事起督率軍隊闖入我兵營慘殺我軍士扣留我知事占領我土地驕野蠻

橫咄咄逼人凡有血氣豈能忍受又復藉端要挾侵我滿蒙之警察權及軍事顧問權野蠻強索而置公理公法於不顧回憶去歲五月七日之要求方終復行提出此等嚴酷之條件口血未乾狼心又起苟政府畏日本之威嚇作避敵喪權之計畫苟延殘喘之故智以爲割棄東省行政之主權即得日人之歡心從此不能復侵也不知我國之主權有限而日本慾壑無窮貪陰謀局勢并非不數年後我四萬萬之同胞定步朝鮮印度之後墜抑或歐亂一定萬國齊來均沾之約瓜分之禍可立而見不待智者而後知也是以我國之民不能不痛心切齒捨生拚命出死力以相爭也誠以東省既去內地十八省相繼難保我國民欲不爲亡韓之續者豈可得乎所以日本對於滿蒙慘淡經營不遺餘力者蓋其目的在於吞并中國飛雄西歐以展其大陸之政策勢不能不先使東省之主權歸於勢力範圍之下所以要求警察權顧問權者正欲逞施此種之陰謀也吾人既知其陰謀當猛然醒覺起破壞而抵抗之然可以與之抗辯者有三事焉按諸條約(一)日本原不能在鄭家屯設警駐隊以侵我國之主權乃於客歲藉演操爲名久駐不歸雖經政府屢請撤運置若罔聞反保護盜匪擾害治安種種欺侮情形頗係容心挑撥藉端生事此可與之抗辯者一也溯夫遼源肇事之原因寔以日商與我軍人衝突按兩國之民之咎咎自可平分了結而日警河賴焱使日本隊長率兵闖入我兵營開槍擊斃我軍士我軍爲自衛計反槍相抗以致互有死傷日本愈加橫暴竟將遼源知事扣留營內數日方釋夫軍營乃我國之重地知事乃我國之命官攻擊之扣留之橫暴行爲莫此爲甚凌辱國體亦莫此爲甚我國應要求賠款謝罪並從優予卹我國之死亡將士以昭奇恥而雪大辱此可與之抗辯者二也肇事之日日本遽調軍隊占領遼源驅逐

國之死亡將土以昭奇恥而雪大辱此可與之抗辯者二也肇事之日日本遽調軍隊占領遼源驅逐吾民一面於奉省設立警察二十餘處於吉林亦設立警察數縣按國際公法外國軍隊非得本國之認可不得自由通過遼論藉端占據且非經征服之土地不得設立警察遼論自由設立此可以與之抗辯者三也我國以此種之理由持平靜之態度與之抗辯如日本不知進退仍以要求迫我承認萬不得已唯有一戰而已明知與彼言戰以弱敵強也戰者東省亡不戰則東省亦亡雖然戰猶有可勝之機不戰必召坐亡之禍一綫生機唯有戰而已矣其可以與之宣戰者亦有三事焉夫日本敢以此種毒辣條件迫我政府承認者乃逆料我國貧弱稍以恐嚇必不戰即行允許也不知師屈則老直則壯遼源之事日本故意尋釁妄起兩軍混戰之端我國忍辱不言以全邦交者蓋順東亞之和平不欲傷中日國民之感情故耳日本昧於此理以爲我國勢力微弱不敢與爭遂出野蠻無理之要求其曲誠在彼矣曲既在彼縱與一戰戰則必勝可以與之宣戰者一也況夫日本之兵乃侵略土地之兵也我國之兵乃恢復國恥之兵也夫侵略之兵易驕驕則憤憤則畏死畏死則必敗復仇之兵必憤憤則勇勇則敢死敢死則必勝可斷言矣此可以與之宣戰二也近聞日本政府自寺內任事以來朝野上下黨派分歧意見不一官民兩黨既欠融洽新舊政見亦不一致主張武力解決征服我國者急進派也主張威脅懷柔雙方並進侵略我國者老成派也主張純以柔和之手段襲朝鮮之舊策消融我國於無形民黨派也察其三派之內容對於遼源交涉忽生政見上之衝突是以黨派既分離於前將來自必內亂於後繼以外患其何能克此可以與之宣戰者三也就以上之所言我國上而政府議會下而人民苟能同心協力共賦同仇守閭牆

禦侮之戒。同室操戈之讖。以男兒之鐵血。保護東省之主權。何患弱國無外交也。況東省地處邊陲。形勢險要。交通便利。誠塞外之雄都。爲中原之屏蔽。沃野千里。物阜民豐。山挺其華。水濯其精。靈毓所鐘。鬱鬱葱葱。他可失而東省之主權不可失也。他可亡而東省之土地不可亡也。如將東省之主權。土地輕易放棄。是使東省歸於滅亡也。東省亡則民國之前途。尙能延乎否乎。婦孺皆知之矣。昔嘗論之。幽燕藩籬。盡在關東。關東存則中原亦存。關東亡則中原不旋踵而隨之。俱亡。譬如一身。關東爲中原首部。直魯爲中原之咽喉。秦晉甘豫則爲中原之肘腋。長江上下則爲中原之腹背。若滇黔閩粵。雖爲兵事上重要區域。距中原遼遠。每有鞭長莫及之勢。猶身之有足焉。首不俱亡。方有擊東應西之能力。若牽其頭項而擊之。縱有萬能。莫獲一逞。且歷觀往古。用兵扼要。東南形勢。利用舟楫。西北形勢。便於戒馬。故戎馬頻來。爲中原患者。莫如胡人。若胡人能成大一統之業者。亦莫不以關東爲根據。蓋關東披山帶河。富甲天下。洵爲天府之雄區。守則鞏若金湯。戰則勢同高屋。南下山海關。直取燕中。秦漢唐宋諸朝。屢被邊患。鎮定無方。雖古今形勢不同。攻守異術。然中原大勢。恒狂西北。得之則坐擁中原。失之則猶虎剪翼。乃定例也。爲今之計。對於日本。此次之要求。非唯我政府宜嚴峻拒絕。持理抗辯。我四萬萬之同胞。亦宜奮志決心。與最爾小邦。決一死戰。以保全東省。錦繡之河山。險要之土地。使不落於鞏夷手也。大敵當前。義不容辭。衆公德望。素孚識見。卓越受國民之付託。荷立法之重任。熱心謀國。當必計之熟矣。今東省當此千鈞一髮。國破家亡之際。

諸公理應督催政府。絕對反抗。使日本無所施其陰謀詭計。撫無告之國民。保自有之主權。是解東省生

民奴隸牛馬之厄而入於自由平等之天不但東省國民之幸亦全國國民之幸亦即中華民國萬世之幸之特此陳述東省國民之決心並泰合代表等之管見繕呈請願書伏乞貴院採納議決咨請政府嚴重交涉以保主權而禦外侮此上

### 參衆院

#### 上兩院請願書黑龍江代表

爲請願事竊查奉天鄭家屯交涉一案日人闕擊我軍營拘留我知事侵佔我疆土攘奪我國權凌虐恣肆早爲中外人士所共見乃復提出嚴酷之條件要求警察權軍事顧問權三省人民聞耗之餘莫不髮指皆裂忿不可遏奔走告語函電紛馳籲懇政府始終堅持毋稍退讓以保國權而平民氣乃遷延至今談判尙無結果羣情激昂愈接愈厲其中危險情形不能不爲

貴院梗概陳之日本對於東亞夙抱侵略主義前清同治末葉日本派藏相大宗城與中國締結通好條約其內已伏無窮之禍機明治二十八年與清政府訂立馬關條約除割台灣而外實爲日本謀我番屬之期明治三十八年清政府與日本小村內田訂滿洲善後條約寔爲日本在滿洲勢力發展之始民國開幕又有四年五月七日南滿之條約日本節節經營其野心已可概見况滿蒙附近之航業權採礦權築路權已被日人剝奪殆盡而又謀我警察權軍事顧問權以期入彼政治範圍是直以吞併朝鮮之故智爲侵略滿蒙之政策一息尙在萬難忍此此從中日關係上觀察不能不嚴重交涉者一也中國人口繁殖倍於往昔所賴三省曠野平原尙可爲移殖之地查歐美諸大國闢一新殖民地幾竭全國之兵力

財力出而經營三省五礦俱備物產豐饒若不竭力保持將來農無隙地生計竭蹶險象環生危亡可待況三省地接強鄰爲全國之藩籬藩籬一撤而堂奧之地均有不保之象此次交涉非三省存亡問題乃中國存亡之問題也此從中國大勢上觀察不能不嚴重交涉者二也甲午戰爭之後瓜分中國之說已沸騰於世界而我國得以苟延殘喘者其原因在列強皆持機會均等主義不便以一國之破壞惹起世界之戰爭乃日本利用歐戰未終之機會而爲經營滿蒙之計畫可馬昭之心中外皆知唯望政府對於要求各條貽終堅執不許彼即以強權迫我應認爲日本自由之行爲應認爲日未侵害中國主權之行爲訴之各國當可評判其是非若稍事退讓將來歐戰結局列強相援而起俄人圍我外蒙必更及於新疆英人必要求西藏及長江流域德人必據我山東法人必割我雲南中國瓜分之局前數年發爲言論者今後將見諸事實矣此由世界大勢上觀察不能不嚴重交涉者三也以上所陳痛切心膺憤激情形萬衆一致代表等念三省人民對於鄭家屯一事既有誓死不能承認之決心政府誠能尊重民意嚴重交涉毋使肅慎之地隸韃之邦挺而走險三省幸甚大局幸甚謹按約法第七條及十九條第七項據實請願請求

貴院受理公決咨達政府施行此陳

參議院

衆議院

#### 第四次開選舉各股職員會

會場記事

十二月八日下午七時在東三省會館開選舉職員會到會者七十餘人公推楊子襄主席報告開會宗旨據謂前日開會議決設立機關選舉幹事今機關已設幹事宜選故今擬暫先分爲文牘庶務會計交際四股推舉臨時幹事如左

甲 文牘股 幹事 應善以 趙中鵠

陳興亞 李友蘭 梁任先 徐珮璋

乙 庶務股 幹事 左魁章 周志中

范成珩 楊榮春

丙 會計股 幹事 楊乃康 周志中

陳紹蕃 左魁章

丁 交際股 幹事 李友蘭 趙中鵠

鮑貴卿 吳景濂 梁任先

劉先民 呂榮寰 張化南

孫耀祖 齊大昌 劉愛賢

富元 李任民 初兆聲

薛永來 高崑 莫德惠

是日只舉職員並未議事時至九時閉會

十二月八日東三省公民會代表趙鳳亭應善以李友蘭梁宗拯高崑等十餘人晉謁段總理當將遼源交涉肇事始末詳情暨東省人民對於日人提出警權顧問等條件如何憤激之情形詳細陳述益加考徵總理答云伍總長已到此案解決當無遠期至主權攸關之處吾當格外注意萬不能輕易與人況日本名流提倡中日親善之論調益見增高想絕不致因侵人之主權致生惡惑望諸君對於民公竭力安慰勿過肆囂張致生意外云云

十二月十二日本會代表應善以周志中趙中鵠李友蘭梁宗拯高崑等十餘人對於鄭家屯交涉力爲爭持毫不退讓故親捧意見書數份分投公府國務院外交部參衆兩院並普謁各當道迫切致詞聲淚俱下各當道亦深爲動容云

十二月十四日據晨鍾報載鄭家屯交涉第一次談判對於警察問題伍總長已極讓步大略警士仍用華人伍長以上可聘日人統帶一席由我國聘用日人充之仿京師保安警察隊例須歸我政府管轄日公使要求統帶一席由日人充之歸關東都督指揮雙方對於此點堅持不下云云噩傳來憤駭萬狀本會代表呂瀛寰劉先民應善以等趨謁伍總長由參事伍朝樞君接見代表等詢及鄭家屯交涉是否如農鐘報所載據參事謂此報純屬子虛日昨談判僅將此案頭緒稍稍接洽並未談及何項要點總之此案交涉無論談判到何地步如主權所關警察顧問等項堅持到底萬萬不能退讓雖日人一方面所稱前夏次長已經口頭承認之他項輕微條件嗣後亦當力爭以圖恢復決不肯輕爲放鬆望諸君轉達

貴會辭候佳音云云又謂日人在奉吉黑各處所設之警察本部無憑查交涉頗無把握特請 貴代表代查造冊送部以便據以詰責云云

### 致索捐款函

敬啓者前爲遼源交涉擬組織公民會討論對付方法後因經濟問題成立延緩幸昨開會承同鄉諸先生桑梓關切發展熱誠傾囊倒篋互相捐助幾達四千餘圓遂得成立斯會然會雖設立而着手進行非款無以爲力特將前蒙

鄉先生捐助之元若干或差人送到公會會計處或由會遣人去取均可以備會內一切運用此致

諸先生偉鑒

本會啓十二月十三日

### 致各報社函

報社經理編輯諸先生偉鑒敬肅者鄙曾各代表爲奉天鄭家屯交涉受父老昆弟之重託請求政府嚴峻拒絕凡喪失國權之要求抵死不能承認但茲事體大負荷維艱稍有差悞則一着棋錯輸却滿盤貴社代表輿論主持公道義正辭嚴可揚弱國之威口誅筆伐直奪梟雄之魄特懇大主筆先生秉筆直書鼎力鼓吹南針代指俾有違循庶民氣愈張主權可保茲特推選幹事於某日午時詣謁白端藉通款曲屆時務望假以辭色爲荷先此敬致順候

敬祺

本會啓十二月十四日

致會員開會函

逕啓者本會成立已經數日前次開會議決各事業已次第寔行惟交涉不日開始談判所有應行對待方法不一而足亟應公同討論以便進行且應行報告事件甚多茲經職員會議定於十八日午後七鐘在西單牌樓京畿道前開歡迎會處開秘密大會屆時務望早臨爲盼此致

時祺

本會啓十二月十七日

第五次開討論大會

會場紀事

十二月十八日下午五時假京畿道陳興亞處開討論大會到會者二百餘人公推應善以主席報告開會宗旨及會內已辦之事項并研究提出各項之條款略謂將本會已經辦過之事報告如下(一)三省代表及本會職員已上請願書於兩院并上府院部書各一份(二)三省代表及本會職員迭見總統總理外交總長等均以不喪失土地主權爲答覆(三)報告刷印遼源交涉肇蒙記實五萬本除本會照例郵寄各處外其餘應請在會諸君分擔布散(四)報告本會收支款項若干並提出討論事項如左

一 三省兩院議員已舉代表回省公民會可否亦舉代表回省宣告本會之宗旨及其進行之目的并可否設一機關報(或津貼某報以作機關)

郭君松齡主張不另舉代表謂旅京同鄉返省者均可負鼓吹之責任云云(衆贊成)

宋君大章主張不惟本會不專設報即津貼報社亦毋須乎此北京報社均與鄙人有關係若鄭家

屯事投稿敢云均能與登倘有不與登者鄙人願負完全責任云云(衆贊成)

二宜先籌一穩健對待方法(或排貨或維持國貨)

王君家瑞主張設立工場提倡國貨

陳君瀛洲反對排貨恐遭痛苦陳君興亞主張假維持國貨之名以行排貨之實(多數贊成)

某學員主張將此次交涉要求條款逐條用白話解釋裝訂成冊佈告全國(多數贊成)

三本會成立已經數日所辦之事遂漸進行可否推舉會長以專責成(衆贊成舉會長)

王君家瑞主張以本會職員互選會長梁君宗拯主張先訂本會章程會長一席俟開大會時用不

記名投票選出之(多數贊成)

時至十鐘主席宣布閉會

致奉吉兩省公民會電

奉吉公民會佟德一馮劉劉諸公鑒據伍總長令將除租界外所有日本設立警察之地點日期人數名

稱等項詳確調查繕具清冊以爲交涉之証據限五日內寄下東三省公民叩十九日下午二點半鐘發

奉天省議會來函

逕啓者前承電囑將日本在奉設立警察之地點日期人數名稱等項詳細調查造冊寄京以作交涉之

証據等因遵卽函請奉天省會警察廳迅速查明具覆去吉後茲具覆稱已將日警地點等項詳查明確

造具清冊前來相應函送

第八款 本會奮爭之進行  
 實查查明照可也此致 附表一件

全	安東縣	蓋平縣	開原縣	遼源縣	全	全	全	全	全	全	奉天省城	縣名
混水泡	三道浪頭	縣城內	縣城內	縣街	十間房	子孫堂胡同	萬寶蓋胡同	小西門裏	大北門裏	東華門外	東華門外	駐在
警察派出所	警察派出所	警察派出所	警察出張所	滯留	吏派十間房警察所	吏派小西關警察所	吏派大西門警察所	吏派小西門警察所	吏派大北門警察所	吏派城內南警察所	城內南警察所	機關名稱
民國四年三月	民國三年十月	宣統三年十二月	光緒三十二年十二月	民國四年六月	光緒三十二年二月	光緒三十二年二月	民國四年七月	宣統三年	民國四年七月	光緒三十一年	設立年月	
租于姓房屋	租佔民人薛子清房屋 有卷由安東請撤		有卷爭請撤去	辦理取締僑民事宜 有卷未辦	無	有卷請撤	有卷請撤	有卷請撤	有卷請撤	有卷請撤	有卷請撤	摘要

奉天省議會啓 八十四

海城縣	全	全	昌圖縣	全	海龍縣	全	遼陽縣	西豐縣	西安縣	鳳城縣	法庫縣
牛莊	八面城中街	同江口	縣城內	山城鎮街	朝陽鎮	縣城西關外	縣城西街	縣城內	縣城東門外	縣城街西柴火市	縣城內
擬設派出所	警察出張所	警察出張所	關東都督府鐵嶺領事館昌圖出張所	警察出張所	警察出張所	警察派出所	警察署	警察出張所	警察派出所	警察駐在所	警察出張所
民國五年三月	民國四年十月	光緒三十一年八月	光緒三十一年	民國四年三月	民國四年六月	全	光緒三十一年	民國元年五月	民國二年	光緒三十二年四月	光緒三十二年
有卷請撤	租民人張向風房屋有卷請撤	租民人張向風房屋有卷請撤	租民房十二間有卷請撤	租民戶李德勝草房三間	有卷						有卷請撤

營口縣	永世街	擬設派出所	全	有卷由營口請撤消
錦縣城	內	擬設派出所	民國五年八月	全

十二月二十日本會代表梁宗拯李任民應善以等到外交部探詢外交消息適值伍總長伍參事均赴國務院未能晤面即時返會云

致副總統函

敬肅者爲奉天遼源交涉日人欲奪我軍警大權東三省全體人民大動公憤誓死不能承認各縣立公民會分部各省政府立公民會支部茲又於北京前門外西珠市口大街路南東三省會館舊址成立東三省公民會本部聯絡一氣羣起共爭惟個中真象知者蓋寡即無以堅其敵愾之心而作共激昂之氣特將遼源肇慶記寔印刷五萬本備廣流傳庶皆警惕俾日人欺我之眞像攝入大多數同胞之腦鏡中留作記念以摩盪而鼓舞之茲特郵上一百本伏乞廣爲分佈實紉公誼謹此

南京副總統馮

本會啟十二月二十一日

分寄遼源肇慶記實函

敬啓者奉天遼源之交涉日本提出八條向我政府要求承認其中足以制我死命者惟在南滿東蒙之警察權及軍事顧問權軍事教授權等是直欲以朝鮮待我也旅京各界同人公推代表及三省各代表

等公同上書於參眾兩院及大總統國務院外交部並迭次謁見各當道痛陳三省人民誓死不能承認此亡國滅種之條件尤恐各處不能洞悉遼源交涉之真相茲特編訂遼源交涉肇釁記實五萬本備廣流傳藉資警惕並將八條件用白話解釋俾衆週知俟刷印成帙即行分佈以備流覽藉喚癡夢茲先將肇釁記實郵上所分佈各界實級公誼此致

本會啓十二月二十三日

致各報館函

敬肅者敝會爲鼓吹民氣起見特奉上遼源記實祈諸大主筆照文登載並希於論說時評多加鼓吹蓋外人專看報紙上之論調以爲外交之憑准事關國權務希注意爲感謹致

貴經理先生公鑒

本會啓十二月二十四日

致陸四聰所佈散遼源交涉記寔函

敬啓者本會正籌辦各項文件爲鼓吹民氣抵抗日本亡國滅種之嚴酷要求八條件茲特奉上遼源記實及三省請願書祈即在津廣爲流布俾遼源交涉真相共見共聞藉資警惕而爲未後五分鐘之準備可也此致

陸四聰先生公鑒

本會啓十二月二十四日

十二月二十四日本會代表應善以李友蘭等謁外交總長探詢遼源交涉經過之情形伍總長略謂前於十三十九兩日兩次談判均無結果日昨(二十三日)開第三次談判是日會議雖無結果然對於懲戒問題要略磋商中國以王鴻年報告爲根據據王鴻年之報告首開槍者確爲日兵云)

而日本則否認此說並力請懲辦該處駐紮肇事之軍官等語僕以爲曲既在彼反欲懲辦我之官軍是樣條件斷無承認之理至警察權問題僕以爲不因此案而牽及上年未決之條件請將此條刪除庶有交涉之餘地日本即時無相當答覆判談亦無結果云云

致張督軍馮幫辦函

敬願者敝會代表李友蘭應善以等於二十四日晉謁外交總長伍秩庸先生質詢遼源交涉經過之情形據伍總長略謂前於三十九兩次談判均無結果日昨二十三日開第三次談判在迎賓館第二會議室日本方面列席者爲林權助公使小幡參贊船津書記官等中國方面除夏詒靈去職及劉次長未到外僕與參事伍朝樞等是日會議雖無結果然對於懲戒問題約略磋商中國以王鴻年報告爲根據（據王之報告首先開槍者確爲日兵云）而日本則否認此說並尤請懲辦駐紮該處之軍隊長官等語僕以爲曲既在彼反欲懲辦我之軍隊是樣條件斷無承認之理至警察權問題僕以爲不可因此案而牽及上年未決之條件請將此條刪除庶有交涉之餘地日本無相當之答覆後雙方均無結果始散此近來外交進行之情形也知關廬注特此報告

奉天督軍及幫辦公鑒

本會啓十二月二十五日

十二月二十七日本會代表梁宗拯初兆聲應善以趙中鵠李友蘭齊大昌呂瀛寰劉先民等探訪鄭家  
由交涉總長參事均值公出未能晤面

十二月二十九日本會代表仍如前人到外交部會見伍參事略謂二十六日開第四次談判時日本方

面對於警察問題絲毫不肯放鬆以故是日會議仍無結果云

二十八日開第五次談判似較第四次稍有頭緒懲辦問題亦已解決中國方面提出限制日兵駐紮問題日本已承認但限於鄭家屯一處其他三省地方仍不肯受條約之拘束至於警察問題日本堅持上年五月七日之未經履行約章要求安置日警以補助三省保安事宜總長以此事有關主權且非本案應行討論者日本此舉溢出範圍故此次談判依然無結果云

本日擬接續開協議之談判不意日本公使館未接到本國政府之回電遂至延期年關逼近或待明年一月初旬內方能開議云

龔玉琨李紹白來函

敬啓者從前任捐之欸每人二十元迄未照繳深知愧怍查崑等前次回奉經當時議決每人均給路費以五十元爲限亦未請領茲擬以任捐二十元作抵收入賬內並惠賜收條其餘下欠之三十元卽希早日撥付實緞公誼此致

北京東三省公民會鈞鑒

龔玉琨

同啓二十八日

李紹白

致全國各省通電

各省督軍省長省議會教育會農工商會鑒遼源交涉日人要求警察顧問兩項迫我政府承認毫無退

讓主權喪失危在旦夕三省存亡關係全國請再急電力爭速謀最後對待方法無任盼禱北京東三省公民會卅二月二十九日

北京東三省公民會簡章

一本會爲旅京東三省公民組織而成故名曰北京東三省公民會

二本會以擁護國家促進外交爲宗旨

三本會事務所設在西珠市口東三省會館內

四本會會員以東三省旅京公民充之但須有會員三人介紹能擔第九條義務爲限

五本會職員設正會長一人副會長二人幹事評議兩部

六幹事部分文牘會計庶務交際四股每股設主任幹事一人幹事三人至四人但交際幹事無定額

七評議部設評議長二人評議員以全體職員充之

八本會正副會長以本會全體會員用不記名投票選舉之幹事及主任幹事由全體會員及本股幹事公推之

九本會經費由全體會員擔任并設法募集

十本會每月定開常會一次但於必要時經會長提議或有會員十人以上之請求經評議會議決得開臨時大會

十一本會職員辦事細則另訂之

十二本會簡章自議決之日施行如有未盡適宜之處得隨時提交評議部修改之

本會各職員辦事細則

甲會長

一正會長執行本會議決事務并有召集開會及督促各股進行之責

一副會長勸助正會長辦理會內事宜如正會長有特別事故不能到會時副會長得代理之

乙幹事部

一文牘股主任幹事及幹事專掌文牘一切起稿事宜

一庶務股主任幹事及幹事管理本會一切雜務及採買等項事凡用款至一元以上者須有收據每月終必繕具清冊榜示周知以昭信用

一會計股主任幹事及幹事管理金錢簿記及收發款項之證據但支款時必經會長及庶務主任之蓋章

一交際股主任幹事及幹事專司交際一切事項

丙評議部

一正副評議長及評議員專司討評議本會應行之事務遇有疑難不能解決及事關重要不能評議者須提出議案請會長召集全體會員開會議決之

一職員辦事時間每日上午十時至十二時下午五時至八時

致東三省同鄉選舉正副會長函

敬啓者本會經各職員議決訂於陽歷十二月三十一號下午一時在本會館用不記名投票法選舉正

副會長屆期務望

惠臨爲荷順頌

公綏

本會啓十二月二十九日

報告警區函

敬啓者敝會訂於十二月三十一日下午一時在四珠市口路南本會館內開選舉正副會長大會相應

函報查照施行此致

外右二區警察署

本會啓十二月三十日

吳景濂來函

同鄉諸先生台鑒敬啓者本日東三省公民大會選舉會長本應到會躬預之盛惟下午二時益友社開

會歡迎蔡元培先生弟在主席之列不克到會謹求王治安先生爲弟代表如代表可以投票即請將票

交王君代投否則聽之專此即頌

十二月三十一日

一祺

鄉愚弟吳景濂再拜

第六次開選舉正副會長大會

會場紀事

十二月三十一日在本會館開選舉正副會長大會到會者百四十人推應善以主席報告開會宗旨謂前次開會議決設立機關選舉職員今機關已設急宜速舉會長以便進行會務會長辦理會內會外一切事務極關重要故選舉方法亦須慎重擬用無記名投票法選舉正副會長報告畢即由監票員分佈選舉票投畢開闕當選人列左

正會長 陳興亞 四十七票

候補者 宋小瀛 三十六票

趙中鵠 二十六票

副會長 宋小瀛 三十六票

李有忱 三十四票

候補者 應善以 二十六票

左魁章 二十三票

選舉畢仍由應善以報告本會辦過之事項略謂本事務所前經大會表決聯絡報社維持國貨解釋條款選舉會長各問題今已陸續照辦矣

(一)二十三日宴各報社主筆於西安飯店到席者二十餘人經宋公寰李君香齊梁君任先報告肇事之始末及交涉已往之情形并懇代為幫忙頗得各報主筆贊許云

(二)二十五日筵全國商界聯合會全體職員於杏花春到席者十八人經高君景韶介紹並報告筵會

之意旨有馮君炳炎王君文典何君宇塵諸人迭次研究業經得有維持國貨之手續云

(三)四年五月七日中日條約及遼源交涉日人之要求各條款經本會文牘趙君風亭用白話解釋明

白謂諸君隨時研究可否印刷多份遍處演講云解釋見前(多數贊同)

四本會前曾經伍總總長囑將日人在奉吉設置警察之地點年月人數名稱等調查繕清表冊以備交

涉之材料業經本會致電奉吉兩省刻已報明日人設警察二十三處云

五本會代表前見伍總長據謂交涉經過情形及將來交涉種種之危險代表等以為事關重要非通電

全國使羣起力爭不足以昭鄭重故本會已拍電全國矣

六本會印刷之遼源交涉肇毀記寔兩萬本及夏詒靈三誤一萬本現已陸續分寄全國矣

以上各項均係本會經過之情形特向諸君報告以備將來研究進行參考之材料云

### 報告選出會長函

敬啟者今日本會開全體會用不記名投票選舉正副會長陳君興亞得四十七票當選為正會長宋君小濂得三十六票當選為副會長李君有忱得三十四票當選為副會長茲經各職員議決訂於一月二日下午二時在本事務所開職員會推舉各部幹事以清權限而專責成相應函告屆期務望駕臨為荷謹此

陳宋李先生大鑒

本會啓十二月三十一日

致開職員會函

敬啓者本會正副會長業經投票選出茲定於一月二日下午二時在本事務所開職員會推舉各部幹事以清權限而專責成相應通知屬期務望駕臨爲荷此頌

台綏

本會啓十二月三十一日

### 第七次開職員會

#### 會場記事

六年一月二日下午二時在本事務所開職員會到會者十八人會長陳君興亞主席略謂各股幹事宜另正式推舉以專責成惟今日到會人數無多被推舉之人果才當其任雖向未到會亦爲有效當推舉左列諸人

#### 各股主任幹事及幹事列左

文牘股主任 應善以

文牘股幹事 趙中鵠 梁宗拯

李友蘭 徐珮璋

庶務股主任 左魁章

庶務股幹事 周志中 范成珩

陳紹蕃 楊榮春

會計股主任 楊乃庶

第八款 本會審爭之進行

會計股幹事 周志中 左魁章

陳紹蕃

交際股主任 梁宗拯

交際股幹事 鮑貴卿 李友蘭 富元 王步瀛

莫德惠 吳景瀛 應善以 孫耀祖

秦廣禮 齊大昌 劉先民

劉愛賢 張化南 薛永來

李潤民 初兆聲 松毓

程海峰 徐振開 趙中鶴

王蔭棠 呂瀛寰 高崑

正評議長

趙中鶴

副評議長 初鶴昇 高崑

推舉畢主席陳君興亞又謂前開大會鄙人承同鄉諸君錯愛舉爲正會長自度才單力微不堪勝任擬  
即時謝辭因彼時會員已散未能如願今幸開職員會故當衆謝辭另舉賢能負擔重任云云全體職員  
以會長辭職認爲無效仍請會長將提出各案交評議部討論表決可也

一討論襲李請赴奉川資事本會能否承認請評議員諸公表決應善以動議據襲李二君赴奉天川資

本會能否承認尙難即時表決祇問與李彼時赴奉本會是否成立與李二君赴奉是否經本會推舉如非本會推舉請發川資碍難承認况聞彼二君赴奉係經議員團推舉又經議員捐款若干以作路費究竟有無其事容日後再議云云(多數贊成)

一 報告副會長宋小濂辭職事附議辦法

全體職員以宋君辭職是手續上之作用應函懇切敦促請其就職并推會員數人前往勸駕宋君當然無辭職之餘地矣(多數贊成)

一 討論日人要求條款及四年中日條約解說事

全體職員以此項解說用個人名義印刷若干與本會無涉方爲適當云云(多數贊成)

一作募捐啓事

公推趙君中鶴起草

時至七時畢會

募捐公啓

敬啓者竊聞共和政治以人民爲主體而人民之保障尤以主權爲要素我關外三省主權之被攫奪者已匪伊朝夕矣五月七日之外交失敗三省人民已如割去心肝未幾突有遼源交涉之發生八項要求之提出就中最酷烈者惟第四條南滿及東部內蒙設立警察第五條南滿及東部內蒙凡軍事上計畫須聘日人爲顧問此兩條件直欲攘奪我主權占領我土地奴隸我父老兄弟妻妾我婦女姊妹我三省

人民棟亡國之慘禍憤異族之強梁奔走呼號集會協議各舉代表與三省各界旅京人士相磋商在東三省會館內設立東三省公民會事務所請願上書與各外交富道及參衆兩院略謂軍警大權誓死不能承認並加入全國公民大會以期擴張實力一致反抗復於去歲十二月三十一號開全體大會選舉正副會長並公推各部主任幹事提綱縵領積極進行然長袖善舞多錢善賈太史公之名言經商家奉爲圭臬無論何種團體欲謀共同之利益冀得圓滿之結果亦非經濟充裕決不能左宜右有呈蒸蒸日上蔚蔚之觀矧國民外交作政府之後盾主權所在關係存亡事體何等重大會務亦實殷繁若經費支絀雖有熱心殺刀頑豎宏圖只如泡影曇花旋生旋滅本會同人等有鑒於前不敢謂毀家濟難慕楚令尹之高風亦願學衛國輸賞作卜大夫之義舉在資斧豐裕者踴躍急公固多多而益善卽橐篋儉約者勵強好義雖芟芟亦何傷所望鄉閭碩德先作典型桑梓名流首爲提倡庶衆手擎天屹立遼東砥柱雄心貫日啓發關外明星是問願也期共勉之否則崑崗火起猶爲隔岸之觀剝地風來弗作切膚之痛瓦上隨他間情莫問門前白掃故我依然是則險惡萬分危亡立見佇看南滿東蒙地圖變色凡茲神明華胄父母謂他白頭宮女將談天寶而不能黔首黎民欲尋桃源而何有傷心人身家寥落亡國奴滋味淒涼同歸于盡末加之何與言及此而不拔劍斫地氣吞雲夢者則人心凋敝國真不成其爲國矣三省素多達人定能先知先覺卽非三省人苟能抱同舟勦念者亦望相助相扶同人等因情之迫故不覺言之激也區區苦哀願諒之宥之尤願三省人士或非三省而與三省有關係者集腋成裘助襄而贊助之倘蒙慨諸請將認捐數目先期函示嗣將捐款繳齊再由本會發給收據以昭信守冠深矣可奈何專茲敬佈用

作哀鳴謹致

鄉先生公鑒

本會啓一月十日

宋小濂來函

東三省公民會公鑒昨奉

公函舉小濂爲副會長以同鄉公誼論之本應盡此義務且以不才而叨選舉尤覺益譽增榮所恨者以久病之軀力弱神疲實不能襄助一二所以屢次開會未獲躬赴者職是之故務懇在會諸君曲予原諒銷去副會長名義小濂切不敢膺以致貽誤爲此答覆聲明諸希鑒察

宋小濂復具一月二日

再致宋小濂函

敬覆者頃誦瑤箋領悉種切但執事爲關外德星衆人景仰矧經選舉尤徵公道是於情於義均不容辭執事如以貴恙推諉古人尙有臥治高風無須時常蒞會只借重季布一諾而本會同人自有所適從今日(一月二號)午後二時復經職員會議決副會長一席仍希曲就爲感謹覆

鐵某先生偉鑒

本會啓一月三日

宋小濂來函

敬覆者頃奉書重承推挹感之以情責之以義本應卽遵

台命奈襄病侵尋實不欲再親世事同鄉中德隆望重者尙不乏人儘可另行選舉弟實不敢膺此任也

區區之意務乞鑒原望勿

再施爲幸此請

東三省公民會公安

宋小濂覆啓一月三日

三致宋小濂書

敬復者青島飛來惠書領悉

執事一再辭職同人等悵悵殊深竊維遼東碩望寥若晨星况于茲危局一髮千鈞惟賴三三老成中流砥柱否則黑水白山地圖變色揆匹夫有責之義尤不容一再堅辭敬修短束權代束脩望

執事莫負鄉人士之信仰也此復

鐵眉先生大鑒

本會啓一月五日

宋小濂來函

衰病不欲多涉世事前兩書已陳明抑小濂尤有進者少年廢學老而無成欲是時閉戶讀書以圖晚學此意昨向應梁初三君一併詳言諒已代達茲復奉

書責勉愧負實深然士各有志豈能相強即三君昨日所言名譽會長亦實不願當此名義併請作罷但事繫三省安危無論在會與否皆有應盡之義務如有相需之處必當協贊決不推却區區之心尙乞鑒諒萬無再施爲幸覆請

東三省公民會公鑒

宋小濂頓首一月九日

六年一月七日日本會代表左魁章周志中應善以趙中鶴等赴外交部探詢交涉消息詎總長欠安參事公出未獲確耗而返

### 致各職員開會函

敬啓者訂於本月八日在本事務所開全體職員會議商要事屆祈駕臨是幸此頌  
公綏

本會啓一月六日

### 第八次職員會議

#### 會場記事

一月八日下午四時在本事務所開全體職員會到會者二十一人會長陳興亞主席報告開會宗旨及提出討論之條件如左

一 報告迪化張家口雲南奉天省議會各處之來電及本會募捐公啓之脫稿

一本會前選之副會長宋君小濂因病屢向本會辭職一再函留並專員往勸均無允意自應准其辭職當由候補會長繼之查候補副會長應善以二十六票左魁章二十二票按票數多者應以應善以補之應君善以起而發言略謂本會爲東三省公民會會長一席本應三省各有一人奈江省當選無人吉省宋君現又辭職現在正副會長均係奉天人若再以奉天人補任不純係奉天公民會乎鄙人對於副會長一席甘願讓之左君魁章繼任庶於本會前途頗有裨益云云

多數贊成左星五君繼任副會長

第八款 本會當爭之進行

一本會常川職員車膳費及願員工食費提議職員每月每人津貼膳費十二元車費十二元但以無職俸人員爲限雇川書記每人每月膳費十二元工資十元夫役給工食費洋八元（衆贊成）時至七時閉會

致報界同志會函

敬啓者敝會爲遼源交涉而設各省對於交涉之電報日接數起今特將電稿謄寫逐日送上望同志諸先生額外分神分發各報社擇欄登載不勝感謝之至此頌

報界（同志會俱樂部）

公祺

本會啟一月八日

致吉林公民會函

吉林公民會公鑒敬啓者頃聞 貴代表云

貴省有人謂本會爲第四次革命之預備欲將貴會解散此等語言顯係捏造本會之成立原以擁護國家促進外交爲宗旨何事概不參與如

執事等不以本會名義招搖生事無論何人不得違法干涉外交情急亟望努力前進勿爲阻却是爲至幸謹此頌頌

公祺

本會啟一月九日

致東三省督軍省長電

奉吉黑三省督軍省長鑒本會專爲爭遼源交涉而設毫不干與他事倘有假本會名義爲他種行動者概不負責特此聲明北京東三省公民會員

### 再討捐款函

敬啓者前函諒邀

清閱迄今未獲覆命盼盼故特重修彙箋再申前議請將台端捐款如數早爲擲下是爲至禱此致

某某先生公鑒

本會啓一月十日

一月十日日本會代表李友蘭應善以齊大昌等到外交部伍參事接見略謂一月五日日使面交口述書三件內軍事顧問及教習兩項總望中國聘用日人爲宜是爲希望條件惟此事關貴國軍政帝國政府未便相強應由貴國政府任意斟酌可也至派駐帝國警察官之事究竟關係治外法權當然之措置而毫無侵害中國主權之處薪資兩國官民關係之良好貢獻發展經濟之關係者必不可少是帝國政府確信中國政府必表同意無疑倘或中國躊躇不表同情彼時帝國按必要而實行之是出於不得已也云云總長擬提出國務會議俟議決後再爲答覆望諸君稍安勿燥對於喪失主權處總長萬不敢爲云云

### 陳興亞來函

現據李君友蘭言往見外交當局近日交涉尤形危急亟應籌最後對待之策請將此案提交評議部開

評議會討論此致

評議長

陳興亞頓首

陳興亞來函

交涉危急業經請開評議會討論矣前函之所謂最後對待之策者即前開大會議決之維持國貨（排貨）之件當謀進行也且可否舉人回奉以穩僱手腕運動各縣組織公民會以壯聲勢亦應一併交議此致

評議會

陳興亞頓首一月十日

致開評議會函

敬啓者茲因交涉危極亟宜籌一對待方策特訂於本月十一日下午四時在事務所開評議會屆期務望撥冗惠臨是禱此致

某某先生公鑒

本會啓一月十日

第九次評議會

會場記事

一月十一日下午四時在本事務所開評議會職員到會者十七人評議長趙中鶴主席報告開會宗旨及討論進行方法提出條件如左請付表決

一維持國貨即抵制外貨唯一之目的請公同討論可否實行

李君友蘭主張維持國貨字樣莫若改用抵制日貨字樣似較明瞭以易於其省云云（衆贊成）

二可否推舉代表赴津滬甯奉吉黑各處聯絡商團提倡排貨

秦君廣禮發言既擬排貨即宜舉代表分頭進行富無異議云云附公推各處代表如左

奉天 王蔭棠 富元

吉林 梁宗拯 莫德惠

黑龍江 鍾琳

津滬甯 秦廣禮 李有忱

三可否由本會推舉代表二人到全國商會聯合會與各會員接洽聯絡一致進行(衆贊成)當公推代

表如左

應善以 李任民

四本會排斥日貨事既張明旗鼓即宜將抵制日貨之宣言書刷印若干以示鼓吹(多數贊成)

五奉天代表川資每人擬五十元吉林每人擬六十元黑龍江每人擬七十元津滬甯擬五百元(衆贊

成)時至七時散會

致秦李二君函

敬啟者本會昨開評議會表決舉代表赴津滬甯各處聯絡商團抵制日貨即時舉定秦廣禮李有忱二君特請明日下午五時 駕臨事務所商酌一切進行辦法望勿沮是荷此致

兩先生偉鑒

本會啓一月十二日

李有忱秦廣禮來函

敬啟者前經

大會推舉忱禮等赴津滬等處請求交涉之援助當以事關桑梓存亡未敢辭却但此事現欲舉行則遲不如早以現下日本國會內民黨議員指其政府對華之非策正大施攻擊我如有所舉動該民黨援爲口實伊國政府或將因此稍變其方針豈非我三省天外飛來之大幸凡屬兩造對待之事有備則無患季文子曰備而不用何害用而不備實難偷我所謀畫者皆辦到以後而彼邦實行與我親善則立即解散又有何難如彼邦全係虛言則我已先行抵制正可免墮其術中故無論何事不可默等也此頌

公綏

李有忱

秦廣禮

仝啓

一月十六日本會代表李友蘭應善以齊大昌等至外交部接會伍參事據云前經國務會議後即爲答覆其答覆書內略外貴國所請軍事顧問一節奉天督軍署已請有其人矣至軍事教授者向由本國人員教授尙無聘用外國人之意思若駐紮警察官於中國領土內究於中國主權之精神上與形式上均有妨礙且於人民方面易生誤會反足爲兩國親善之障礙即以前設置之日亦警請作速撤退所有口述書內開必須設警之理由中國政府確難允認云云至於日本如何答覆尙難逆料云

一月十九日本會代表李友蘭劉先民呂瀛寰等到外交部探詢交涉情形伍參事接見略謂中國對日之答覆書咨送已一禮拜矣而日人並未見有何等表示抑日人已默認亦未可知然無論如何於喪土

失權處總長決不見認云

致奉天張督軍電

奉天督軍轉省議會教育會農工商各會鑒本會代表王蔭棠富元回奉報告交涉情形并磋商辦法請接洽是荷北京東三省公民會電刷

致吉林各機關電

吉林督軍省長轉省議會教育農工商各會鑒本會代表梁宗拯莫德惠等回吉報告交涉情形并磋商辦法請接洽北京東三省公民會電

致哈爾濱商務會函

敬啓者敝會爲遼源交涉案設法抵禦特舉莫德惠鍾琳二君到

貴會報告交涉經過情形及抵制進行之手續萬望接洽是禱此致

哈爾濱商務會公鑒

本會啓一月十二日

仇玉珽來函

公民會諸先生偉鑒適奉 諭示藉聆

雅教鄙人之捐款二十金早交於李香齋手求其代呈當日李惠周翁文卿郇敬如一時併交均已座鄙人早向楊子襄君聲明懇代爲查核轉致一切併乞收賬爲盼合併聲明此覆恭賀

年禧統希

亮警

鄉小弟仇玉珽啓

致江蘇齊省長函

省長鄉先生亮鑒敬啓者遼源交涉肇岬紀實並夏詔庭貽誤印刷五萬本分布全國尊處諒早收到矣目下我三省人民洞悉警察權爲滅國滅種之利器若允許之三省人民嗣後卽無唯類爰動公憤紛紛集會各舉代表到京與旅京各界人士組織東三省公民會事務所又加入全國公民團體中向我外交各當道上書請願略謂警察顧問教授等權誓死不能承認近聞日人於警察權用恫嚇手段欲自由行動本會同人等聽聞之下憤恨交加擬於日人先斷絕貿易關係使伊經濟上稍受痛苦末後五分鐘已下決心寧作沙場鬼不當亡國奴

執事誼切同仇素明大義望騰懷桑梓木鐸先聲與副總統磋商協力贊助迅電敦促政府嚴重交涉勿蹈從前因循敷衍之舊轍三省幸甚全國幸甚肅此即頌

政綏統希

亮察不備

本會啓一月十二日

致賓圖王函

賓圖王亮鑒敬啓者日本欲在南滿東蒙等處設立警察我東蒙南滿土地人民全恃警察爲保謫若警察歸於日人東蒙南滿之人民皆爲外人之奴隸便成第二高麗是以三省人民各舉代表在北京設立東三省公民大會警察權一項誓死不能承認民國五族共和

會王亦在其中望聯絡各旗多多加入敵會庶勢力增加一致反抗彼日人未必不望而却步此頌  
編綏統希

啓照

本會啟一月十三日

致奉天張督軍函

督軍麾下鈞鑒敬肅者北京東三省公民會之組織純粹爲對外作用其中絲毫不含政治臭味亦絕對無黨派兢爭先前襲李兩議員回奉係議員等選舉彼時公民會尙未成立會員中多有不知其事者詎誤會由此而生謠言亦由此而造近因外交危險警察權一項日人持強硬態度幾欲行動自由伏思警察爲人民之保障卽爲土地之屏藩一切政治均附屬於其中此權若歸日人掌握我三省人民將無類矣人民離散土地卽隨之淪亡第二個高麗寔不免矣佇看南滿東蒙地圖變色凡我神明華胃父母謂他白頭宮女將談天寶而不能黔首黎民欲覓桃源而何有傷心人家家寨落亡國奴滋味淒涼同歸於盡末如之何同人等輿言及此涕泗橫流竊幸我督軍生長斯鄉眷懷茲土與一般釣游之侶桑梓之情有密切之關係非若秦人視越人之肥瘠膜然無所動於中也漢祖歌風偏親豐沛張良受爵獨念陳留蓋歲時伏臘鄉親之風味經綿任卹睦鄰土著之恩情深厚况我

督軍縮握兵符兼操民政文潞國之英風華夷信仰周亞夫之細柳遐邇震驚偷能化除誤會罔問流言伴作不知默爲補助本會務選老成持重穩健明練之人用鎮靜手腕使公民會由省而縣由縣而鄉如霞蔚雲蒸呵成一氣俾日人見之知我民氣發皇雖在彼範圍之內却不露暴烈之形將軍欲以巧勝人

盤馬彎弓故不發日人雖狡詐萬端未必不動其反省况日人之手腕敏滑若視我民氣深沉渾浩不似從前之熱度僅五分鐘定然望之而却步外人欲奴隸我必我有可奴隸者人方從而奴隸之詩云兄弟閱十牆外禦其侮諺云打虎須要親兄弟上陣須要父子兵試思此何時也此何事也我故鄉之父子兄弟猶骨肉自殘而不急速禦侮則炎昆岡玉石俱焚大難當前何人能免老子云兩軍相遇哀者勝矣日人欺我太甚欺敵者必敗我怕日人亦太甚怕人者必哀哀則激之自勇有死之心無生之望故老子云哀者勝矣彼即借詞以責我督軍我督軍可故作壓制以表示之通權達變因應之妙在乎臨時而其根本尤在上一心無疑無忌無隔閡鑿而不舍金石能開三人同心足取天下我督軍爲同鄉造福爲萬家生佛只在此朝一決心而已同鄉等亦必默體督軍所處之位置所遇之艱難絕不肯爲督軍惹出意外之風波使督軍一世英名因此墮落也紙短情長殊難罄述肅此頌頌

軍社餘希

亮察不備

本會啓一月十三日

致袁金鎧王永江王維宙諸先生函

逕啓者遼源交涉日見危迫對待方法急宜籌備仍若持以冷靜態度外交無援朝鮮之續將不遠矣同人等有鑒於此遂在京組織東三省公民會推定代表向政府爭執拍電全國一致進行對於日人要求警察權及軍事顧問教授等權誓死不能承認此種作爲已電本省憲

先生必早洞覽矣夫警察及軍事顧問何物也非我之主權乎試問我之主權爲他人奪攘我之身家性

命財產又安在哉同人等屢謁外交當局對於警察廳兩項無論如何概不退讓寧使其自由行動亦萬無承認之理我國勢兵力均不足以對外僅有民氣庶可爲外交後盾然民氣之張大猶必賴有力者之提倡若

先生身處要津位列當軸稍一號召勢力即可雄厚如以身負政責恐于藉口亦可暗爲協助明爲禁止將來民氣澎湃交涉勝利未始非

先生之力也當此國家顛險一髮千鈞萬勿徒事客氣坐視危亡此則東省三千萬人民所厚望焉況吉黑兩省公民團體組織多時對於交涉爭執之函電日接數起獨我奉天痛及切膚者仍漠然無關亦未免知覺不靈矣情關痛切信筆直書

先生達人絕不以我言爲怪仍祈面懇督軍力爲提倡公民大會並盡力抵制日貨使其稍有損失庶交涉前途有轉圜之一日也現已舉代表王澤南富惠軒二君返奉望祈接洽並懇協助進行不勝翹企之至書不盡言淚隨筆下此致

公綏並希

督照不備

本會啓一月十五日

陳興亞來函

東三省公民會諸位卿先生鑒本會呈警廳立案事當然由會長出名本無討論之必要惟以亞之身分係政府中人又係現職軍人有此兩層關係似不能不預作審慎以免生出枝節蓋日人論調有本會係

政府唆使成立者倘查出會長確是政府中人一旦向我政府詰責恐政府無法推卸此在對外一方面恐與本會大局有碍者一亞係憲兵營長官與京師警察廳爲同等機關平素因公衝突之事時所恒有若因此以報宿嫌縱宗旨已改而內容確係爭交涉之事何人不知倘假軍人不能加入政治結社集會之名以批駁我立案之請亦意中事況爭交涉之舉終不能脫於外交政治範圍縱予批駁亦不爲違法否則他人出名只要無妨害治安敗壞風俗之舉動萬無不批准之理此因亞個人方面恐與本會立案事有碍者又其一此等關係想稍達事理者當能見及是以函請我

鄉先生諸公大家如以爲必須亞出名則亞亦毫無顧惜之處但因此而生出本會進行之障礙將如之何此實不能不顧慮者也然正會長既不能出名似不必再尸其位惟有辭去會長頭銜方爲正當不然既不露名將何以負責

鄉先生當能諒之亞自交涉之起以至本會成立前後提倡進行未嘗少懈愛國愛鄉之心亦不落他人後縱卸會長之責仍居職員之末照常辦事決不退縮不必當會長始能辦事也至於以何人出名或以副會長出名之處惟在本會職員會員共同討論之可也專此頌頌公綏諸維

亮照不宣

陳興亞啓一月十六日

答覆陳會長函

先生大鑒敬肅者頃接

來函爲辭却會長一席業於今日下午五時開評議會討論經衆職員表決會長一席仍推戴

執事担任望勿堅辭致負同鄉之信仰也此覆

本會啓一月十九日

### 致各報社登載遼南特別慘聞

奉天遼陽縣南鄉素稱膏腴之區去年十一月間突有山東人馬冠軍帶領日人到前立山屯傳集居民租賃房間出地未經應允觸彼之怒不數日即有日人多名聲稱係鞍山站鐵礦無限公司特派之員當將前後立山屯東西馬圈子四屯周圍押旗埋樁所有界內之地全行圍佔南北十餘里東西八里統計平地一萬餘畝內有古墓二百五十餘處葬於官山者尙在不計之列勒令賣與該公司爲營業之用邀集村正立契畫押該四屯居民哭啼無措赴縣呈請以祖宗坟墓所在二百餘年枯骨與土化而爲一遷無可遷棄之不忍且民等均以力田爲業視土地爲生命今被該公司強行圍佔逼勒出賣無路生活懇求保護照約立爭不意縣監督竟爲日人趨使亦諭令出賣居民未允乃屢次派兵下屯傳喚勒令立契各業主面懇監督誓死不能承認更以既被日人強佔萬性退出不如認可尙可得價等語威脅前有參議院議員聞知函詢該監督竟以業主願賣僅有村正阻撓等情答覆刻下日人徧屯埋樁索買竟有無賴出名不論何人之房地即敢立契攔戶似此暗無天日農民何辜遭此慘禍謹請登諸報端乞我同胞高見設法援溺爲感

本會啓一月十九日

### 致吉林督軍函

吉林督軍麾下鈞鑒敬肅者北京東三省公民會之組織純粹爲對外作用其中絲毫不含政治意味亦絕對無黨派競爭只爲軍警大權爲人民之保障即爲土地之屏藩一切政治均附屬其間此權若歸日

人掌握三省人民將無噍類朝鮮第二實不免矣佇看南蒙東滿地圖變色凡我神明華胃父母謂他白頭宮女將談天寶而不能黔首黎民欲覓桃源而何有傷心人身家零落亡國奴滋味淒涼同歸於盡末如之何公民等與言及此涕泗橫流竊幸

督軍久宦斯鄉眷懷茲土與三省痛癢有密切之關係文略國之英風華夷信仰周亞夫之細柳遐邇震驚偷能化除隔閡間流言佯作不知默爲補助本會特選老成持重穩健明練之代表用鎮靜手腕使公民會如霞蔚雲蒸俾日人見之知我民氣發皇未必不望而却步詩云兄弟鬩於牆外禦其侮試思此何等時也何等事也猶骨肉自殘而不急速禦侮耶

督軍爲東省造福爲萬家生佛只在此朝一坐鎮而已公民等亦必默體

督軍所處之地位所遇之艱難絕不肯惹出意外之交涉致

督軍棘手也肅此頌頌

鈞綏

本會啓一月二十日

致吉林督軍函

樹村督軍偉鑒查遼源交涉發生以來風聞駐長日人對於我吉軍隊非常注意並查知陸軍馬步砲隊若干營及分駐地點軍火儲存之多寡各軍隊上級官員之姓名詳細調查繕冊報告該國政府居心狠毒由此可見微論事之有無千乞嚴加提防勿使日本探明我軍內容是所至盼至此次交涉已開第五次談判伍外交總長主持甚堅對於警察軍事顧問兩項因有關主權已嚴詞拒絕日本亦無他種答覆

謹此順頌

鈞安

覆吉林省公民會函

本會啓一月二十二日

敬覆者項讀來函激昂慷慨一致決心主權所在抵死否認尤懲愛國熱忱蓬勃積一日千里敝會同人等非常欽佩外交近息據伍總長令嗣伍梯雲先生向敝會交際幹事報告及出席衆議院答覆該院質問均云軍事顧問及教授兩項日人認爲希望條件歸我政府自由聘用至警察權一項外交當局已用書面否決堅不承認至今一星期有餘尙未接到日本公使回文據伍君梯雲意謂伊之答覆愈遲其中或有轉機俟再探有何種消息務函報

貴會以便預作準備知關厘系特此敬復並郵上遼源交涉紀實夏詒靈貽誤各貳百本並章程一份希即查收爲荷此覆

吉林(公民大會團體聯合會)公鑒

本會啓一月二十四日

戰雲霧等來函

逕啓者查

貴會經過事實黑龍江一部份似無平等之資格文璞等自知德薄未便強爲攀附特此聲明脫離關係  
順頌

日祉

田美峰

金德馨

王文璞

陳興亞來函

敬啓者昨奉

函示祇悉壹是亞之所以辭職者非有他意爲立案不出名故也今公意既不准辭必須將出名之事先行解決倘出名之事不生問題則將告結局之會務亞亦不敢重拂鄉先生等之委託以貽有始無終之誚惟再詳細討論之可也此復

東三省公民會諸鄉先生

陳興亞頓首二十四日

陳興亞來函

敬啓者前以本會立案亞恐於本會大局有碍不能出名因而辭職嗣奉來函復舉代表勸勉堅不准辭亞有何能力荷蒙

鄉先生等如此厚愛實深愧當以爲出名問題解決即不敢有拂衆意等情覆之諒早邀

洞鑒矣迨前日開評議會時復有王君煥然電商以既不出名可暫請短假委託代理亞亦以爲可然事後一經熟思縱請短假滿仍須就職既不能脫去會長之名仍不能不負會長之責與其不能去名不能卸責何如仍完全担任之爲愈况衆意以爲現在交涉已經結束亞縱出名於本會大局似無妨礙於亞個人有害故亦不敢相強殊不知本會之成亞亦實原動一分子函報警署亞亦居發起之列加以前在敵營開會議事至再至三倘有個人利害觀念決不爲此此可証明亞之不出名非爲個人利害關

係確爲本會大局關係也一時過慮亦神經過敏者所不能免今既知於本會無碍則亞之個人利害仍毫無顧慮之處寧犧牲一切亦挺身出名庶不負

鄉先生等始終付託之至意至於會務仍當積極進行惟望

鄉先生大人教之也可此致

東三省公民會諸位鄉先生並請

年禧

陳興亞頓首二十六日

李有忱秦廣禮來函

敬啓者前日評議會討論以目下會中款不充足赴津寧滬旅費先行發給三百元俟捐款交齊再行續爲匯寄等因茲特遣价往取請即將旅費三百元擲下以便治裝趕速起行此請

東三省公民會鑒頌頌

公祺

一月二十六

李有忱

秦廣禮

同啓

致各職員函

敬啓者茲訂於本月二十八日下午二時在本事務所開職員會因赴奉代表回京欲將在奉經過情形當場報告事關重要務望撥冗

第八款 本會奮爭之進行

一百二十七

駕臨爲荷願頌

時綏

本會啓一月二十六日

### 第十次職員會

#### 會場記事

一月二十八日下午二時在本事務所開會職員到會十六人副會長左魁章主席報告開會宗旨并請赴奉代表出席報告

赴奉代表王君蔭棠報告略謂到奉頗蒙張督軍歡迎所囑各事張督亦均允認惟排貨一事以奉省情形碍難進行云云

副會長李君有忱報告略謂外交委員伍朝樞到國會報告除警察權嚴詞拒絕軍事顧問教授我國自由聘用外其餘五項一律承認云云

主席報告正會長陳君與亞來函以出名立案既與本會進行無碍甘願犧牲一切挺身出名奏橫廣禮云既會長肯犧牲一切則辭職之

事自無研究之餘地云云

主席復報告交涉既告終本會是否繼續尙須解決

秦君廣禮謂本會進止須大會解決惟此次交涉雖告終結而對於東省日人已設立之警察尙未全行撤消仍須研究進行云云

陳君興亞謂本會爲遼源交涉而立今交涉既了結而本會斷無存在之理若三省再發生他項交涉另行召集亦無不可

秦廣禮謂此次交涉雖表面上解決而警察權一項究未退讓既未達到本會目的而本會斷無解散之理況抵制日貨一項三省既不能行而於他處施行亦可若因政府片言報告而本會即行解散未免可惜云云

陳君興亞云秦君意見非職員會所能解決只可開大會再行討論云云

主席云交涉既了結本職員會可否認爲此次交涉終了請表決（衆贊成不終了）

秦君廣禮謂抵制日貨可否接續進行

李君有忱謂本會終了與抵制日貨等件尙須大會研究解決

主席報告江省會員王文璞等來函因資格不平等欲與本會脫離關係秦廣禮謂本會進行一切同舟共濟並無資格之可言衆議公推高崑君赴來函諸君處解說並請於開大會時務必到會以解誤會

（衆贊成）

一主席云此項交涉解決宜通電三省王澤南君謂分別函電通知（衆贊成）

一主席云明日可否赴外交部質問交涉解決情形趙君中鵠云可赴部接洽一切（衆贊成）

一主席云捐款多數未交可催否（衆議宜催）

時至七時半畢會

復王文璞諸君聲明脫離關係函

敬復者前准

貴會員諸公來函內開本會經過事實對貴省似無平等資格貴會員諸公聲明脫離本會關係等語查本會自成立以來純以鄭家屯交涉同舟共濟爲宗旨毫無畛域可言昨經職員會表決無論如何應請諸公破除隔閡照常到會并請討論一切進行方法又推高君景韶面懇

諸公萬勿脫離等情況本會係東三省旅京公民會凡三省人士對於本會皆有維持之義務並有發言建議之權利尙有偏議當受詰責

諸君明達諒必鑒宥本月三十日下午二時在事務所開會屆時務望撥冗

惠臨以賜

鴻教不勝翹企之至泐復

請鄉先生均鑒

本會啓一月二十九日

一月二十九日本會代表人李友蘭劉先民呂瀛寰等到外交部由伍參事接見代表等謂此次交涉雖未得圓滿結果亦可差強人意敝會代表等特來拜訪總長並深爲致謝且代表等爲交涉業經解決條約不日互換若日人對於已設之警察尙未全行撤退實與新約不符仍請總長與其嚴重交涉使其全行撤退再敝會擬將歷來中日中俄日英日俄各種條約由貴部取出用白話解釋分布三省人民家諭戶曉藉增外交智識以免日後爭端云云

伍參事極端贊成謂明日檢齊可以送到貴會查收云

### 致各會員開大會函

逕啓者茲訂於本月三十日（星期二）下午六時在本事務所開全體大會報告遼源交涉經過情形並  
討論本會進行各要項務望撥冗

蒞臨是荷此頌

時綏

本會啓一月二十八日

### 致外右二區三分駐所函

逕啓者敝會訂於本月三十日下午六時在本事務所開全體大會理合預先聲明以備查照施行此致  
外右二區三分駐所

本會啓一月二十八日

### 第十一次 開會

#### 會場記事

一月三十日下午六時在本會事務所開會員全體大會報告交涉解決情形及應行討論事宜會長陳  
興亞主席報告本月二十九日本會代表到外交部得悉交涉業經解決特將經過情形報告於諸同鄉  
此次交涉最輕微之條件如申飭軍官道歉給卹等項於無傷我國家體面之程度量爲承認軍事顧問  
及教授兩項我外交部以軍事所關堅不承認日本已允認我國之自由處置未便相強最難解決者即  
警察一項日本最重要之目的在此我國絕難承認者亦在此數次談判均無結果最後我國之書面答

覆仍以主權所關嚴詞拒絕日本於一星期後始來退步之照會此案交涉即告解決尙未損於主權本會不枉奮爭一番惟本會爲遼源交涉而發生交涉既終本會命運問題尙有研究之必要并抵制日貨一層應否繼續進行均須大會之議決云云

應君善以謂本會爲遼源交涉而成立是則交涉事件爲本會存在之條件交涉一了本會已失其存在之前提自無存在之根據應即解散云云

李君有忱謂本會爲東三省同鄉之特別一種大會即無此番之交涉亦應組織相同或類似之一種大會以聯絡三省同鄉之感情不過無所假借憑空發起頗難號召一切幸有此番交涉費許多之精神勞力始告成功驟然解散未免可惜應繼續辦理云云

楊君乃庶謂東三省既有會館又常召集同鄉會本爲聯絡感情之永久機關則因特別事故而發生之臨時駢技機關亦無永久存在之必要不如即時解散云云

秦君廣禮謂同鄉會以聯絡鄉誼爲其本來之宗旨本會不第聯絡鄉誼且可辦理其他公益事宜與同鄉會並存亦無妨害云云

楊君乃庶謂本會如不解散勢必有一切花銷以有用之金錢鉅費於無所事事之機關未免不值應即解散云云

秦君廣禮又謂公民大會乃民族之集合爲謀公共利益之機關與同鄉會之徒爲聯絡感情者相去不可以道里計既爲謀公共利益則凡東三省所有之公共事業悉待此機關之設施固不必專以交涉

爲限自不庸以交涉事件爲本會命運之要件也仍以不解散爲宜云云

會長謂本會組織以交涉爲其原因而本會之存在正不必以交涉事件爲要件何以故公民會者係由公民之團結而辦理各種公益事業者也東三省公益事業待舉者甚夥而本會之責任又奚可以此時爲畢盡也由此說來本會尙有存在之價值雖然公益事業有非今日所能施行者若依舊繼續而無所事事不第金錢虛擲且亦毫無意味由此觀之本會亦無繼續之必要擬一折衷辦法不解散亦不繼續暫行閉會以結此局既未解散異日有事一呼即可開會又不繼續亦無虛耗經費之虞未知諸君以爲何如（衆贊成）

本會存否問題既解決而排貨問題之討論亦衆議紛紜

應君善以謂鄰國最講親善本不宜排貨致生惡感奈日人貪狼強力不可以理喻我國兵微財絀又不能以力征抵制之法除經濟方面外別無妙計日貨之運入中國幾爲其全國生計之源一經抵制立感痛苦痛苦愈大返省愈速庶可化其貪心而不敢欺凌中國也故非繼續抵制不可

陳君瀛洲謂弱國對於強國有理尙不能致勝當此列國通商之時而以排貨相號召日人更有所藉口豈非自取失敗之道前者交涉未終中日交惡藉此以惹起該國民之恐慌冀促其政府之退讓未始不可今何時乎此舉似不可行云云

李君有忱謂中國政府素以媚外自誤故交涉著著失敗我國民若亦以媚外爲懷則國家愈難獨立抵制日貨一層實爲對待日本之最好政策我國民應堅執到底日本無計生活不戰自降至於我國不

買日貨乃自由意思日本雖強亦斷不敢以兵力來迫之非繼續排貨赴津滬甯各處聯絡不足以制其死命也云云

會長謂排貨固爲對日之最妙計策然張明旗鼓號召於全國亦於國交有碍若任其暢銷勢必金錢爲其搜盡國貨不能振興殊非提倡實業整理金融之道擬以提倡國貨爲名隱行排斥日貨之計各種貨物均用土產除本國所未有者外即不購用日貨我同鄉苟默運決心兼持戮力父兄告之子弟夫男告之婦女學師告之弟子主人告之僕從人人有提倡國貨之觀念即人人有一抵制日貨之決心隱而不顯微而不著久之日貨運滯日人即受無形之損害總之此舉惟在我同鄉有無雪恥復仇之決心正不必日日以排貨爲口頭禪也至於赴津滬甯各處聯絡前已推定代表之人惟外間謠言四起有指本會爲某黨之機關者再赴各處號召難保無假本會名義以行其私者則本會以正大光明而開始恐不免以鬼崇告終矣其非本會所樂爲居今之時排貨既取無形主義則代表赴津等處亦應作罷云云（衆贊成）

時至十一時宣告散會

伍朝樞來函

逕啓者昨日獲晤

貴會代表暢談甚快所需之件奉上

鄭家屯案交涉始末五本

鄭家屯案中日交涉來往文件五本

民國三年中日聲明文件一本

民國四年中俄蒙協約一本

民國四年中日交涉始末一本

至前清全朝條約請由

貴會敬函本部文書科購買可也此項

日祺

伍朝樞上一月三十一日

致三省督軍省長電

奉吉黑三省督軍省長省議會轉公民教育農工商會均鑒遼源交涉案昨據外交當局在國會報告除警察嚴辭拒絕陸軍顧問教授我國任意聘用外其餘五項一律承認埋合電聞東三省公民會電

致職員函

敬啓者茲訂於本月五日(星期一)在下午六時在本會事務所開評議會磋商要事務望  
早臨爲荷此頌

公綏

本會啓二月三日

第十二次開職員會

會場記事

第八款 本會奮爭之進行

二月五日下午六時在本會事務所開評議會由會長陳興亞主席謂交涉既經解決可否用本會名義致電全國再本會一切事宜應即收束各部幹事各有專責職內之事應如何著手收束均在應行討論之列今日即從事於此等事件之研究云云

應君善以謂本會前曾致電各省懇電協爭此時不能不以交涉解決情形致電全國（衆贊成）

楊君乃庚謂文牘部應將往來文件彙齊保存對外應致之函即作速辦妥會計部應將收支款項核算清楚庶務部應將本會各種器具檢點清楚以便寄存於會館至與舖商交際諸事宜速清理云云（衆贊成）

閉主席又謂本會既著手將東三省各公民分會應否通電告一致閉會收束

楊君乃庚謂本會與各公民分會係總部與各部之關係成立既由共同閉會亦應一致應即通告結束會（衆贊成）

時將九鐘宣告散會

致各省公電

各省督軍省長各都統鎮守使鈞鑒自遼瀋交涉發生以來日人以嚴苛條件迫我承認數月遷延屢瀕危險倣會棟國亡之無日禍至之無時冒險崛起奔走呼號期以民氣之蓬勃作壇坫之憑藉伸弱國之公理折強鄰之野心幸各省同舟共濟一致協爭外部民意是遑嚴詞固拒貪狼強力之倭人亦知衆怒之未可犯民氣之不可侮歛迹收鋒見幾退讓關於警權及軍事顧問教授等條件既不敢強爲要求而

懲戒軍官道歉給卹等條件我國亦量爲承認我國承認條件履行後日本即撤退駐遼之軍警互換公文雙方簽字數月來咄咄逼人之交涉至此告一結束雖未完全獲勝亦未損於主權三省公民之幸亦全國同胞之福知關廛念特此電問

北京東三省公民會叩蒸

致東三省各公民分會電

奉吉黑各公民分會公鑒遼源交涉業已解決本會目的完全達到刻已著手收束貴會宜取一致暫行閉會

北京東三省公民會叩蒸

致海倫公民會電

海倫公民會鑒電悉交涉解決京會收束貴會宜取一致省長處另電釋疑請勿慮叩魚

北京東三省公民會

吉林公民會來函

敬啓者現聞各處報載遼源交涉已就結束但未得

大會函報不便率行通函各會特此請將交涉始末詳晰錄復以便轉知吉省各縣分會事關國交結局諒不憚煩也專此馳請敬祝

公祈

吉林公民會啓

復吉林公民會函

敬覆者茲接瑣函藉悉種切所謂遼源交涉案解決情形

第八款 本會奮爭之進行

貴會尙未詳晰等語不禁駭疑緣前准外交部（二月二十八）宣布鄭家屯案交涉解決即刻分電三省督軍省長省議公民教育農工商會等處倘

貴會未接此項電文請就近向電報局質詢即可知也刻敵會已將遼源案中口交涉往來文件謄寫若干本特送

貴會五本並請代分刷若干敬送教育省議農工商等會不勝翹企之至此復並頌

公綏

本會啓二月七日

梁宗拯來函

同人公鑒頃閱盛京時報喜知遼源交涉日本已將三種無理要求完全讓步未識確否乞便中示知至僕等回吉所辦之事抵省後即招集全體會員報告交涉之近況及回吉之宗旨深爲各界贊成然限於舊歷年關魯云來年定着手實行擬二十八日開會妥商辦法容會議後再報莫君柳忱能否回吉現在就各界所言孟氏對於本會毫無反對意思僕等擬明日上午往督軍署往見孟氏表示本會之宗旨純爲對外作用謂其大力勸助再本會捐款公啟印就否乞從速送至各處如經濟有着不愁本會不發達也臨行倉卒僕等在印刷所印公啓二百份價值幾何望先行墊去日後定行繳還謹此頌頌

公安、

吉林公民代表梁宗拯頓首

梁宗拯來函

同人公鑒前上一箋諒登記室頃閱盛京時報載鄭家屯次交涉解決公文已正式發表我國主權絲毫

未曾損失何勝雀躍于乞將個中詳情便中示知爲盼再僕等回吉已見孟督軍求其極力勸助頗蒙稟承諾本會致渠之函本知已付郵否前函案底稿迄未寄來望隨郵擲下爲荷謹此順頌

公祺

梁宗搢頓首

### 覆梁宗搢函

先生大鑒兩奉手書未覆爲歎交涉案於一月二十九日解決軍事顧問及教授兩條我國以軍事攸關堅未承認日人已允認我國之自由處置警察問題屢經嚴詞拒絕最後始允讓步其餘五項均於國權無關量爲承認兩方簽字互換公文尙未損於主權未始非吾等奔走呼號之力也本會刻已著手收束矣春寒珍重爲祝此覆順頌

台綏

本會啓

### 致職員函

敬啓者茲訂於本月十二日（禮拜六）下午六時在本事務所開評議會要有要事磋商望撥冗

惠臨爲荷此頌

公綏

本會啓二月十一日

### 第十三次開職員會

#### 會場記事

本月十二日下午六時在事務所開評議會會長陳興亞報告二月九日北京中華新報要聞欄內載奉

第八款 本會奮爭之進行

一百二十九

天省公署近據柳河縣知事程亮功呈報略謂該縣樣子喻鎮忽有駐鐵嶺日領事館員拍厚濱地勇二人在鎮租賃房屋招工改築洋式門窗並製駐樣鐵嶺領事館日警所之木牌又催該處華人一名作爲僕役即擬久居此間則其設置警所之舉不問可知此種事宜實係違反約章侵我主權設不即時交涉請其撤退伊日藉端尋衅又演成遼源之慘劇亦應速謀抵制之策云云

應君善以謂日人狼子野心貪婪無己既不得志於遼源復欲種禍於柳縣此而可忍後將曠贖應由本會具情痛陳政府請爲嚴重交涉責其違約令其撤退以杜亂源云云（衆贊成）

時至八時宣告散會

請願書

東三省公民會代表 等呈爲請願事竊維鄭家屯交涉警察一項我政府堅持否認既貫澈始終日政府窺轉遷移亦允爲退讓足徵外交當局之苦心孤詣力保主權至我總統總理居中坐鎮指導有方尤令人欽佩無己代表等方膜拜感謝之不暇詎容再事請求但以日人設警名夫實在切膚之災三省受之疼痛往往因薄物細故未經照會輒行搜索民戶逮捕無辜倒懸拷問或燒之以鐵烙或灌之以洋油堂堂華胃視等猪仔轉轉呻吟死於非命地方官警明知之而不敢過問只得忍恨吞聲埋冤地下此均實在情事並非架虛誣捏以故鄭家屯交涉案起日人要求在內地設立警察三省人士無不談虎變色毛骨悚然呼號奔走拚命力爭有寧爲玉碎不爲瓦全不達到否認目的死不休者大都爲此頃准日本公使六年一月五日之口述書內開南滿洲內地已設有日本警察官駐在所中國地方官事實上業經

承認與之往來交涉等因前來外交部於一月十二日答覆該使口述書略謂於中國領土之內駐紮外國警察無論如何究於中國主權之精神及形式上均有妨碍且於人民方面易生誤會反足爲兩國親善之障礙至現在已設置之日本警察駐在所業由中國政府及地方官迭次抗議並未承認云云此等拒絕詞嚴義正讀之凜然代表等默體此意爲防患未然計不能不繼續請願原非得寸進尺實懲前毖後情事使然蓋日人狡詐多端約條雖立而已設之警察依然存在必謂中國政府所爭者名耳中國人民所爭者亦名耳何妨賜予以退讓之名陰行其設置之實潛滋暗長蔓衍難圖況中日既許雜居從此日僑所到之處即日警所擅設之處近如北京中華新報二月九日要聞欄內所載奉天省公署近據柳河縣知事程亮功呈報略謂縣屬樣子哨鎮忽有駐鐵嶺日領事館員拍原濱地另二人在鎮租賃房屋招工改築洋式門窗並製駐樣鐵嶺領事館日警所之木牌又僱該處華人一名作爲僕役擬即久居此間聞其設置警所之舉不問可知實係違背約章當即通令該區警官嚴加禁阻等因據此是總約未乾遽行違約口說親善心懷凌轢日人之詭詐足見一斑語云涓涓不塞終成江河一葉不伐將川斧柯代表等爲拔本塞源計川政再行披瀝除將日本在南滿內地自由設置警察之地點及時間列表附呈外理合上書籲懇總統總理飭外部仍與日使嚴重交涉以條約既未經規定事實自不能承認要求其在南滿內地已設之警察實行撤退以杜糾葛而保公安寔爲兩便之至謹呈

鑒核施行

吉林公民會來函

第八款 本會奮爭之進行

一百三十一

敬啓者本會於五年十二月間在團體聯合會時期歡迎婁王兩君當於十二月二十六日改組爲公民會即以是日爲公民會成立日期始行刊就戳記並承婁王兩君諄諄以軌道爲囑遵即通函本省各縣舊有之團體聯合會一律改組爲公民會并分致內地各省函報成立所以振刷全國之民氣力促外交之進步無不以軌道爲範圍今遼瀛交涉方有端倪彼屈我直彼則厚誣我爲包圍東省日警方且明目張膽行使職權所在皆是且老西開交涉迄未退讓廈門之警察尙未撤退而歷年交涉該案不下百十起之多且此種民氣適足資國家之利用當不能爲政府所疾視也不意本月六日突接警區來函轉奉督軍省長訓令飭令即日解散等語且警區趙科員本區王署長屢次來會索取戳記雷勵風行勢近強制雖經同人支吾敷衍若輩方去但此事關係重大且主動力實發自

大會今檟被摧殘不幾貽笑全國乎職此之故特請大會設法維持或請

內務外交部密電吉省軍民兩長或

大會分函軍民兩署請俟全國各省公民會解散後再行取消且集會結社載在約法爲人民權利上所應有本會既無違法與違警之行動官廳當然保獲豈可遽出解散之令所謂約法之保障果何賴乎除逕覆警區并將警區原函抄交莫柳忱先生并推代表分見軍民兩長外合將不可解散之原因函懇主持情急勢迫語不暇擇敬祝

籌祺

吉林公民會啓二月十二日

吉林公民會來函

敬啓者前因敝會橫被摧殘籲懇

大會援助諒蒙

警照近來本管警區日凡數至至則以奉令索取緝記爲名實則窺伺一切所有職員均不能安於其位  
風雨漂搖情形萬念應請

大會查照前函從速援揀不勝待命之至專此飛佈敬祝

鑾祺

吉林公民會啓二月十四日

魏榮暢來函

敬啓者吾奉遼瀋交涉進行如何

諸公奔走呼號憂勞至堪欽佩惟茲案體大爲全國注目不獨吾奉人有切膚之關係也僅以不悉箇中  
真相致愛國精神未能喚起聞

貴會會編印遼瀋肇蒙記實暨夏詒羣罪狀二書言遼瀋案頗詳望檢寄數份賜下以便分布敝旅同人

一閱至盼此頌

鑾祺

奉民分子魏榮暢啓二月二十五日

吉林公民會來函

大會台鑒前蒙

賜書遵即收束以取同一之態度當將停止進行之手續及大會善後甲項之辦法分函本省各縣分會

請一致收束吉會於三月一日收束完竣嗣後條約印刷成帙敬請

惠寄四份一寄前江沿松君秀濤一寄省教育會劉君惺甫以備傳閱吉會自五年十一月一日成立六年三月一日收束凡四閱月其間並無違法行爲只以開罪省議會該會變動軍民兩長濫用職權橫遭無理之干涉然吉會耐心忍隱不畏強禦仍舊進行迄無所動適奉 大帥飛來吉會始行收束總之

此種對外機關將來仍有發生之一日決不因進行停止而歸於消滅也謹佈區區伏維

公鑒

吉林公民會最後上言三月三日

## 第九款 各省之函電往來

吉林省議會來電

省長督軍各省議會北京東三省公民會鑒遼源交涉案內日人要求警權及軍事顧問兩項侵我國權干我軍政蠶食之謀誓死力爭祈協電中央嚴重交涉不勝盼切吉林省議會東

黑龍督軍畢桂芳來電

北京東三省公民會鑒頃讀鑿電主張極是國權所繫豈容緘默日安爾只奉省商取同意即行協電力爭畢桂芳東

湖北督軍電

北京東三省公民會公鑒鑿電請悉遼源交涉案得諸公合力爭足爲外交後盾如果要求過常有損國權事寔日當分電協守先此奉復王占元東

田文烈來電

北京東三省公民會公鑒鑿電敬悉日人要求警權及軍事顧問危害我內政主權風說喧騰軍民同憤已電請中央堅拒矣特復趙個田文烈東

吉林督軍來電

北京東三省公民大會公鑒鑿電悉已電話中央力爭矣此覆孟恩遠郭宗熙東

河南省議會來電

第九款 各省之函電往來

北京東三省公民會鑒覽電悉遼瀋交涉日人蠻橫聞之髮指已電國務院力爭謹復汴議會東

贛省議會來電

北京東三省公民會鑒覽電悉已電請國務院嚴行拒絕矣特復贛議會東

曹錕來電

北京東三省公民會鑒遼瀋交涉事關大局決計力爭誓死莫讓茲錄致各部電院文於下文曰北京國務院參謀部陸軍部外交部均鑒華密頃奉天吉林各省議會及奉天張督軍先後電云遼瀋交涉案日人有要求警權及軍事顧問兩項問題等語讀之不勝駭異查此案中日兵隊衝突日兵首先啓釁彼曲我直東人報告具在不難覆案設使日兵當時不爲非法舉動遲以衝突情形告知該地官長則不難和平了結今日人既自挑釁則日政府當訓令彼國軍警勿再與華兵衝突即華兵之死傷者日政府亦當予以恤款撥之公法對之邦交庶較平允詎意無埋取鬧對此小小風波竟又推風作浪大肆要求侵我國權干我軍政所謂節外生枝文不若題詞不講埋莫此爲甚夫警政軍事乃我國自主之大政外人何得干涉而日人竟欲以此嚴酷條件奪我主權窺我領土直視我國如朝鮮越南緬甸之比此而可忍我中華將何以爲國言及於斯疾首痛心憤激狂在堂堂中華與其四分五裂何如孤注一擲錕鏘磨軍符惟有抱定誓死力拒宗旨務懇鈞院實部竭力主持嚴重交涉無論到何地步此項條件萬勿承認以保國權而維國體大局幸甚軍民幸甚等語特此電聞希即查照是荷曹錕冬

雲南來電

東三省公民會鑒電奉悉已電中央力爭矣唐繼堯冬

奉天各會來電

全國公民會東三省公民會參衆兩議院鈞鑒近以各報紛載遼源交涉案談判數次關於警權顧問兩項日人堅執要求不肯讓步華民憤激欲在各縣公民代表又復偕集省垣責詰各會日有數起洶湧異常僉謂交涉如果失敗關東即就危亡身爲馬牛生復奚益中央不念東省奉民寧願大局急當自衛夫以報紙之喧傳羣情即如此暴烈偷成事實激變自不待言雖經嚴諭曲說終難遏止惟有合詞電懇諸大君子俯念全局督促當道完全否認以弭鉅患而保主權東省幸甚大局幸甚臨電涕泣不勝惶悚之至奉省議會農務會工務會教育會商務會電支

廣西省議會來電

北京東三省公民會鑒電敬悉遼源交涉案已電請中央嚴重交涉謹聞省議會支

迪化來電

東三省公民會鑒來電已悉遼源交涉要求無理又廈門設警已電請政府嚴重交涉以維主權楊增新  
歌

張家口來電

東三省公民會鑒電悉當即轉電國務院外交部矣謹復田中玉魚

陸榮廷朱慶瀾來電

第九款 各省之函電往來

北京東三省公民會鑒豔電悉遼源案日本人要求警權及軍事顧問有關政權軍秘萬難讓諸外人致貽後患 貴會慮成事實倡電協爭嘉謀熱念極表贊同刻已電懇中央嚴重交涉續情如何仍隨時惠示爲盼榮廷慶瀾魚

江蘇議會來電

北京東三省公民會鑒豔電悉已電中央協爭矣特復蘇議會魚印

吉林公民會來電

東三省公民會鑒奉發電敬佩熱誠敝會當據情續電中央矣此覆吉林省議會宰

奉天公民會來電

參議院衆議院全國公民會東三省公民會均鑒遼源交涉案內警權一項日使堅持初議毫不讓步奉民實難隱忍刻各縣公民齊集省垣羣情激憤愈演愈高誠恐當局稍有退讓演成暴動之象則交涉前途困難益多除由本會勸告公民靜待解決並電請當局嚴重拒絕外合亟電話就近向政府誓死力爭以保國權而平民氣爲禱奉議會全省公民會叩皓

奉天教育會來電

大總統國務院外交部參衆兩院公民會鑒遼源交涉警察權東省決不稍讓請力拒奉天省教育會逾

哈爾濱來電

北京國務院外交部參衆兩院東三省公民會及各報館鈞鑒遼源交涉日人要求警察顧問侵我政治

奪我主權擾東亞之和平破各國之均勢瓜分豆剖此其導源若不嚴與交涉則彼族貪婪難盈得寸望尺外侮踵凌其何能國同人等桑梓攸關痛癢尤切對此嚴苛要求誓死不能承認萬望府院堅持到底抵死力爭勿令主權稍有損失庶三省土地人民或免爲朝鮮之續成敗存亡爭此一著臨電激昂聲嘶喉竭哈爾濱商務會自治團勸學所教育會全體叩

#### 黑龍江全省公民會來電

北京國務院參眾院東三省公民會鑒遼源交涉日人要求過甚侵我主權迫我生命江省人民誓死否認請政府堅持到底不勝切盼黑龍江全省公民會代表吉祥等九十七人同叩

#### 賓縣公民分會來電

中央政府東三省公民會全鑒遼源交涉日人要求警察顧問迫我甚急在政府諸公竭力折衝當爲國人所共諒倘日人仍前囁強不與退讓我輩國民甘願與彼以武力解決現本縣公民對於此案異常激昂昨於十九日開國民大會討論對待方法已將民團組織妥協藉爲政府後盾祈即嚴重交涉勿稍退讓賓縣公民分會敬叩

#### 吉林省虎林縣來電

北京國務院鈞鑒東三省公民會鑒遼源交涉要求警察顧問兩項侵我主權制我死命虎林縣各界誓不能承認伏乞峻拒力爭吉林省虎林縣農警商學同叩

#### 吉林延吉縣來電

北京西珠市口東三省公民會公鑒遼源交涉案日人無理要求三省之禍迫於眉睫延延又屬特區利害更爲關切呼號挽救情烏能已除電請國務院抗議外希堅持力爭願誓死以隨諸父老昆弟之後現正籌備後援不達否認目的萬難甘休吉林延吉縣農商紳學各界程學洛武樹勛吳勛王國珍等二百二十五人同泣叩

天津東三省公民會來電

東三省公民會參衆兩院及各報館鈞鑒遼源交涉爲我三省人民生死關鍵極宜誓死力爭以維主權而保國土臨電惶悚不勝屏營待命之至天津東三省公民會電

吉林省密山縣團體聯合分會來函

敬啓者昨接吉林省議會公函展讀之下備悉日人藉遼源交涉案要求警權及軍事顧問挾力恫嚇迫我承認所幸諸公關懷桑梓不忍輕棄主權奔走呼號協謀對待等情查此案關係國權亦即三省人民命脈所繫稍一退讓立即淪亡諸公熱心國事敵同人等極端信仰除合詞籲懇國務院外交部據理力爭嚴詞拒絕外謹將敵縣所有壯丁按籍編連輪流教練設或交涉決裂便當執戈以從雷作比利時同歸於盡斷不甘爲他人牛馬臨穎嚮往不勝待命之至此致

東三省同鄉會鑒

吉林省密山縣團體聯合會啓十月二十日

奉天省議會來函

敬覆者頃奉來書一是敬悉熱心毅力欽佩曷極查遼源交涉拒絕警察權及軍事顧問一案敝會業經兩次提出議案電請國會建議政府並先後咨請省長轉電國務院雙方進行據法力爭復擬於本月二十九日邀集省城各團體人員到會共籌對待方法以作外交後盾總之警察爲國家內部要政軍隊爲國家對外干城國防所係主權攸關此而粵人其何能國奉省人民痛深剝膚難安緘默尙希協力主持以保國權而固疆圉東三省幸甚中國幸甚肅覆頌

籌安此致

北京東三省公民會公鑒

奉天省議會啓十月二十八日

奉天省議會來函

敬啓者近聞遼源交涉案內有要求警權及軍事顧問之說無任惶駭夫警權爲行使國權之一部顧問有關軍事之秘要此而界人國幾不國同人對此憤慨異常既已兩次提出議案詳加討論雖不敢激烈以速亡亦不可隱忍而默認當經公決電告兩院及咨行省長敦請中央嚴重交涉並會同農工商學各團體電請國務院積極進行勿稍退讓一面復函告各縣農工商學各機關喚起注意爲一致之行動以壯聲勢而撐危局至恢復地方自治一案前由本會議決咨請國會建議政府並咨省長轉請政府早日恢復以符國體同人等學識誦陋隨越時虞當此風雨飄搖救亡圖存更無善策素諗

台端篤念桑梓尊重國權對此存亡問題諒多碩畫用敢縷述本會臨時辦法有無裨益尙祈

示知並請就近協爭督促當局者勿致輕棄國權以蹈三韓故轍尤禱臨池悚傷淚與墨俱搨布敬頌  
議祺此致

東三省公民會諸先生均鑒

奉天省議會啓十月三十日

奉天教育會來函

逕復者准來函內開遼源交涉一案囑爲聯和各團體誓死力爭等因關心時局無任欽佩現已聯絡各機關與省議會一面電達政府一面呈請省長據情轉電中央嚴重交涉務期達到否認目的而後已並  
祈

貴會諸君亦一致進行以期有濟是所切禱叩頌

公綏此致

東三省公民會諸君鑒

奉天省教育會啓十月三十日

奉天馮幫辦來函

東三省旅京同鄉諸兄公鑒接展惠緘具徵關懷大局嘉惠桑梓加以所持理由均極正當引詹高風感佩無量惟囑件已由各機關分別抗議矣尙祈大力圖維聯合一致吾國存亡在此一舉弟本武人惟有枕戈待命而已嗣後有何情形諸希隨時賜教爲盼專肅順候

公安

鄉愚弟馮德麟拜啓十月三十一日

黑龍江省教育會來函

逕覆者頃准

貴會公函當即召集會員開會討論僉以此事關係國家存亡理應急圖挽救除逕電國務院外擬即聯絡省商會密謀抗拒之策對外力戒暴動救國咸矢決心

貴會近在都城消息較確倘有偉畫尙希隨時示知以便一致進行共挽危局此致  
東三省公民會事務所諸先生鑒

黑龍江省教育會敬覆

吉林團體聯合會來函

東三省公民會諸鄉先生均鑒遼源事件發生吉省人士屢次集合多數紳商士庶上書政府以爲交涉地步十月二十九日奉到

大函各團體閱之益形憤激當即假省議會茶話籌商抵抗方法三十日各團體自行拍電中央力爭三十一日團體聯合會成立十一月一日各團體首領面謁

省長督軍請求發電中央表示全省紳商士庶激烈誓死不能承認態度力懇嚴詞峻拒不達否認目的不止並由本會分函吉省各縣及奉江兩省暨內地各省請求聯合一致函電力爭嗚呼衆志成城或保七百萬人民之生命獸困猶鬪決洗五分鐘熱度之貽羞專此奉復并將吉省辦法略述大概馳慰

廑念肅函敬請

第九款 各省之函電往來

一百四十三

公安

吉林團體聯合會啟十一月三日

通化縣教育會勸學所來函

敬啓者案准教育會函開遼源交涉日人有要求警察權及軍事顧問之說現已由各團體電達政府及國會并呈謂省長電達中央嚴重交涉再由各縣推舉在省一人爲代表一致進行以期達到否認目的等因准此捧閱之下無任惶駭查東省居特別地位俄伺於北日窺於南人民已處積薪之上禍迫眉睫實有倒懸莫解之虞自去年中日雜居載在約章日人來者實繁有徒權利喪失日甚一日又加無知韓人狐假虎威爲虎作倀欺凌蹂躪層見迭出即此數端已足致東省人民於死地若再承認警察軍事顧問等權不特東省主權喪失殆卷盡則唇亡齒寒即內地將來亦恐不免言念及此涕泗無從亡韓之楨卽在旦夕想 貴會爲東三省人民代表造福地方關於此種事件諒必早有碩見宏籌堅持力爭以保主權務達否認目的不勝感佩之至者致

北京東三省公民會

通化縣教育會勸學所啟十一月三日

輝南縣勸學所商務會教育會來函

逕啓者遼源交涉迄未解決頃聞日人有要求警察權及軍事顧問之說果爾是欲朝鮮我也台灣琉球我也大好河山一任人攘奪之宰割之牛馬奴隸萬劫鞋傷所謂亡國之慘吾奉將演成事實矣此而可忍孰不可忍吾奉人士惟有寧爲玉碎毋爲瓦全衆志成城誓死力爭以不失主權爲惟一之目的

貴會爲東三省代表總機關萬望根據民意竭力對待勿使政府再演出去歲交涉之失敗則吾奉幸甚

國家幸甚此請

北京東三省公民會鑒

輝南縣勸學所商務會教育會啓十一月三日

直省議會來函

逕覆者頃奉 貴會覽電以遼源交涉案內有日人要求警權及軍事顧問之說讀之不勝駭駭查警務顧問均與國家有密切關係誠如尊電所稱此而界人主權何在敝會當於奉電之日開會公決誓不承認除電請政府參衆兩院與日使嚴重交涉外相應函復

貴會希即查照爲盼此致

北京東三省公民會

順直省議會啓十一月三日

黑龍江省議會來函

東三省公民會公鑒旬日以來函電交集非法人侵佔天津租界日人提出無理要求報紙宣戰不一而足各省人民憤激萬狀足徵同胞非復往日之夢夢本會忝爲民意機關興亡有責利害與共正在連絡各界協力同爭誓不承認此違背國際公法蔑棄世界公理之強硬要求間適奉

大啓迴環拜誦愛國熱忱佩何極痛亡國之慘禍轉瞬而至慎辱國之要求接踵而來本會一面急電中央及兩院竭力嚴爭一面即與商民各界共謀對政府據公理以力爭同胞作中央之後盾縱日人

野心欺世諒不至無所忌憚即使強權以逞公理難明而吾神聖四百兆同胞亦豈無最後之對待先筭奉聞藉紓屢念餘容另陳中央各機關是何態度

諸君子見聞覺先仍希隨時指示方針不勝盼禱專肅奉覆敬頌

籌祺諸希

亮鑒

黑龍江省議會公啓十一月六日

吉林法政學堂學生來函

東三省同鄉公鑒接讀公函涕泗何從自遼源交涉發生以來日本無理要挾我國民咸懷不平蓄怨於心久矣公等旅居京師首先聯合同鄉舉代表人要求政府嚴重交涉誓死不肯承認警察顧問二項愛國熱誠出自天真凡我國民逃聽之下莫不馨香而拜祝之也函到吉林之日各團體曾密開聯合大會數次均欲犧牲一切誓死不許覆函諒可接悉矣惟茲事體大謀之有人吾儕學生不宜從中囁語但皮之不存毛將安附國之云亡學將何用故亦擬於近日密開學生大會聯絡一致作各界之後盾交涉果能和平了結固國之福也民之幸也倘如不然惟有荷戈從戎効命於疆場寧肯曲膝婢顏作人之奴隸耶迴溯近數年來日本欺我之弱無端要挾咄咄逼人豈祇此次蓋我愈讓步彼愈競進常此不已中國之社稷尙可血食乎故對於此次之交涉雖牧童豎子亦莫不願奮腕相抗拚命一爭也惟望公等提倡之於前堅持之於後則吾儕學生厚受地方之培養稍具愛國之心腸一旦交涉決裂有所指揮赴湯蹈

火所不敢辭也謹佈區區伏維

垂察

吉林法政學生等同啓十一月六日

遼陽縣教育會來函

敬覆者頃奉 貴會公函爲遼源交涉案內聞有日人要求警察權及軍事顧問現已籲懇中央嚴重交涉有無效果雖難預知等語覆思日人要求警察權及軍事顧問寔屬無理之甚一經許可則我東三省之生命悉在其掌握之中我遼人士自雖緘默當經公推栗君宗周爲遼境之代表隨時就近與各城代表酌擬相當理由以爲繼續力爭之準備除分函外相應函覆

貴會請煩查照爲禱此致

北京東三省公民會

遼陽縣教育會啓十一月六日

山西省議會來函

敬啓者 鑒電敬悉遼源交涉無理要求殊堪髮指

貴會首先力爭 熱忱愛國欽佩無似當於十月三號報告常會全體公認一致進行除已電請中央嚴行拒絕外特此函覆祇頌

議祺

山西省議會啓十一月六日

昌圖縣農會來函

敬覆者前接來諭捧讀敬悉至日人要求警權顧問軍事之處閣會同人目眦欲裂如能奮飛卽向日京

釋其皇帝決雌雄也惟想激烈固足以憤事隱忍更足以召亡平心靜氣共策進行一面電請國會及各軍長一致協爭一面咨達省長轉電中央嚴重交涉以維主權望

貴會協力進行不勝翹企之至此復

北京東三省公民會

昌圖縣農會啓十一月六日

蓋平縣教育會勸學所來函

敬啓者遼源交涉案內有日人要求警察權及軍事顧問之說查警察權及軍事顧問乃內政軍事之要樞一有所失卽召危亡今值日人要求之際政府拒絕之時正宜羣策羣力誓死力爭勿使主權稍有所失是爲至要此致

北京東三省公民會

蓋平縣教育會勸學所啓十一月六日

鳳城縣勸學所教育會來函

敬啓者頃奉 公函遼源交涉案內日人要求警權及軍事顧問事

貴會已懇請國會及各省督軍省長省會一致協爭電請中央嚴重交涉等情關心國事殊堪欽佩查警權爲內部行政顧問爲軍事要樞承認其 卽足制我三省人之死命值此日人堅持要求之際政府未允之時一髮千鈞稍縱即逝我三省各縣人民正宜繼各機關羣起之後拚死力爭以爲政府後盾除另函知奉省議會外相應函達

貴會請煩查照爲禱此致

北京東三省公民會

鳳城縣勸學所教育會啓十一月六日

齊耀琳來函

敬啓者昨承 電告以遼源交涉日人要求警權及軍事顧問權羣情憤激異常聽之餘輒深隱痛慨  
自日俄戰後外人肆其蠶食之謀侵我主權不一而足然未有如此項要求之甚者業已協電中央嚴行  
拒絕茲特抄錄電稿送請審閱仍希

諸公共抒偉論據理力爭以保主權而安人心實爲幸甚隨頌神越敬頌

偉綏

齊耀琳拜啓十一月六日

附電稿

北京國務院外交部鑒堂秘鄭家屯案曲在日人交涉多時迄未解決近聞竟有要求警權及軍事顧問  
權之說直將上年交涉所取消者完全復活明知強弱異勢已無公理可言然有一足以致亡豈能輕予  
承認况耽耽環同者實繁有徒設援最愚之條將召瓜分之慘近如天津老西開一案即襲日人故習其  
明徵也值此羣情憤激之時應謀適當對待之法務祈嚴行拒絕以保主權北望遼雲迫切無似齊耀琳  
敬印

懷德縣紳學農商各界來函

敬啓者前接鈞函爲遼源交涉日人要求奉天警權及軍事顧問權羣情憤激異常聽之餘輒深隱痛慨  
氣者莫不五中潰裂爰召集各界士紳討論對待方法僉謂日人抱統一東亞之野心滅絕人國之素志

藉端肇衅擾我主權如允其求不啻將我東三省拱手讓之日人亡國慘禍即在目前惟有電請政府嚴詞拒絕倘彼倭奴始終蠻橫即我中國之大敵敵縣惟有抹馬厲兵雖赴湯投火敢從諸同胞後甯擲頭顱決不甘作異種奴隸喪權而辱祖國區區微忱望

貴會查照此請

北京東三省公民會公鑒

懷德縣紳學農商各界同啓

黎樹縣教育會來函

敬啓者頃准 貴會函知代表民意力爭日人要求警權及軍事顧問兩條件毅力熱心辦法尤當敵會全體極端贊同惟查我國外交當局既無堅決之力又乏抵制之方交涉案起遷延無期終爲勢力所迫含忽畫諾輒諉罪於無可奈何而已我東省人民痛在切膚尤當妥籌抵制日人要求警察及軍事顧問者不過以保護日商訓練軍隊爲藉口其實中國警察敷衍無保護之全能官兵野蠻鮮服從之訓育已無可諱言此次交涉徒以國權難棄人民反對等情爭執萬難挽回惟有磋商將我之警案及陸防各軍積極整頓舉凡官弁日兵各具常識嗣後對於中外人民擔負完全保護責任則日人藉口無詞交涉自易至遼源之案本囑軍隊衝突滋事之兵及該管長官不妨嚴懲以爲認咎地步敵會庸愚之見敢貢採擇倘蒙不棄請即擬具理由書轉請外交部爲交涉力爭之資料或可收効將來則東三省之幸可爲預祝此復

北京東三省公民會

黎樹縣教育會啟十一月七日

### 吉林德惠縣來函

東三省公民會諸先生鑒頃接來示捧讀之下愧汗無地遂即公開會議特擬定先行呈覆刻即整頓預備一切以謂遼瀋交涉要求警察贖問兩項足以制我生命允之則東省召鯨吞之禍內部伏豆剖之憂大好山河非復我有矣嗚呼日本假維和事實行蠶食斃亡韓之故智作滅滿之詭謀若祇優容則退尺進丈將不止代我統制其要求條件在國際法上爲侵害一國主權迫我承認是蔑視公法公理羣情切齒誓不並存萬衆椎心血淚俱下仰懇

諸代表先生據我民意向政府力爲要求堅持否認若彼以武力從事我民等願揭竿執挺背城一戰寧爲民國忠鬼不爲亡國奴隸涕泣上陳敬候

鈞命順頌

公綏

吉林德惠縣自治團暨全體會叩十一月八日

### 吉林全省工務總會函

敬啓者十月二十九日接讀 來書無任痛切當即召集各團假省議會茶話籌議抵制方法三十一日成立團體聯合會並由各團電請中央嚴詞峻拒以保主權吉省人士對於遼瀋交涉前已迭由各人名義上書質問並由三十八縣各舉代表上書協爭今讀 來書民情益形憤激本日復由各團首領而請省長督軍代達民氣充塞誓死不能承認各條件請長官電請政府力爭萬勿掩耳盜鈴以致不可收拾使交涉益無着手處也專此奉復敬請

同鄉諸君大鑒

吉林全省工務總會啓

輯安張紹庚來函

選啓者日人吞噬東省之心豈自今日而始哉特假遼源之事以發之耳自中日戰後其經營蠶食固未始一日或懈也只以國力未充機會未至故遲遲至今噫弓滿而發射無不中矣試觀今日之所要求八大條件直以中國爲不國之中國官吏爲不國之官吏人民爲不國之人民矣我東三省之存亡繫此一舉居是土者可視等弁髦而慢事不加憂戚於其間乎然值此強弱不敵之勢公理泯滅之際似亦惟有視人之鼻息以爲何如耳又復何項之可伸何舌之可吐雖然國勢板蕩草木猶知效靈況我等之不爲草木者乎人誰無心安能坐觀其先祖之裔淪於倭虜之族而不稍致意也今日之計請政府嚴重交涉自不待論倘政府勢若不敵日人謬執不下必欲肆志則是我東三省之人民危亡存於瞬息之間也我東省同胞既不能甘心事虜尤無有全策可行木識亦願聽匹夫之喋喋者乎夫我之與日雖己具石卵不敵之形然鎔刀竟無一割之力際此之際我東省同胞即當枕戈揮塵傳檄四方誓與此虜不共戴天破釜沉舟以決死生而圖萬一之想幸而捷聞我等先祖之靈同胞之福不幸竭蹶勢窮方屈亦可慰開國先烈於地下而無愧且使倭虜知圖人國之非易並起中原同胞後日之倡導慎無爲掩目捕雀之謀虛張聲勢貽笑他人幸甚匹夫籌藝未知有當

代表諸公之一盼否即訊

危安

韓安匹夫張紹庚上十一月八日

奉天留日學生全體泣告父老書

嗚呼！爾島國蠢彼倭人，垂涎東土，侵攘主權，一而再，再而三，之不已，更有今大鄭家屯之交涉，真所謂得尺進尺，愈侵愈厲，獸慾不飽而野心不止者也。慨自清廷失政，甲午喪師，遼東類於風鶴，豺狼逼吾城郭，弱婦供其奸姦，悍男爲其屠戮，野草殷墟，塞淪胥，慘劫餘生，至今猶有存者。民國二年革命再興，張勳砲擊南京，倭人甘自取戮，結果乃竟有五鐵道之要求。開海四洩，洩熱長洩，洩海古五錢。當時我政府昧然許可，我奉人士亦安之若故，未幾而又有民國四年之交涉，其結果亦惟我奉茹苦獨鉅，鐵道建築也，顧問招聘也，土地商租也，在彼權有優先，在我實受鉅創。富時處賊民政府之下，我奉父老兄弟吞聲飲泣，甘受屈辱，而無爭示人以弱卒。召禍患於今日，然吾聞之國仇所在，百年不釋，況鉅痛方新，而惡劇又作在彼，固視我爲劣種，爲奴性，爲渙散在我，豈竟如死獅一擊不動，再擊不動，至於數十擊而仍不動乎？天我苟不弱人，胡從而兼我苟不昧人，胡從而攻我苟不畏不惡人，胡從而侮而蔑是則倭人之兼我攻我，侮蔑我脫非我自取之在彼，或未必敢狡橫無理。有如今日之交涉也。今次交涉，覺自彼開我攻，府已熟知矣，知而復囂囂然不知所措手足，蓋亦閣院無協同一致之誠心，黨派有互相傾軋之現象。嗚呼！我奉男婦老幼，岌岌不可終日之地位，將且淪於牛馬之塗境，苟再不痛除希望，他人倚賴危柱之心，以積年之沉痛，以累月之深怨，爲萬死不顧一生之計者，是真蠢蠢然鹿豕之不若也。既動矣，奮矣，尤必本其沉毅之力，堅其敵愾之心，縱有政府之許可，萬無吾人之承認，勸我兵秣我馬，蠢彼倭人何難一蹴而斃之。蓋天下原無難事，特視乎畏死與否焉。苟協力同心，捐構味自安之儒性，日進日厲，振國

民勇往之先聲安見彼兼我攻我侮蔑我者不轉而敬我畏我乞憐我也生等海外課學寄身敵國淚眼西顧無計可施惟悚見安南緬甸琉球朝鮮台灣之收局爰爲杜鵑之哀鳴謹當孤鴻之泣告

奉天留日學生全體同啓

奉天全省公民會來函

奉天全省公民大會爲外交緊迫幾捐國權掬淚陳詞懇予電請中央嚴重交涉事竊自遼源交涉發生以來以軍隊小有衝突本可和平解決以保睦誼乃日人小題大作竟有要求警察權及軍事顧問之條幾欲奪我內政軍政以遂其野心公民等一息尙存萬難隱忍各縣亦均組立公民分會民氣激昂不可遏止當於本月二十五日開會共謀救亡之策僉以國權一亡人民隨之朝鮮前車爲鑒不遠公民等甯可斷頭絕脛作最後之決心不甘牢家釜魚待將來之割剝除推舉代表多人定期赴京痛陳外謹請貴會迅予轉電中央及各省一致力爭以撐危局而維國土不勝迫切待命之至此致

北京東三省公民會

奉天全省公民大會謹啓

吉林郭省長來函

旅京三省同鄉均鑒前奉台函關於遼源交涉日人要索問題本署省長已經會同督軍電達中央嚴重主持旋准奉天省議會來電言論正大並符尊見剝膚之痛人有同情敢不努力以維國是專泐覆頌公綏並祈

亮啓

郭宗熙謹啓十一月九日

### 和龍縣議員團來函

敬啓者頃奉吉林省議會函開准鈞會函開遼源交涉案日人要求警察顧問兩項迫我政府承認等情竊思民國主權在於吾民民權之失敗即民命之死亡以日人心存叵測出此野蠻舉動是欲侵佔我國主權陷害吾民生命倘若讓步則三省之土地被其佔居三省之財產任其攫奪當此危機之迫惟望桑梓父老羣力羣策泣血椎心以雪外侮又況和龍地處邊隅與內地唇齒攸關爲敵接壤當地居民華戶佔居十分之一韓戶佔居十分之九平素交涉即恃日人爲護符若日警一設行動受其限制即存亡在其掌握嗚呼危矣時局殆哉民命惟有仰恃諸公保護主權維持民命執意力爭堅心抗拒民等當以誓死對待除聯絡汪瑔延三縣議員團密開會議討論對日方針並呈請延吉道尹遇有日人要求警察顧問交涉力爭暨分函吉林省議會外特將抱定決心誓不承認宗旨專函佈達伏乞鑒察

和龍縣議員團公啓十一月九日

### 奉天各縣自治議員團來函

逕覆者頃接

貴會華函以遼源交涉案日人要求警權顧問兩項不勝駭異查警權所在即國權所在此而可舉以異人吾鄉人民何以生活即顧問亦所關者大何容外人干預我輩生長此邦利害切膚豈能聽其攫取主權以覆東省百數十萬人民之生命惟有抵死不能承認相應函覆

貴會電達政府極端否認以免危亡不勝盼切之至此復

北京東三省公民會公鑒

第九款 各省之函電往來

一百五十六

瀋陽縣地方自治議員團

姜述卿

吳廣譽

李中

成友善

黑山縣地方自治籌備處

賈熙辰

興城縣地方自治團

劉會同

王樹森

陳錫恩

夏覲宸

昌圖縣議會

傅廷植

副議長

常維松

東豐縣議會

范紹魁

副議長

王重倫

鳳城縣議會

林國棟

副議長

張鳳陽

桓仁縣議會

徐炳陽

參事

滿尙謙

等同啓

遼陽縣議會

趙乃弼

參事員

陳廷勳

盤山縣議會

孫名耀

副議長

王麟閣

安廣縣議會

鄭維翰

副議長

丁家樹

雙山縣議會

鄧保芝

議員

孫煥章

西豐縣議會

耶勝春

城鄉總董

朱鳳陽

聞原縣議會

劉鳳池

奉天商務總會來函

十一月九日

敬啓者聞遼源交涉一案有日人要求警權及軍事顧問之說無任惶駭查警權爲內部行政顧問涉及軍事要樞此而畀人將何以國今當日人堅執要求之際政府尙未承認之時自非誓死力爭不足以圖生存用特函請

貴會查照希即加入敝會名義電請國務院嚴重交涉勿稍退讓以弭隱患而鞏國權盼切盼速此致

北京東三省公民會

奉天商務總會啓十一月九日

開原縣公民代表賀錫三等來函

敬啓者頃聞遼源交涉日人有無理要求警察權之說與令人驚駭查警察爲國家內政重要部分能使一國行政直接以行於人民即司法亦賴以補助警察權實爲國家生存上之必要豈可以輕易讓與如被人攘奪則國家行政司法皆失其用等於滅亡同人等用敢聯名函請

貴會咨行參衆兩院向政府請求嚴重交涉俾警察權勿失則東三省幸甚國家幸甚此上

北京東三省公民大會

王文傑 賀錫三 崔永銓 羅玉璞 十一月九日

張懋梧 康季封 高玉堂 王作霖 同啓

全 璞 丁萬錢

法庫縣教育會來函

逕覆者案准

第九款 各省之函件往來

一百五十七

貴會函開遼源交涉案內有日人要求警察權及軍事顧問之說查警察係內政之重要軍事顧問乃軍政事之樞機二者皆爲國家命脈攸關奚容外人參與凡有血氣悉宜力爭本會招集會員開全體大會表決一致協爭相應函復

貴會堅請政府嚴重交涉勿稍退讓此致

北京東三省公民會

法庫縣教育會啓十一月十日

本溪縣勸學所來函

敬啓者前閱各報紙載有中日因遼源交涉一案日本要求吾奉警察權及軍事顧問權等情閱悉之下不勝駭詫內政賴警察以修外侮賴軍人以禦此權一失則吾奉之生命財產勢將拱手而讓諸他人敵所鑑越南朝鮮之前車慌奴隸馬牛之慘劇生長斯土即應急圖挽救敢爲全體代表以盡同舟之誼想貴會爲遼源交涉而設自必能代表向政府力爭我自有一主權以達否認之目的則吾奉幸甚吾國幸甚此致

北京東三省公民會

本溪縣勸學所公啓十一月十日

本溪縣農務會來函

敬復者近閱來函藉悉遼源交涉日本要求在東省自由設置警察一條我國政府已有承認之意披閱之下曷勝駭汗查外人設置警察關係我東省之存亡政府苟一承認即不啻斷送東省於他人恐東省人民自此爲奴隸爲牛馬矣敵會同人等呼籲無門挽救乏策只則函請

貴會羣起力爭此事無論如何總希否認此條實東省人民之幸臨額不勝禱盼之至此復

北京東三省公民會

本溪縣農務會啓十一月十一日

本溪縣商會來函

逕啓者近來日人藉遼源交涉要求在東省自由安設警察延聘軍事顧問聞我政府已有承認之耗敵會分屬商人何應參預國政以警權原爲人民保障顧問難保軍事秘情此二要權倘一損失誠恐我東省有積極危亡之虞言念及此涕淚難禁邀我同舟共籌無策只得函懇

貴會代表民意協力抗爭俾兩權不致損失不惟人民之福亦係國家之幸伏想

貴會諸公關心桑梓對於日人要求請力爭無讓爲盼此請

籌安

本溪縣商會敢十一月十一日

綏中教育會勸學所來函

敬覆者昨准 台函敬悉遼源交涉案內日人要求警察及軍事顧問一事業承

貴會代表依法力爭捧讀之下曷勝欽感查警察權軍事顧問日人要求萬難承認倘一鬆手我三省人民豈不盡歸他人掌握挽此危亡惟

貴會是賴敝會前接 奉天省教育會來函叙及此事聞之無不痛心刺骨遂於十月三十日全縣人民開大會一次均慷慨激昂洵欲試嗣舉代表赴省并請省會及省長一致協爭期收不喪主權之實効相應函覆 希祈施行是盼此覆

第九款 各省之函電往來

一百五十九

北京東三省公民會

綏中教育會勸學所十一月十一日

吉林和龍縣警察所來函

敬啓者頃准 吉林省議會函開准 鈞函內開遼源交涉一案日人要求警察顧問兩項迫我政府承認等情聞聽之餘深爲駭愕竊思警察原以治內陸軍實以馭外國家之主權全在乎軍警若以軍警之權付諸外人之手則吾人之行動受其限制吾民之財產任彼擾奪開門揖盜殃及魚池雖東省之險象殆甚而內地之危機亦隨警亡齒寒莫此爲甚今者日人心懷叵測出此無理之要求施其不軌之詭計侵奪我主權殘害我生命稍有讓步後患堪虞莽莽神州必遭齟齬割安南之前車臨於頃刻朝鮮之故轍近在須臾哀我生靈將無噍類興念及此泣血椎心惟望

諸君矚念桑梓關懷大局擁護主權維持民命務請嚴重交涉極力抗絕以期達到否認之目的藉消其得隴望蜀之野心而後已設若交涉激烈不妨訴之以兵力允之以戰爭本所自當率警以同仇聯軍而敵愾已存枕戈待旦之志至死靡他頓生滅此朝食之心百折不變寧爲疆場之鬼不作亡國之奴除聯絡延輝汪三縣警察密籌方法慎重防範抱定武力之宗旨堅守否認之目的暨分函吉林省議會外特將決定方針對待主義函達

台端伏乞

鑒察

吉林省和龍縣警察所公啓十一月十一日

鐵嶺縣各團體來函

敬啓者遼源交涉案內有日人堅執要求警察及軍事顧問之說聞之不勝惶恐夫警察爲國家之要政軍事本國防之設施此說果成事實是內政國防之權皆受外人壟掣而我省人民之生命皆在外人掌握矣言念及此淚無可揮倘不乘此交涉未成之際誓死力爭我政府稍一讓步即鑄成千古大錯禍在眉睫急起力圖尙有挽救之望頃閱報紙載

貴會業已籲懇政府嚴重交涉勿稍退讓等語閱之無任感佩惟恐僅以口舌之爭仍難達到目的尙望貴會速籌實力進行方法以爲政府後盾敝縣各團體亦即一致進行務期達到目的而後止臨穎不勝迫切盼禱之至此致

北京東三省公民會

鐵嶺縣商務會勸學所保衛團事務所教育會農會  
工會啓十一月十一日

安東縣勸學所教育會來函

逕啓者遼源交涉案內有日人要求警察權及軍事顧問之說聞之不勝惶恐查警權爲內部行政顧問關係軍事要樞倘畀外人是內政國防皆歸外人掌握之中禍延眉睫斷難緘默今值日人堅持要求政府未充之際一髮千鈞稍縱即逝又天津老西開交涉均宜一致進行誓死力爭非達到否認目的不止現經敝縣諸同人共同討論交涉意見數條爲此函請貴會採擇積極進行是爲殷盼此致

北京東三省公民會

安東縣勸學所教育會啓

安東縣勸學所教育會意見

一 遼源交涉事件否認日政府要求警察權及軍事顧問請求 貴會電達政府持強硬態度嚴重交涉  
二 並分電國會及各省省會督軍省長冀各電達政府取同一主義團結進行軍用兵戎決不退讓  
三 二老西開交涉痛癢攸關務祈 貴會電達中央與遼源交涉取同一主持藉規民氣以爲交涉後援  
四 三聯絡全省警團以備不虞其若何辦法請由 貴會妥議  
四 全省高小以上各校將武術一科訂爲正課體操均用新式真槍並備子彈以資練習而備實用倘由  
貴會主持實行於軍國民教育裨益良深

黑龍江省議會來函

逕覆者適准電敬悉種種切慨自遼源交涉發生以來日本施以武斷強迫之政策行其東亞主人之野心  
萬視國際公法提出無理要求如警察顧問等項侵奪我主權侮辱我國體限制我人民之自由將其  
曩日倡言維持東亞和平之口頭禪今已變爲如保護朝鮮之陰謀手段滅種亡國殷鑒不遠泣血椎心  
誓死否認本會既忝爲民意代表機關絕對犧牲一切堅持到底一致進行倘不達到否認目的萬難中  
止除電請中央兩院亟力嚴爭外相應函復  
貴會仍祈同抱積極主義以資後盾是爲切盼此致

北京東三省公民會

黑龍江省議會公啓十一月十二日

吉林團體聯合會來函

東三省公民會諸先生鈞鑒敝省自遼源交涉發生迭由個人一再上書力辯屈直並面謁省長質詢交涉內容各團體接閱大函立即組織事務所共矢決心以保國權業經函復諒蒙台鑒惟報紙所載是否真相無從懸揣而伍君秩庸總長外交或可對於遼源交涉稍有進步亦不得知務請分神將日人方面要求真相及政府對於遼源爭持態度從速賜復以慰各團體之懸念庶便相機進行

諸位先生痛關桑梓諒不憚勞並請每一星期至少來信一次如遇交涉緊迫務希立時電示以作最後之待對庶幾七百萬生命可保五分鐘奇羞可洗矣敬請

健安鵠候

玉復

吉林團體聯合會啓十二日

柳河縣各界來函

敬啓者竊自中日罷戰滿洲之風雲日緊俄日協約遼東之權利日微則我奉前次交涉之失敗亦已不堪回首矣乃近因遼源交涉一案日人復有要求我奉警察及軍事顧問兩權之說聆聞之下愈覺不寒而慄焉夫警察爲保護內治之要政軍事爲抵禦外侮之實力凡自主之國家未聞有假諸他人者日本何人竟敢逞其野心制我之死命乎且日人之所以藉口者遼源之交涉耳查遼源一案彼軍先向我軍舉行非分之動作我軍始有防禦之行爲雖死傷之數彼此不同是釁由彼開非自我而作也揆以國際公法兩相抵消彼已占優勝之地我已居退讓之步矣乃復貪心不足藉端要挾逾分妄爲欲使我政治無起色之日武備無振作之期彼得從中而爲所欲爲如取台灣滅朝鮮之手續是惟恃一己之強權不

顧世界之公理矣我奉之人民尙可坐而待亡不起而圖之乎公民等內審國勢外察敵情雖知激烈易於憤事實虞隱忍難以圖存故連開大會均表同情各議匹夫有貴之義共奮衆志成城之堅依法力爭歷萬劫而不變據理直抗經百折而不回倘能幸邀和平固所願也卽幸而致決裂亦所甘焉總之能爲斷頭折臂之國民不作低心下氣之奴隸用特上書

貴會致懇政府嚴重交涉使我奉不陷於危亡之地國家幸甚人民幸甚此致

北京東三省公民會

柳河縣農會會長 田書春 劉永錫 商會會長 趙錫藩 李長吉 縣議會會長

宋召南 兼教育會會長 王勇 勸學所所長 孫鴻謙 紳士 劉述堯

畢惠齡 劉如川 江化南 于文凱 白寶珩 李景春 縣議會副議長 王政南

勸學員 趙國士 全啓 十一月十三日

賓縣農會來函

敬啓者頃准吉林省議會函開接准

貴會函稱遼瀋交涉案日人要求警察顧問兩項迫我政府承認等情蓄心滅國自應誓死力爭除先由本會電請中央嚴重交涉外相應將原函排印分佈各縣各機關統希合力電爭以保主權此致等因到會伏讀

貴會函示各情非惟關切桑梓尤屬保守國權仰見我同鄉大君子熱心毅力憂國憂民盛誦之餘殊深

欽佩敵會當即開公民大會相與討論羣情憤激咸表贊同徵諸輿論異口同聲僉謂我東三省屢受外侮年甚一年此次如稍退讓立成朝鮮安南之第二皮之不存毛將安附于鈞一髮此其時也自應誓死力爭堅持否認苟能據法抗議完璧得歸不惟我三省人民之幸亦日本之福否則總五尺之童均各操戈以待與決雌雄民氣激昂莫可遏抑尙望我

同鄉諸君代表公民極端主持始終如一就近要求政府抱定一致決心與其嚴重交涉必達到否認之目的而後已東三省幸甚國家幸甚隨風隕涕不知所云此請

東三省公民會諸代表公鑒

賓縣農會啓十一月十四日

黑龍江省總商會覆函

敬復者昨展

貴會來函領悉種切遼源事件桑梓攸關自應合羣策羣力電致中央力爭主權以固領土本會前於本月九日業具情電請中央嚴重交涉挽回國權茲奉前因特此函復

貴會請煩查照施行此致

東三省公民會鑒

黑龍江省總商會啓十一月十五日

吉林省伊通縣農會來函

東三省公民會諸君公鑒頃准吉林省議會暨團體聯合會轉知遼源交涉案日人要求設置警察謀渡警察權迫我政府承認等情當由

第九款 各省之函電往來

代表等向政府力爭足徵瀾心桑梓順念全局當頭先發一捧交涉得以延緩不然本已成舟破壞亦豈容易事既讓步競爭頗費周折當此要求未允之時我

同鄉諸君子延爭一言能勝羣師實東三省之幸福倘彼族逞強肆虐堅不讓步惟有犧牲我東三省之生命財產以與日人戰焚舟濟河誓死不回各界等均敢昭告於皇天后土暨我同鄉人等之前曰王與興師修我戈矛與子同仇以隨

諸君之後耳茲奉前因當即聯合紳農商學警團自治各團體等公開大會詢謀僉同咸相一心後備雖經有人而運籌仍賴

羣公除已逕電北京國務院農商外交總長及參眾兩院外相應函覆爲此敬請

鑒安

吉林伊通縣農會啓十一月十五日

洮南縣教育會來函

敬啓者本月六日准教育會函稱遼源交涉案內有日人要求警察權及軍事顧問之說聞之無任惶駭查警察權爲內部行政顧問緊軍事要樞倘畀外人是內政國防動受牽制此而可以承認是我東三省之生命皆歸人掌握之中矣禍迫眉睫斷難緘默今當日人堅執要求之際政府未允之時一髮千鈞稍縱卽漸我東三省人民正宜誓死力爭以爲政府後盾現已由各團體電達政府及國會並呈請

省長督軍倡電協爭矣蓋警察軍事應由我國自行籌策該日人何得藉端嘗試以侵我主權且外交慣例成案之効力等於公法之條文若貿馮不察遽允日人之請則最惠國之先例列強將爭於援引而我

國外交益將窮於應付矣務希大力堅持不達目的不止難赴湯投火洩人惟願隨諸公後也除推舉董子希顏在省代表力爭外相應函覆

貴會查照可也此致

北京東三省公民會

南縣教育會啓十一月十五日

馬鴻亮來函

北京東三省旅京公民會均鑒頃讀致縣屬各界公函以遼源交涉案內日人有要警察權及軍事顧問之說有一於此足以召亡特依法力爭不涉激烈並一面電請國會及各督軍省長省會一致協爭一面咨達省長轉電中央嚴重交涉

諸公熱誠毅力審慮周詳凡我同胞莫不應頂禮膜拜以嘉諸公之勞豈僅奉省人民而已哉惟是頂禮之彌切斯貴望之彌著故於來函尙有不能已於言者謹略陳之來函謂有無效果雖難預知而此救亡苦心想邀邦人之原鑒度 諸公之意似以爲吾等但盡心而爲之其成功與否惟聽天命此亮不得不貴難

諸公竊恐照此宣言無甚效果更望

諸公須誓死抗拒不達到保全主權不能退顧如德皇之誓師便得有一男子亦必與戰亮請易之以吾奉省尙有一男子存在亦不能讓此主權朝鮮之亡司法先失若吾奉軍警兩權一旦被奪則後患堪忍嘗乎故吾人甘於待亡則已否者則除死方休益人僅一死耳此時如死尙可爲中華民國之鬼雖死猶

榮若俟亡而後死已爲亡國賤種夫誰與情況以死爭之主權或可保而死則未可必不以死爭之主權定被奪生恐本能也兵法有云置之死地而後生其反而言之即不置死地而反不能求全也同一理也何以言以死爭之或不死現世各國雖向強權然公理亦未盡泯遼源一案曲在日人舉世皆知不過我日不言人孰代曰果我

代表諸公及我全奉人民誓死力爭不相退讓彼日人雖恃強權而我尙有國在必不能如待韓人而專事屠戮也況我始終以文明對待不涉野蠻斯時定必有魯連者出而主持公道也聲嘶求救觀聞者無論何人莫不具測隱之心前來相祝也彼朝鮮者於日人侵奪司法權時全國之人未聞與爭者是其自不欲生雖有仁人無從下子矣我國日門戶開放以來已成均勢之局歐美各國注重商務決無利我土地之念惟我之東鄰則與大異耳然使我全國人民能始終以理相持以死力爭彼亦斷不敢過於蠻橫以破各國均勢之局不過彼知我國民氣有始鮮終無五分鐘之熱耳使果大反其前以爲政府後盾吾知必有濟也查去歲十月間長白中日軍警衝突兩方各死一人彼日兩次圍困長白亮則將我之軍警軍裝一律解除單身往彼隊中與之以理相爭初彼露刃相脅迫我認先開槍擊斃彼之兵士亮即以頸受刃謂汝卽有強權卽請回吾頸日晨至夜相持至十餘句鐘之久終不爲所動彼亦莫我何卒之彼此各自收斂死傷不相賠償和平了結省署均有卷可稽以此知強權世界公理固未盡泯遼源案爲民國復活之第一種重大交涉關係國家前途至深且鉅茲特以國民一份子資格陳敘於諸公之前願吾至敬至愛

諸先生其速圖之

馬鴻亮泣血謹十一月十六日

吉長道立師範學校來函

忙啓無別因爲鄭家屯交涉一案聞聽某國無理要求要我們南滿地警察權及軍事顧問權這個兩宗是我們萬萬不能承認的因爲軍事顧問用與不用其權操之在我不能聽之於人至於警察權完全是管理土地與人民的若是將這個權柄讓人就是我們的土地人民完全送人了將來無論城鄉他都要設警察我們一動一靜一出一入一飲一食都要受人干涉被人檢查一點都不能自主這還了得嗎我們親戚朋友父母伯叔兄弟妻子住在這塊地方的還能够活命嗎各位試想一想這個關係何等重大現在各處聞聽這個消息都爲着急一面開會集議一面寫信打電一面派代表晉京請政府不要退讓無論某國如何恐嚇我們不要胆怯不要怕他因爲鄭家屯的衝突不在我們理直氣壯與美各國的輿論都不以某國爲然都說他們毫無道理某國的人平日開口便說同洲同種不侵略我們的土地難道這句話就不記着嗎就要食言嗎這個無理的要求我們正堂堂是應該拒絕的是萬萬不能承認的現在我們全國拿定主見一致進行因爲東三省完全是我們中華民國的疆土這個主權萬萬不能放棄的特此送上這個公啓請大家看看大家留心逢人遍告或轉印送人一面保守地方秩序千萬不要暴動一面聯絡衆志多想法子目前緊要辦法約有數端一請議會報館以全副精神對付生死存亡定於頃刻宜消息靈通特別注意（如美人李佳白英人辛博森北京英文報上海字林西報均有公論宜特別轉印以彰直道）一請各處公共團體多聯名電爭民國以民氣爲本此等大事萬萬不能減

默(如教育會商會勸學所等等皆宜電爭)一語各處警察加意整頓凡我警士均係本地人民保衛桑梓即以保衛身家尤宜激發天良克盡天職免使外人藉口一請各處保衛團切實辦理勤加訓練以本地人民維持本地的治安衆志成城守望相助前清會國藩就是壹個會辦民團的好手千萬不要敷衍一請繼續儲金去年救國儲金也很不少宜繼續進行不宜中止積水可以成河積土可以成山不怕不成只怕無恆若提倡國貨我們中國的貨也很不錯只因近來的人喜愛洋貨我們的國貨就不銷行幾個銀錢都被別人盤制這是很吃虧的從今以後我們大家提倡無論穿的吃的用的總以國貨爲好千萬千萬不要愛新鮮至于某國的貨我們都要謹記在心我們口中也不必講甚麼抵制只要提倡國貨就對了岡才說這幾宗辦法都是目前最緊要的盼望東三省父老兄弟盼望全國父老兄弟羣策羣力一德一心總期力爭主權保全國土爲政府的後援作持久的準備千萬千萬不宜放棄責任至於軍界政界保衛疆土各有專責更不必說各位試想一想前清以東三省的地方雄長中原難道到了我們民國就放棄不成嗎丟了這個地方難道內地各省就可安枕不成嗎這是我們全國存亡所關萬萬不能承認的至於天津一案也很緊急更宜同時並進一致主張堅持到底幸甚幸甚忙迫之中不暇擇言

伏維

公鑒

王樹聲來函

吉長道立師範學校全體學生謹啓

輔安縣代表王樹聲對於遼源交涉案函陳意見請公決施行竊以軍警爲國權所寄民命所託警軍權

失卽國權隨之而消滅國權消滅人民將何所託命閱報載遼源交涉一案日本要求警察權軍事顧問權將有簽字之說無任惶駭查奉省財政久爲日人所操縱已足致我死命倘復允其要求則雖土地猶是人民猶是不啻形骸徒具精神已亡勢必任其奴隸牛馬之驅使鷄豚狗彘之鬻割將萬劫無回復主權之日豈目前利害而可忍受耶敵縣僻處偏隅民智獯野罔識大計惟知軍警權失卽主權不保與其苟且偷生甘服強權何如拚命一爭冀仰公理樹聲代表全縣民意函請

貴會公決咨請 國務院嚴重交涉必達到撤銷軍警權之要求以重國權而全民命則奉省幸甚國家幸甚此陳

王樹聲啓十一月十七日

### 黑龍江公民會來函

敬啟者鄭孟二君到江卽與同人等籌議組織黑龍江公民會業於本年十二月十七日開成立大會公推金君伯序爲主任幹事姜君言甫郭君問青吉君德純呂君索軒魁君斗辰施君化菴鄂君匡九爲幹事事務所附設省議會內力謀進行以副同舟共濟之實免唇亡齒寒之憂除電國務院參衆兩院對於奉直交涉誓死力爭外知厯關念特此函告此致

### 東三省公民會鈞鑒

黑龍江公民會啓十一月十七日

### 蓋平縣公民會來函

敬啟者遼源交涉事件日人非法要求謀滅人國此爲我四萬萬同胞同此不共戴天之憾乃我外交當局遲之又久竟未見有若何之主張而日人已探自由行動主義雍容雅步以拯焚溺政府諸公當不如

是東省人民爲緊急自衛計近已組織公民大會以謀最後之解決敵邑區區小城亦有公民數萬人分會成立之日莫不激昂痛哭僉稱此頭可斷奴隸不可爲甯以頭血遍染大地不願與圖上變成異色朝鮮南越足爲寒心

諸君勢處上游片言九鼎務懇關懷桑梓嚴重交涉必使政府勿稍讓步以爲吾民討乞留一柱杖之地是則

諸君之賜抑亦公民等所瓣香泥首者矣如政府無能爲力異日東省人民匪而走險被累者當不止東隅片面也語曰鹿死不擇音臨穎徬徨罔知託命謹九頓首於

同鄉諸先生座下

蓋平縣公民分會啓

吉林同江農商兩界來函

敬啓者頃奉吉林省議會函開得悉日人要求吾東警察顧問等權一項已由

貴會公推代表請求 中央嚴重交涉誓死力爭農商等均表同情殊深感佩倘以土壤細流可助高深

願援執兵隨後之例勉效微薄緩急之處望

惠函示除函復省議會外擬合亟函達

台端希即

鑒警爲盼此請

北京東三省公民會諸先生均鑒

張綬青	張恩亭	萬福堂	吉成永	劉竹筠	李萊山
保華公司	謙盛昌	朱新齋	張佐唐	武耀宗	義合順
尙潤軒	劉新三	戰奎五	東興隆	劉泰雲	傅省齋
福順永	裕昌發	王國賓	李香圃	順合隆	和大公
張煥一	嶽永茂	和慶祥	育生堂	周見三	永茂合
和慶公	王合順	崔樾村	劉名勛	瑞記	周志社
黃舟廷	齊魯公司	協聚成	洪成福	張爽齋	李湘亭
日升東	日升恒	全啓			

海倫縣議員團來函

東三省公民會諸大君子熱照頃由省會轉來公啓並鈔件各等書捧讀之下曷勝悚動遼源交涉關係我東省存亡一旦失敗同爲覆巢幸

諸君子見聞敏捷思慮深遠念及桑梓闔懷家國組織大會力救危亡庶窮鄉鄙野得識真象不然猶爲蹂躪釜網之魚不免玉石俱焚之禍謹將敵團意見書份敬登公閱如可施行卽希竭力提倡使我三省父老兄弟姊妹同胞有後於此實大幸事尙有指揮願効馳驅幸勿以僻遠見棄也嗚呼討賊亦亡不討賊亦死坐而待亡不如討賊此武鄉侯相蜀代魏之大政方針也今者強鄰壓境非鐵血不足圖存公理不彰非干戈奚克致勝敢率闔縣子弟枕戈待命負載以從至於文弱對待書面爭論呼籲懇祈之策想

必行之有素故皆置而弗講願

諸君子慎審裁焉風順頌頒

敬言爲感謹此肅頌

旅安餘希

垂照不周

海倫縣議會議員團啓十一月十九日

海倫縣議員團意見書

逕覆者案准

省會函轉東三省公民會公啓共鈔件四分爲堅持否認政府承認日本警察及軍事顧問權擬組織公民聯合會以爲交涉後盾等因除原文各卷簡叙外當經本團臨時發布公啓邀集本縣地方在藉士紳農商學各界同胞密開特別談話會詳加討論所抒意見大致相同僉謂事關國家主權對外損失獨立自尊之資格對內妨害保安自治之精神於我東三省地方禍福關係尤爲至鉅且重即使政府或稍有退讓在我三省父老兄弟諸姑姊妹誓必抵死力爭絕不承認此情凡有血氣之倫言之痛心聽之疾首莫不欲奮臂急起秣馬厲兵枕戈待旦以作最後對待而壯在京同鄉諸公暨

貴會抗議之聲氣又復詳審國計熟察民力意氣舉動鮮不慎事因更籌所以援助方法殊少和平穩健之策乃於萬難之中僅就偏見所及籌一最下策應之道敬爲詳陳此種交涉將來危險現象固屬盡人能道孰不欲如

貴會所稱宗旨要貴和平藉免憤事棘手之虞第當此歐陸戰雲未霽之際列強不暇東顧之時大和民族一般野心政治家雖日以維持東亞和平爲口頭禪實則染指南滿間鼎遼東何嘗瞬息忘懷似此要求漫云繩以國際公法卽以尊重國權主張人道論之雖庸愚牧豎亦咸知其理由欠缺但彼既肆倡此言必要有一番利得倘或政府爲所挾制無可支應加以重兵強迫進行爲之奈何天佑三省僥倖不至於此萬一不測竟出此途恐卽萬姓塗炭死不承認一語豈奈大勢已去何傳曰有備無患今日時勢之謂也然居今日之中國而言備兵豈不流爲書生謀國之譏者幾希泡薪救火之計智者不取是以動用軍備之論略而不採查民國二年曾經省會議決本省民團章程公布施行各地方實屬辦理均已成立若有成績行之經年遑爾取消此種民團性質本所以補助軍警之不足既非軍隊又非警察不在軍事範圍又不受行政統轄係一種地方兵備由我地方人調動支配內可用之以保民權外可用之以防侵凌用意深遠至良且美況在本省民團雖已解消而此項捐款仍舊徵收當此危急時代如能三省聯絡一氣由各省會主張從新組織民團詳加編製嚴加訓練仿照陸軍辦法純採軍國民主義暗行地方徵兵制度散則爲各地方之子弟聚則爲東三省之健兒所有槍械設法與德國購通購運勿使日人窺測機密對外宣言以保甲爲詞勝於現行之保衛團奚啻倍蓰一旦決裂卽出背城一戰之計以國有陸軍及警察爲後盾免使全國受此牽連卽以東三省全體人民與之對待國家對外尙有可藉之詞以爲善後之策果至此時卽可提出東三省特別區域之說存亡爲東三省地方上存亡與中華全國之存亡不相混同者此種意見不過略陳梗概言有不可以入廢者想

貴會諸公洞悉國勢可否採擇尙希鑒別杞憂之談特貢芻蕘之資既蒙垂問不羞管蠡用達在京諸公懷願桑梓熱忱且慰

貴會諮詢至意除已分函旅京同鄉諸公外相應專函布覆仰祈

裁酌進止此致

海倫縣議員團啓十一月十九日

吉林公民大會團體聯合會來函

竊以遼瀛交涉一案日人野心無厭橫肆要挾舉國人民激昂憤慨者久矣誠以此案關係綦重影響最大近則有喪失國權之漸遠則有慘召瓜剖之憂况夫三省屏幃國都邊區要地軍事財源位置極重設或瞻顧疏虞敷衍目前則益惹其虎警狼貪之念長其垂涎覬覦之心而歐陸戰罷羣雄亦將籍詞均籌援例干求彼時吾莊嚴燦爛之民國行難免夫覆沈之禍言念及此不寒而慄吾

大會憂勤政事東顧常勞捍衛國難固已勝算無遺時勢趨潮早爲幾先洞燭固無待夫鯁鬮爲慮也矧中日親善主義爲彼國現在所盛唱又值彼協約緒邦隱相監視之際吾國果能以充分之理由陳和平之抗議彼族雖強諒亦不至悍然稱釁甘作戎首此事理之惟者明至是近日各報喧傳日人堅持初議毫不退讓我政府畏難牽就將有允意雖道路風傳不足深信果成事實隱患匯淺伏望

大會嚴辭拒絕據理力爭內保國權外杜羣窺中華前途庶其有豸本會痛深切膚家國憂愁情急勢迫憂憤萬狀不避煩瑣之咎再陳蠡測策之見伏祈

鑒納舉國幸甚虔請

鈞安

吉林公民大會團體聯合會謹啓

奉天南清真教會來函

逕啓者遼源交涉日人要求條件酷烈絕難承認懇請轉電參衆兩院據理抵抗以保主權事竊查警察屬於統治權之一部軍事顧問關於秘密之嚴守乃我命脈手足焉豈容外人侵奪參預今彼一再要求此兩項實奪我命脈戕我手足持狼毒之術制死我人之生命條件殘苛於斯爲極我人甯碎骨粉身以血染地誓死不肯退步況世界各國趨於均勢之局使羣雄援例染指深恐退讓則無立足之地矣鄙會覘念及此不由心酸淚下矧桑梓之鄉一旦被據於強鄰尤屬痛關切膚再四研究與其抵抗於交涉失敗之後不如力爭於政府未承認以前爲此不避艱危具書懇請據情速電參衆兩院轉達政府據理力爭却其要求遏彼族思逞之野心而仰厯險不懼死之民氣此則無任切禱者也今我奉現狀千鈞一髮危險已極天下興亡匹夫有責想我東三省公民會諸先生必能宏謀遠慮以施利國福民之策萬望鼎力維持據情轉達決心拒絕全國不勝盼禱之至謹上

北京東三省公民會

奉天南清真教會全體公上十一月二十六日

吉林團體聯合會來函

敬啓者昨接福晉敬悉念切國恥函電力爭遙望雲天曷勝欽感日昨接全國公民大會廣告謂天津海光寺窪交涉一案法領強佔土地拘捕華警侮辱國體侵凌國權當經直隸代表及在京兩院同鄉發起聯合桑梓共謀拒絕名爲直隸公民大會以松筠菴爲大會事務所等因竊以土地雖在天津國

恥關乎全體影響至爲密切直亡即是國亡亡國之慘懷若淵水廣益端賴集思補救須資全力集會力勿囿於一隅全國精神方能貫注合同肥之團結爭大好之河山關省界之範圍更會名爲全國敵會詳加討論咸表同情誠以我國積弱交涉案件幾於無省無之國家既無實力對待所恃以救亡者惟此一息之民氣此項對外機關當然永久存在各省均應一律設立

貴會如表贊同卽祈發起性質相同或名目相同之會以示援助而增勢力遼源交涉仍無進步並望鼎力爭持除分函全國公民大會及各省商權外合將敵會簡章附上以備參考臨池惶悚不盡欲言專此奉商敬祝

爲國宣勞

吉林團體聯合會啓十二月二日

吉林同賓縣團體聯合分會來函

北京東三省公民會鑒茲因遼源交涉日人要求設警察於東三省是以亡韓之故智以亡我中國其奪我主權滅我種族之禍心已包藏在內各界羣起力爭誓死不能承認業已聯名上書請國務院外交部嚴詞峻拒援民情爲後盾不達否認目的不休日前拍電郵函迭經數次遙瞻政府遠隔無音迄今會否全見併現況如何統希指示肅此候福敬請

升安伏維

垂鑒

吉林同賓縣團體聯合分會啓

覆同賓縣公民聯合會函

逕覆者捧誦瑤函無任欽佩足徵人心未死尙可有爲彼日人爲遼瀋案件提出八條嚴酷之要求中就惟警察權軍事顧問教練權直欲以吞併朝鮮者吞併我滿蒙也三省旅京公民已於十二月一號在北京前門外西珠市口大街東三省會館地點成立東三省公民會又加入全國公民大會在順治門外楊椒山先生祠堂松筠菴內三省代表迭次上書於兩院及大總統內閣總理外交總長各處誓死不能承認且代表等迭調各外交當道痛哭陳請各當道許爲力爭凡關主權處絲毫不肯退讓而伍廷芳總長持之尤堅只看未後五分鐘耳雖然作大事者在有決心毅力而已我不認爲奴隸誰敢奴隸之我不甘作牛馬誰敢牛馬之嗚呼其在亡我而已茲特郵上遼瀋記實五十本奉吉黑請願書三份務懇廣爲流傳藉資警惕使我多數之公民腦鏡中攝入此影以摩盪而鼓舞之提撕而覺悟之勿作隔岸觀火勿爲外人漢奸利衷共濟衆志成城此則三省旅京同鄉所馨香而膜拜也此復

同賓縣公民聯合分會

本會啓十二月二十一日

---

第九款 各省之函電往來

## 第十款 外交談判之始末

八月十三日遼源事件發生九月二日日本駐京公使林權助偕參贊小幡書記船津到我外交部見陳兼署總長錦濤爲第一次之談話并提條件八項要求承認陳兼總長以事關國權非片言所能解決容候通長計議答之嗣夏詔霆以外交次長代理總長接辦此案交涉日使屢到外部要求速爲承認詎夏代長資望較淺識卑膽怯懼於日使之蠻橫昧於肇釁之事實談判之際一則曰唯唯再則曰諾諾遂使理直氣壯之交涉退居於俯首謝罪之地位除不關國權之輕微條件如懲戒軍官謝罪賠償等項已口頭允認外即警察顧問等條件亦不得不承認之意思觀其答覆衆議院衆議員之質問錄中關於設置日警之要求將來不能不量爲承認須蒙大家吃虧云云是該夏代長已有心承認苟非我三省同胞奔走呼號并力爭持則吾東省土地人民早爲夏代長餽贈之目的物也幸天佑東土伍秩庸以耄耋之年犧牲安間清福來長外交支此危局使吾二十萬同胞不致爲牛馬奴隸於異族之手其權忻鼓舞當何如耶今將其交涉進行之事迹逐一陳之十二月二日伍總長到部視事十三日開第一次談判日使林權助仍偕其參贊書記等到外部與伍總長及參事伍朝樞相會將收遼源交涉案之頭緒稍稍接洽至其肇釁事實之真象及日使要求條件之如何均未談及十九日開第二次談判雖稍有辯論亦無結果二十三日第三次談判開始就肇釁事實而研究之伍總長根據王鴻年之報告嚴詰日使謂首開槍者確爲日兵則禍首當不在我彼曲我直情節昭然何以反要懲辦我之軍官此太不平等之條件斷無承認之理日使則否認王鴻年報告謂肇自我開非自彼始也伍總長又謂警察問題毫無交涉之餘

地何則此問題本去歲交涉案中未決之條件亦無因本案而牽涉之理由請將此案刪除庶有交涉之餘地狡滑如日使當時即無相當答覆是日會議仍無結果二十六日開第四次談判將軍事顧問及軍事教授各問題亦曾略有磋商伍總長謂兩者均與國家軍政有關中國萬難負必須聘備之義務至於警察問題日使毫不放鬆伍總長堅不承認相持不下遂散會云第五次談判於二十八日行之日使聲稱安設日警原爲輔助東省保安事宜并不侵害中國國權伍總長厲聲答曰警察本國內行政不容他人干預貴國警察設於敝國之內是即干涉中國內政之變象有碍主權決難承認至於三省保安事宜中國自能負完全責任勿勞輔助且警察問題亦不在本案應行討論範圍之內云云相持良久亦未解決末後談及懲戒給卹道歉等問題伍總長又謂本總長未到任以前貴公使與本部迭次商議已有結果中國按必要程度而履行之帝國政府亦何得再肆要求總長又提出限制日兵駐紮問題日使當即承認派駐鄧家屯日兵當必依限撤退談畢遂散會六年一月五日日使面交口述書三件關於備聘教授及軍事顧問之二件大旨謂希望備聘教授原爲幫助養成將來滿蒙地方之武官闡明中日親善之精神庶免再發生類似鄧家屯之誤會聘用軍事顧問之希望亦爲疏通兩國軍事官憲之意思預防種種誤會但事關軍政來便相強應由中國政府斟酌關於派駐警察官之件大旨謂爲保護取締日本居住往來於東蒙南滿之臣民且預防有碍兩國親善之國交起見須有增設警察官派駐所之必要并謂此事屬治外法權當然之措置無侵害中國主權之處倘或中國政府不表同意日本政府只得按必要而實行之亦屬不得已之事云云中國政府接受此項口述書後詳加考量關於教授一節中政府現尙

無聘用外國人之意思關於聘用顧問奉天督軍署已聘有其人矣至關於派駐警察一層依據各種條約日本臣民之往來居住於東蒙南滿者中政府自能盡完全保護之職責無添設日警之必要且警察權與治外法權不可牽混中政府不能認爲當然之措置若於領土內駐紮外國警察於國權既有妨礙於人民又生誤會反足爲兩國親善之障礙至已設之日警派駐所中政府及地方官迭次抗議並未承認有必須設置日警之理由中政府碍難允認云云即以上述各理由答覆之日使接到答覆後即電達本國政府該政府亦理曲詞塞無可再爲要求最後兩政府約定由中國前代總長夏詒霖與日使林權助所商定之條件

#### 一中飭第二十八師師長

二有責任之中國軍官按照法律酌量處罰其應從嚴者自應從嚴

三於日本臣民之雜居區域內以對於日本軍民待以相尙禮遇等語出示曉諭一般軍民

四奉天督軍以相當方法表示抱歉之意於關東都督及奉天日本總領事同在旅順之時行之其方法

由該督軍任意辦理

五給與日本商人吉本五百元之鉅金

互換照會此案交涉遂解決焉惟此次交涉起於兩方軍隊之突衝案既了結日本派駐鄭家屯之軍隊自應全部撤退一月二十二日外交部照會日使請其將所有自四平街至鄭家屯沿途一帶日本兵隊一律撤盡同日准日使照會覆稱帝國政府之意俟商定之五項條件全部履行即將日本軍隊

---

第十款 外交談判之始末

全部撤退云云此本案交涉之經過情形也

## 第十一款 我國承認條件之履行及日軍之撤退

交涉解決後雙方担負之條件應即履行我外交部照會日本公使請其撤退派駐遼源沿途之日本軍隊旋難覆稱俟我國條件全部實行日本軍隊亦即全部撤退政府將交涉解決詳情及履行條件電令奉天督軍照依辦理是時督奉者爲張作霖遵令奉行於軍官方面施以相當之處置於吉本日商撥給約定之卹金於日人雜居區域內出示告諭軍民對於日本軍民相當之待遇並於關東都督及奉天日本總領事同在旅順時派員往致抱歉之意此我國條件全部履行之程序也我國條件既履行矣而日軍亦宜速退當由奉天交涉署照會日本領事轉飭撤退日軍該軍隊遂於四月十三日（六年）全部由遼源撤退矣

---

第十一款 我國承認條件之履行及日軍之撤退

一百八十六

## 第十二款 交涉之往來文件

鄭家屯案中日交涉往來文件

一日本公使面交解決本案之條件

二日本公使面交口述書三件

甲關於聘用軍事顧問事件

乙關於聘用軍官學校教習事件

丙關於派駐警察官事件

附件

日本公使面交關於派駐警察官問題之說明

三外交部答復口述書三件

甲關於聘用軍事顧問事件

乙關於聘用軍事授教事件

丙關於派駐警察官事件

四關於商結本案日本公使致外交部照會

五關於商結本案外交部復日本公使照會

六關於撤退日本軍隊外交部致日本公使照會

第十二款 交涉之往來文件

七關於撤退日本軍隊日本公使復外交部照會

日本公使面交解決本案之（條件五年九月二日）

際茲中日兩國之關係近來大見改良兩國親交之氣運適成一新紀元之時忽發生鄭家屯之不祥事件帝國政府最爲遺憾帝國政府就各方面詳查其事寔務期爲公平之判斷要之本案係出於中國軍隊方面之挑撥且以中國之兵力包圍襲擊日本軍隊爲無容疑之事實事體重大爲不待言然帝國政府特重視中日兩國關係之大義勉以和平解決之趣旨提出此解決案

要求中國政府速實行左列之事項

- 一懲戒第二十八師師長
- 二有責任之將校悉行免黜其中直接指揮暴行者處以嚴刑
- 三爲使中國軍隊或軍人此後不再有挑撥日本軍隊軍人或人民何等言動嚴飭中國駐紮南滿洲及東部內蒙古之中國軍隊全部並令該地方之中國各官廳以此項命令布告週知
- 四承認日本政府爲保護取締南滿洲及東部內蒙古之日本臣民於認爲必要之地點派駐日本警察官南滿洲中國官憲並增聘日本人爲警察顧問
- 作爲中國政府任意之提案聲明左列之事項
- 一南滿洲及東部內蒙古駐紮之中國各部軍隊聘用日本將校若干名爲顧問
- 二中國士官學校聘用日本將校若干名爲教習

三令奉天督軍親往關東都督及奉天日本總領事署訪問謝罪

四對於被害者或其遺族與以相當之慰藉金

關於聘用軍事顧問事件日本公使致外交部口述書（六年一月五日面交）

中國政府如在南滿洲聘用外國軍事顧問時儘先聘用日本人等語業在南滿東蒙條約附件民國四年五月二十五日照會內聲明在案查聘用日本人軍事顧問藉可疏通兩國軍事官憲意思且於預防誤會所致諸項事端亦有所裨無疑是以帝國政府於中國政府在南滿洲陸續聘用日本軍事顧問是爲希望惟此事關係貴國軍政帝國政府未便相強應由貴國政府任意斟酌可也

關於聘用軍事官學校教習事件日本公使致外交部口述書（六年一月五日面交）

帝國政府希望中國政府備聘日本國將校若干充爲武官學校教官是係幫助養成將來派遣滿蒙地方之武官闡明中日兩國之精神以期滿蒙地方再勿發生此次鄧家屯等項不祥案件而永絕禍根爲旨惟此事關係貴國軍政帝國政府未便相強應由貴國政府任意斟酌可也

關於派駐警察官事件日本公使致外交部口述書（六年一月五日面交）

南滿東蒙條約施行之結果將來於該地方來往之帝國臣民必見增多帝國政府取締保護此項臣民起見須有增設警察官派駐所之必要等因業於去年十月十八日帝國公使面交陳前任外交總長之說帖內詳述一切早在洞悉之中也帝國政府以爲倘或撤回此項要求將來該地方居住來往之帝國臣民大有不安之處難免與中國官民之間滋生事端惹起重大糾葛是不容疑蓋以帝國政府對於自

國臣民既有必須保護之義務者並有取締一切之權利因此不能默視發生此種事件抑且照之兩國國交親善起見亦有預先防範之義務者也查派駐帝國警察官之事究竟係屬治外法權當然之措置而毫無侵害中國主權之處更不庸置議藉資兩國官民關係之良好貢獻發展經濟之關係者必有不少是以帝國政府確信中國政府必表同意無覺偷或中國政府躊躇不表同意帝國政府只可應必要憲行之亦屬不得已之事合併聲明

日本公使面交關於派駐警察官問題之說明（五年十月十八日）

按照去歲所締結之關於南滿洲及東部內蒙古之條約日本國臣民得在南滿洲任便居住往來並得經營各種商工業又得在東部內蒙古與中國人民合辦農業及附屬工業所有南滿及東蒙地方日本臣民之數必將逐漸增加是以日本政府爲保護取締其臣民起見認爲有派駐警官之必要

南滿洲內地已設有若干之警察官駐在所中國地方官事實上業經承認與之往來交涉帝國政府於南滿洲及東部內蒙古內地日本臣民逐漸增加之處擬在其必要地點隨時增設警察官駐在所其地點自以日本居住民人數而定現在不能預爲列舉且有經費關係亦不至遽爾增設多處也

警察官駐在所之組織按照土地狀況及居住之日本臣民多少而定大概不過遣派數名之警察官而已警察官之重要職務如左

一 豫防日本臣民犯罪

一 日本臣民被害時保護之

一 搜查逮捕及護送應歸領事裁判之日本臣民犯罪者

一 關於民事之領事裁判執行事務例如承發吏之職務

一 監察日本臣民之身分關係

一 取締違犯中日兩國條約規定事項之日本臣民

一 關於中國警察法規中日兩國協議實施時使日本臣民遵奉此項法規之一切處置

總之日本政府擬設警察官駐在所於南滿及東蒙內地係根據領事裁判權其趣旨不過爲完全保護取締日本臣民並使各該處之中日兩國官民之關係圓滿良好兩國經濟關係得以漸次發達而已請照前此中國政府願全中日睦誼承認日本在南滿內地設立領事館及分館之例從速承認此次要求爲盼。

關於聘用軍事顧問事件外交部答復口述書（六年一月十二日面交）

准一月五日口述書稱中國政府如在南滿洲聘用外國軍事顧問時儘先聘用日本人等語業在南滿東蒙條約附件民國四年五月二十五日照會內聲明在案查聘用日本人軍事顧問藉可疏通兩國軍事官憲意思且豫防誤會所致諸項事端亦有所裨無疑是以帝國政府於中國政府在南滿洲陸續聘用日本軍事顧問是爲希望惟此事關係貴國軍政或帝國政府未便相強應由貴國政府任意斟酌等因查奉天督軍公署本聘用有貴國軍事顧問茲准來文業已閱悉

關於聘用軍官學校教習事件外交部答復口述書（六年一月十二日面交）

口述書稱帝國政府希望中國政府備聘日本國將校若干充爲武官學校教官是係幫助養成將來派遣滿蒙地方之武官備明中日兩國親善之精神以期滿蒙地方再勿發生此次鄭家屯等項不祥案件而永絕禍根爲旨惟此事關係貴國軍事帝國政府未便相強應由貴國政府任意斟酌等因查軍官學校向由本國陸軍人員教授現尙無聘用外國人爲教習之意思

關於派駐警察官事件外交部答復口述書（六年一月十二日交）

准一月五日 口述書稱南滿東蒙條約施行之結果將來於該地方來往居住之帝國臣民必見增多帝國政府取締保護此項臣民起見須有增設警察官派駐所之必要等因業於去年十月十八日帝國公使面交陳前任外交總長之說帖內詳述一切早在洞悉之中也帝國政府以爲倘或撤回此項要求將來該地方居住來往之帝國臣民大有不安之處難免與中國官民之間滋生事端惹起重大糾葛是不容疑蓋以帝國政府對於自國臣民既有必須保護之義務并有取締一切之權利因此不但不能默視發生此種事件抑且照之兩國國交親善起見亦有預先防範之義務者也查派駐帝國警察官之事究竟係屬治外法權當然之措置而毫無侵害中國主權之處更不庸置議藉資兩國官民關係之良好貢獻發展經濟之關係者必有不少是以帝國政府只可確信中國政府必表同意無疑倘或中國政府躊躇不表同意之時帝國政府只可應必要實行之亦屬不得已之事合併聲明等因查中日新約日本臣民得在南滿洲居住往來經營工商業並得在東部內蒙古與中國人民合辦農業及附隨工業中國政府預料日本臣民之數必遂漸增加故於該約第五條訂定所有在南滿洲及東部內蒙古之日本臣

民應服從中國警察法令以便中國警察實行其保護取締之職此日本臣民擬派駐警察官其理由亦係爲保護取締日本臣民起見但既有條約規定自可不必再設日本警官以免與中國警察權衝突去年十月十八日所交說帖內開日本警察官重要職務七項有爲中國警察總所應及者有爲現行條約所已經規定者有爲領事裁判所承發吏之職務者均無專設日警之必要是此項警察問題與所稱治外法權自難牽混本國政府不能認爲當然之措置即數十年自與各國訂有治外法權之條約以來亦未聞有以此爲辭者雖經

費公使迭次聲明此項警察決不干涉中國地方行政及警察權然經本國政府詳細考量於中國領土之內駐紮外國警察無論如何究於中國主權之精神及形式上均有妨碍且於人民方面易生誤會反是爲兩國親善之障礙至現在已經設置之日本警察駐在所業由本國政府及地方官迭次抗議並未承認所有口述書內開必須設置日本警察之理由本國政府碍難允認且此事尤與鄭家屯案無關迭次會議時

費公使亦有脫離鄭家屯案之說本國政府以爲應請貴國政府無庸再議仍不能作爲中國政府業經承認實行

關於商結本案外交部復日本公使照會（六年一月二十二日面交）  
爲照覆事本日接准 來照以關於會商鄭家屯一案經

費公使在本總長未到任以前與本部迭次會議彼此商定左列各款除所已斟酌之字句外無再討論

之餘地請查照見復等因本總長業已閱悉茲特查據會議錄及案卷將各款照復

貴公使查照可也須至照覆者

一 申飭第二十八師師長

二 有責任之中國軍官按照法律酌量處罰其應從嚴者自應從嚴

三 於日本臣民之雜居區域內以對日本軍民待以相當禮遇等語出示告諭一般軍民

四 奉天督軍以相當方法表示抱歉之意於關東都督及奉天日本總領事同在旅順之時行之其方法

由該督軍任意辦理

五 給與日本商人吉本五百元之卹金

關於撤退日本軍隊外交部致日本公使照會（六年一月二十二日面交）

爲照會事案查所有自四平街至鄭家屯沿途一帶貴國派駐之日本兵隊自何日起開始撤退至何日止一律撤盡請即詳細見示爲荷相應照會

貴公使查照見復可也須至照會者

關於撤退日本軍隊日本公使復外交部照會（六年一月二十二日面交）

爲照復事本日接准來照請將四平街至鄭家屯沿途一帶之日本軍隊撤退等因業已閱悉帝國政府之意俟此次鄭家屯案商定之五項全部履行即將曩日因鄭家屯事件發生增派至該方面之日本軍隊即行全部撤退相應照復貴總長查照可也須至照復者

第十三款

會員題名及認捐款項收支數目

馮德麟

閣忱

認捐二千元

陶賞卿

廷九

認捐五百元

樂駿聲

佩石

吳景瀛

蓮伯

楊振春

生吾

郭瀛洲

仙橋

白運昌

贊伊

以上每人認捐五十元

姜玉英

孟葵

陳瀛洲

海峯

劉恩格

鯉門

孫乃祥

瑞丞

張雅南

靜軒

仇玉珽

黼忱

翁恩裕

問卿

謝書林

東甫

李秉恕

惠周

羅永慶

善處

王雲謙

治安

龔玉崑

品卿

秦廣禮

立菴

范殿棟

雲卿

戰雲齋

林培

孫泮春

旭升

富元

惠軒

陳興亞

介卿

李紹白

愈三

趙連琪

玉雙

鄧克莊

敬如

李有忱

蘭坡

楊繩祖

詒孫

安海瀾

瀛澄

劉懋元

化一

齊耀璋

式軒

王蔭棠

澗南

邵仲康

曦秋

馬延年

毓久

蔣宗周

藝軒

曹嗣良

文璞

楊大寶

秀翹

王洪身

季喆

劉玉壘

玉元

楊福洲

興周

吳昭漢

義亭

楊崇山

儉齋

高家驥

季喆

董耕雲

話年

蔡國忱

興周

李伯荆

識韓

姚翰卿

介忱

楊渡

泮溪

畢維垣

輔廷

鄭林果

島九

楊乃庚

子襄

齊忠甲

迪生

李膺恩

榮九

莫德惠

柳忱

徐清和

希三

姜秀昆

毓之

金聖勳

叔奮

王泗斌

恩溥

趙來恩

義吾

蕭文彬

郁宣

第十三款 會員題名及認捐款項收支數目

陳耀先 紹蕃 應善以

以上每人認捐二十元

侯起堯 元勳 認捐十五元

陳嘉樂 快如 陳國棟 星樓 姚受唐 畏塵 王之棟 楠伯 楊榮春

王佐才 子新 張兆新 化南 薛永來 子遠 林震青 齊敬 曾有翼 子敬

孫耀剛 乃武 秦華 伯秋 谷嘉蔭 芷航 劉先民 谷泉 孫景雲 漢章

徐韻浦 以上每人認捐十元

韓麟春 芳辰 劉紹復 顯宗 劉文祥 渭清 王樹常 廷五 王柏 樹臣

以上每人認捐五元

王寶賢 喜臣 董曠 際春 關德昌 聘三 鈕玉廷 桂芳 段席珍 品三

梁富 子豐 張延齡 夢九 張國輝 雲峰 周志中 華宣 以上每人認捐二元

以上共認捐洋四千一百零八元實收入洋三千三百二十八元七角零四釐

支出款項數目

一鋪墊項下 壹百壹拾叁元正

一雜費項下 五百二十二元壹角五分

一紙墨費項下 二百壹十九元六角

一印刷費項下 叁百四十元正

一 函電費項下

五百四十七元九角九分三厘

一 車費項下

四十九元一角七分三厘

一 職員車膳費項下

四百四十三元四角一分

一 職員欠款項下

一百五十一元四角

一 僱員津貼項下

一百〇七元九角八分

一 夫役薪工項下

二十二元

一 路費項下

三百九十元

一 僱員欠款項下

二十元

以上共支出洋二千九百二十六元七角〇四厘

一 印刷本會遼源交涉始末記洋四百〇二元

以上統共支出洋三千三百二十八元七角〇四厘

---

第十三款 會員題名及認捐款項收支數目



#6  
082305

082305